







520

Fin

FINNI JOHANNÆI
S. THEOL. DOC. ET EPISCOPI SKALHOLT.
IN ISLANDIA
TRACTATUS THEOLOGICO-
HISTORICO-CRITICUS
DE
NOCTIS PRÆ DIE
NATURALI PRÆ-
ROGATIVA
AUT DUBIA AUT NULLA.



HAVNIÆ MDCCLXXXII.
Prostat apud GYLDENDAL,
Universit. Havn. Bibliopol.

Lundscholze

1876
1877
1878
1879
1880

1881
1882
1883
1884
1885

1886
1887
1888
1889
1890

1891
1892
1893
1894
1895

1896
1897
1898
1899
1900

1901
1902
1903
1904
1905

1906
1907
1908
1909
1910



Lector Benevole!

Is ipse, qui fatetur, sibi esse Nomen Mirabilis, cujus omnia dicta & facta sunt mirabilia, imo inenarrabilia, is, inquam, ipse in sacris suis ad nos transmissis Pandectis & propositis editis plus simplici vice jubet & hortatur, ut miranda sua contemplemur, ritemur, scrutemur, ut ex scrutinio oriatur cognitio, ex cognitione fides, ex fide ipsius amor, ut & tantorum tanti auctoris operum admiratio & observantia, omnia enim de ipsius admirabili

A 2

scien-

scientia, justitia, potentia, bonitate, aliisque attributis plane divinis, & omnem humanam sapientiam & potentiam longe superantibus, irrefragabile ferunt testimonium.

Ad tale scrutinium instituendum, ex quo Deum & res divinas potuissimus recte cognoscere, ipse nobis in prima creatione sufficientes largitus est vires, quas si conservassemus, multo plura jam sciremus & intelligeremus, præsertim quæ ad universi creationem & rerum naturam pertinent, quam jam scimus & intelligimus, nam quam acutum ingenium & subactum judicium Deus homini dederit, ex Adami, in statu integritatis constituti, exemplo colligi potest, qui unicuique animantium, avium, arborum, herbarum, nunquam antea visis conveniens eorum naturæ nomen indere potuerit, quam ingenii, proh dolor! felicitatem ita perdidimus, ut tota nostra scientia, etiam in statu restaurationis, non modo ita sit imperfecta, ut cognoscamus tantum ex parte, sed etiam magno expositi simus periculo, ne opi-
nio-

nionum varietate in errores inducamur, mundum enim opinionibus regi, tam certum est, quam quod certissimum.

Sed probe hic distingvendum tam inter objecta nostræ cognitionis, quæ non unius sunt generis, quam inter media & principia cognoscendi, quæ pro diversitate objectorum diversa sunt; eorum enim ut quædam sunt mere divina & coelestia, quæ communiter vocantur *Articuli puri*, id est tales, qui ex sola revelatione divina cognosci possunt, quædam vero coelestia quidem & divina, ut & homini æternum salvando cognitu necessaria, sed sanæ rationi ita obvia, ut ab eadem, modo debite usurpetur, & adductum s. scripturæ instituat, facile cognosci, intelligi & credi queant, qui a duplici hocce cognoscendi principio, revelatione scil. & ratione, communiter nuncupantur *Articuli Mixti*.

Inter Mixtos hosce articulos fidei primus aut certe non ultimus debetur locus Articulo de Creatione totius mundi, sana enim ratiocinatio per rerum ac



earundem causarum & principiorum sobrium examen eo pervenire potest, ut firmiter statuatur & concludatur, omne materiale ac compositum, quod aliquo modo corrumpi potest, nec a priori, (ut loqui amant) nec a posteriori æternum esse, sed habuisse initium, & habiturum finem, noscere itaque aliquam superiorem & nobiliorem causam & architectum, qui ea formaverit, & in statum ac ordinem, quo apparent, redegerit, quod est ipsa creatio; sed ordo, modus, tempus, aliæque circumstantiæ creationis, rationi humanæ incognitæ sunt & imperviæ, ac ex sola SS^{ra} hauriendæ, non quod tanta sint mysteria, ut ratiocinationi sint nimis alta & inpenetrabilia, sed ob defectum relationum & historiarum. Omnia enim, non modo quæ ante universalem cataclysmum, sed & ante annum Mundi 3500 acciderunt & facta sunt, non aliunde quam ex SS^{ra} certe cognosci & peti possunt. Quæ enim alibi apud Auctores profanos de his occurrunt, aut falsa sunt, aut fabulosa, imo Chaos quoddam, veritatis speciem habens, quod per varias traditiones ac flexuosos tramites

tes a Judæis ad gentilium scriptores pervenit.

Ut itaque articulus de creatione inter Mixtos illos primus est, ita magni momenti esse videtur, in ejus circumstantias paulo ulterius inquirere. Cumque tempus cum suis affectionibus, metis ac mensura, quibus ipse Creator statim a primo creationis momento Diei ac Noctis nomen, sed lucis ac tenebrarum indolem ac affectum indidit, inter res creatas de creatoris sapientia ac maiestate vel maxime testetur, operæ pretium esse videtur scrutari, quodnam horum prius fuerit creatum, inde enim elucescit, utrum mane, meridie, vespere aut noctu magnum creationis opus inceperit, de qua non obscura quæstione uberius commentari nobis est propositum, sed priusquam ipsam rem aggredimur, descriptionis occasionem & causam, deinde quas scribendi leges nobis proposuerimus, & tandem quibusnam mediis (ut ita dicam) hermeneuticis uti constituerimus, palam profitebimur, ne Lector plura aut majora sibi a nobis spondeat, quam proferre constitutum est. Quod

Qvod primam hujus scriptionis causam attinet, non fuit illa, ut quibusdam sinistre interpretantibus videri forte poterit, purum putum scribendi cachoetes, & multo minus novas opiniones aut schismata propagandi pruritus, sed ingens illa datorum seu temporis notationum diversitas, ubique fere obvia, inter illa, quæ in antiquis quibusdam historiis & legibus politicis occurrunt, & methodum, quæ usi sunt sequioris seculi Legum Ecclesiasticarum conditores, qui tempora nunc per noctes inter festa notarunt, nunc eadem per dies ab hoc vel illo festo indigitarunt, ut & quæ in Codicillis, judiciis, & constitutionibus, permutationum tabulis, & talibus documentis, post annum 1300 confectis, apparent; ab hoc enim tempore seu Seculo XIV nostrates annos reparatæ salutis documentis adscribere coeperunt, quæ data dicuntur hoc vel illo profesto, Vigilia, vel etiam vigiliæ vespera &c. Quæ diversitas, aut, quod verius est, diversæ, si non plane perversæ eorundem loquendi modorum explicationes, quas quidam inter nos Viri eruditionis laude

con.

conspicui editis scriptis publice tueri non dubitarunt, tantum nobis, cum in concinnanda Hist. Eccl. Isl. desudaremus, facescivit negotium, ut quo nos vertere-
remus, aut ubi pedem potissimum fige-
remus, plane nesciremus; præfracte
enim contendebant, omnem antiqvita-
tem diem naturalem non modo a vespe-
ra seu hora 6. sed etiam ab hora diei 3.
inchoasse, nam talis computus, præter-
quam quod cum antiqvorum horologio
& dies numerandi & tempora discernen-
di modo, nullatenus conciliari potuit,
magnam etiam historiæ, præsertim in
rebus momentosis, & accuratam requi-
rentibus datorum notationem, confu-
sionem attulit, unde nobis in hanc rem
penitus inquirendi nata est necessitas,
quod initio ita leviter & perfunctorie
egimus, ut exstantiora tantum huc spe-
ctantia loca, quæ inter legendum no-
stratum scripta se offerebant, in memo-
riæ levamen singularibus illineremus
chartis, illum saltim in finem, ut sibi
contradicentia eo facilius conferri, ge-
nuinus cujusvis loci sensus elici, vera
inde consequentia deduci, & tandem de

re tota certa idea formari posset, ex qua accurata collatione, & tentata sæpius conciliatione, talem tandem nacti sumus ideam, qualem hujusce Tractatus sectio V. exhibet; sed cum Viri illi docti nostratium scriptorum testimoniis, quæ sibi usui esse videbantur, suam thesin confirmare non contenti, Romanos etiam & Græcos, imo ipsos Hebræos, & cum primis ipsam scripturam in aciem producerent, quorum dicta & effata ita sæpius proferunt, & explicare videntur, ut quicquid liberet illis probare possint, non secus ac qui Atheismum in Ps. 14. & cædem hæreticorum Tit. 3. v. 10. concessam inveniunt, quæ examinando, discutiendo aut refutando, ne bonam atramenti & chartæ partem perderemus, (de tempore enim & labore tanto tali-que operi impendendo hic non loquimur) sicco pleraque pede transgredi visum est, & ut a nobis penitus intacta sibi habeant permittimus, ea autem examine digna censuimus, quæ aliquam veritatis speciem habere visa sunt. Hinc cum Islandorum huc pertinentia monumenta, quorum nobis copia fuit, hoc modo

modo percurriffemus, noſcendi curioſitas nos inceſſit, quid aliæ cultiores gentes, imprimis vero Judæi, natio ſupremo numini diu amata, & propriis ab eo legibus & pandectis inſtructa, hac de re ſentiverint, tandemque cum reliqvas gentes ſuas conſuetudines a Judæis accepiffæ, Judæos autem ſuas, quæ melioris frugis ſunt, ex SS^{ro} deprompſiffæ comperimus, ad ejusdem denique perluſtrationem, & accuratiſſimam hac de re inquiſitionem delati ſumus, in qua nihil, quod conceptam ante opinionem infringeret aut evelleret, invenire potuimus, ſed contrarium quid, ſcil. ea loca atque dicta (ut ſunt Gen. I. 5. Dan. 8. 14.) quæ nobis ante contraria videbantur, jam nobis non obſtare comperimus, cum nihil hac de re in ſe contineant, ſed aliud plane diverſum & multo ſublimius inculcent, ut ex ipſa Tractatione conſpici poteſt. Naſti itaque majus otium, ne hæc opella penitus periret, horas quasdam ſucciffivas chartarum recognitioni impendimus, rudemque illam & indigeſtam excerptorum farraginem in hancce operis formam redeſimus, minime



nime ut nostram sententiam aliis obtrudere vellemus, sed ut eandem hoc modo cordati Lectoris æquo sisteremus iudicio.

Ut supra innuimus, SS^{ram} primo scil. & principaliter Mosaicam in Libro Geneseos contentam, utpote ex instituto de hac materia tractantem, & deinde alia SS^{ra} loca, quæ huc pertinere videntur, licet non ex professo hac de re agant, sed oblata tantum occasione, certam ob causam, nostræ thesæos aut mentionem faciunt, aut aliquid, ad ejus illustrationem conducens, continent, ut unicum fontem, ex quo hujus rei notitia & certitudo hauriri possit, profiteamur; unde etiam eam unice sequi, firmiter propositum nobis est. Reliqua autem apud alios scriptores Judæos, Christianos & gentiles occurrentia, si non cum SS^{ra} effatis ad amussim concordent, ut meas conjecturas & improbables opiniones, in diversa sæpe abeuntes, parum moramur. Maxime tamen Judæis credendum, & primum locum concedendum esse fatemur, quamdiu Rabbinico suo

suo genio non nimium indulgent, quod non ex stolido quodam fastu scaturit, sed ex sola ac debita erga SS^{ram} reverentia, cum eam in hocce adæquatam normam, competentem judicem, & habilem testem agnoscamus.

Locis & effatis scripturæ, prout res postulabit, producendis, simpliciter & κατὰ ἔητον utemur, verbo verbum red-dentes, & nullas admittentes Allego-rias, Tropos aut figuras, nec alienos aut remotos sensus, nisi summa urgeat necessitas, sed semper genuinum Tex-tus sensum adhibebimus, illumque, qui inde simpliciter & sine ullo artificio fluit, pro genuino habebimus: sicubi autem ex uno dicto duplex, unus scil. ex nudis verbis prout jacent & scripta sunt, alter vero aut ex rebus, mente Auctoris, contextu & locis parallelis elici potest, hunc omnino priori præferemus. Tan-dem etiam multum ordini, quo in re-rum enumeratione utuntur sacri scrip-tores,tribuendum putamus, præser-tim si idem sæpe usurpetur, si vero ille alicubi rumpatur, gravem subesse cau-sam

sam putandum est, in quam omnino in-
qvirendum, nam consveti ordinis im-
mutatio, sensus mutationem, aut tale
quid innuere videtur, simili sinceri-
tate historias civiles huc pertinentes, tra-
ctaturi.

Post SS^{re} dicta & loqvendi modos,
ex quibus aliquid de Patriarcharum con-
suetudinibus, & Judæorum huc spe-
ctantibus placitis elici potuit, in patriæ
nostre documentorum ventilatione &
nostratum persuasionibus exponendis
ea de causa prolixissimi fuimus, maxi-
mamque curam & laborem impendi-
mus, quod eorum quam alienorum co-
pia ac notitia instructiores eramus, illa-
que & eorum perversa explicatio huic
seriptioni primam dederunt occasionem.
Reliquarum vero, & earum saltim gen-
tium consuetudines, quæ aut insigni
potentia aut eruditionis laude floru-
erunt, parcius multo tractavimus, &
primis tantum digitis tetigimus. Sed
quomodo nos hac in re gesserimus,
æqui cordatique Lectoris sistitur ju-
dicio.

His

His præmissis, ad ipsius argumenti tractationem nos accingimus, quæ ut eo luculentius instituatur.

Primo abhinc ad § XIX. aliquid de diversitate sententiarum circa historiam creationis, præsertim vero circa creationem lucis & tenebrarum, seu diei & noctis, ab interpretibus divulgatarum, adferemus.

Secundo inde ad § XXXIV. adferemus loca & effata Sacri Codicis, quæ pro diei prærogativa militare videntur.

Tertio hinc ad § LXVII. adducemus loca & dicta, quæ noctis præ die præstantiam commendare videntur.

Quarto a § LXVII. ad § LXXXV. observabimus variarum gentium praxin.

Quinto quid Islandi hac de re sentiverint a § LXXXV. ad § CXXII. perlustrabimus & discutiemus.

Tandemque nostrum iudicium,
quantum hisce argumentis tribuen-
dum sit, *Epilogi* loco subjungemus.



SEC-



SECTIO Ima.

§. I.

Hebraeorum gentis, cui præ aliis concredita fuerunt elogia Dei, felicitatem, & præ omnibus gentibus prærogativam, Propheta Regius eo nomine laudat, quod Deus ei statuta sua patefecerit, & judicia annuntiaverit, eo præcipue, ut videtur, fine, ut apud eandem vera Dei, ejus voluntatis, actionum, & in humanum genus beneficiorum cognitio & memoria facta testis conservaretur, ac ad alios transfunderetur, quod hanc nationem fideliter fecisse

B

non

non equidem negamus, licet quandoque patefactæ a Deo & scriptæ a Prophetis veritati coelesti, aliquid de suo addiderit, inter quæ haud immerito numeranda sunt paradoxa illa, quæ de supremi Numinis actionibus antemundanis nos docuit, scil. quod, antequam mundum condidit, hæc septem creaverit: Paradisum, legem, justos, Israel, solium Majestatis, Jerusalem, & Messiam; Alii autem dicunt, decem res creatas esse vespera Sabbati inter lucas: Iridem, Manna, puteum petræ, Columnam nubis, columnam ignis, scripturam, tabulas, baculum Aaronis, cum floribus & Amygdalis ejus: Quibus alii Dæmones & sepulchrum Moïsi adjiciunt. Quæ quantum a scripturæ tenore abcedant, nostro monito & commentatione non opus est, tantæ enim sunt absurditatis, ut eorum recitatio sit eorum refutatio. Talia autem licet sinxerint & fabricati sint dogmata & traditiones Judæorum Magistri, & quæ ejusdem farinae plura in eorum Libris occurrunt, immerito tamen insimulantur, quod generalem quandam sacræ scripturæ adulterationem procurarint, nosque hæc non ideo hic attulimus, ut eos tanti sacrilegii accusemus, sed tantummodo ut ostenderemus, quam absurdæ sint eorum traditiones, quas a majoribus se accepisse gloriantur, quibus ipsi divinam attribuunt auctoritatem, & non minus credunt, quam ab ipso Numine profecta fuerint, talesque sunt & earum
similes,

similes, quæ nos §. V. & alibi in hoc Tractatu notamus, & insulſitatis inſimulamus.

§. II.

Actiões itaqve ſummi Numinis ante creationem nobis ignotæ ſunt, cum Deo eas revelare non placuerit, tacente itaqve ſcriptura, nobis etiam de ea re tacere tutiſſimum eſt. Tantum autem nobis indicare voluit, quod lucem illam inacceſſibilem inhabitaverit 1 *Tim. 6. 16.* de qua Salvator ipſe loquitur *Joh. 17. Glorifica tu me Pater apud te ipſum, ea gloria, quam habui apud te, priuſquam mundus eſſet.* Et paulo poſt: *Pater! volo, ut illi, quos mihi dediſti, ſint apud me ubi ſum, ut videant eam meam gloriam, quam dediſti mihi, quia amaſti me, antequam mundi fundamenta jacta fuerunt.* Sed de aliis actionibus Dei antemundanis, (licet rationi humanæ conſentaneum ſit cogitare, Deum nunquam fuiſſe, nec unquam eſſe poſſe otioſum Cf. *Joh. 5. 17.*) in ſcriptura altiſſimam eſt ſilentium, niſi quod Apoſtolus *Eph. 1. 4.* dicit, *Deum elegiſſe nos in Chriſto, antequam mundi fundamenta jacta fuerint.*

§. III.

Pariter nobis incertum eſt, quando exſiterint angeli, aut ſpirituales ſupracoeleſtes creaturæ, cum nihil de earum creatione habeat SSra,

nisi quod ipse Deus dicit *Job. 38. 7. ubi eras, cum fundarem terram, cum stellæ matutinae & omnes filii Dei laudarent me.* Ubi per filios Dei aut stellæ matutinas, non possunt intelligi homines nec coeli, nec ulla sidera, utpote nondum creata, sed angeli, archangeli, potestates, principatus & dominia, quæ *Eph. 1. 21. & alibi* sacra pagina nominat. Quidam autem hæc ante mundum fuisse negant, quod antemundanum esse idem sit ac esse æternum, quod soli Deo competit. Sed non bene attendunt genuinum verborum sensum, qui talis esse videtur, quod nullæ prorsus creaturæ exstiterint, cum Deus opus creationis mundi primo inciperet, præter *stellas matutinas & omnes filios Dei*, qui eum tunc laudarunt. Cum vero eum laudarent, dum terram fundaret, id est ante jacta mundi fundamenta, certum est, eos exstitisse & antea creatos fuisse. Nec altera illa instantia firmiori nititur talo, antemundanum omne æternum esse, & ipsi Deo coævum, quasi æternum nomen nec potuisset nec voluisset spiritualia entia ante mundum creare, nisi ipsi essent coæterna. Taceo quod, licet omnia antemundana sint (nostro concipiendi modo) æterna, non sequitur, quod talia sint Deo ipsi coæterna, cum nos cognoscamus tantum ex parte, quasi per speculum & in ænigmate, ille autem omnia possit facere supra id, quod intelligimus, quis enim unquam ejus consultor fuit? Sed hac de re, scilicet quando

quando & quamdiu ante mundum conditum creati fuerint angeli, nihil certum statui potest, cum Deo nobis id revelare non placuerit: *Mos* enim constitutum fuit, nos de rerum corporali-um, sed non de spiritalium & supracoelestium creatione instruere.

§. IV.

Historiam creationis universi ita orditur divinus ille scriptor *Moses*: *In principio creavit Deus coelum & terram, & fuit terra vacuitas & inanitas, & tenebrae fuerunt super abyssum, & spiritus Dei incubavit super aquas; & dixit Deus: Fiat lux; & facta est lux.* Cujus loci non tantum verborum, sed etiam contentorum tor & tam diversas humanum ingenium excogitavit explicationes, ut earum multitudo & diversitas magis obruat quam instruat; multi enim & plures & graves in hac Pericope sibi visi sunt invenisse difficultates. Quidam de constructione grammatica hic solliciti sunt & multa disputant; quidam in quolibet vocabulo diversas inveniunt significationes, ex quibus diversas eliciunt sententias; Quidam universam creationis historiam allegorice explicari debere contendunt, quam interpretationis methodum quanta non sequatur diversitas, nemo non videt. Quidam hanc universam Periocham in duos tantum versiculos, quidam in tres dispeſcunt, & qui-

dem unus hoc, alter alio modo, quæ omnia quin diversas pariant difficultates, fieri non potest. Unde magnus noster *Lutherus*, qui Judæorum tantummodo, Græcorum & Latinorum Patrum & Doctorum, qui ante eum vixerunt, Commentarios in Genesin habuit, de illis ita scribit *Comment. in Gen. Cap. i. v. i.* Wir haben keinen, dem wir in diesen Auslegungen sicherlich nachgehen und folgen könnten, darumb wollen wir einem jeden sein judicium und gut Dünken lassen, und sagen was davon unsere Meinung sey. Et sane pleræque hujus & sequentis versus interpretationes, aliquo præjudicio aut singulari opinione laborare videntur.

§. V.

Celebriores autem, quæ circa hanc materiam occurrunt sententiæ, ne dicam exorbitantiæ, sunt.

1) Eorum, qui ita & tam graphice creationis opus describunt, ac si oculati testes adfuissent, omnia ad causas naturales referendo, ut suam in rebus physicis ostendant subtilitatem.

2) Temporis & consequenter creationis initium incidisse in horam 6. vespert. d. 23. aut 26. Octobris; tum enim dicunt, Deum creasse per breve quoddam crepusculum, quod prima nox statim subsecuta fuerit, ut eo facilius evincant noctis præ die prærogativam: quasi verba illa:

illa: *Vesper & mane una dies*, aliam non admittant explicationem, nec ullo alio modo salvari queant.

3) Qvod hac eadem vespera sine ullo verbo creaverit Chaos quoddam, quod ipsi materiam primam vocant, ex aqua & luto constantem, ex qua demum omnia produxerit.

4) Huic materiae lutulentæ, vel secundum alios tenuissimæ, spiritum Dei incubasse, & fructificandi vim statim indidisse volunt, antequam Deus ex ea quicquam produxit, vel verbo jusset, ut res existerent.

5) Quidam, ut rebus creatis eo majorem adferant perfectionem, unumquemque creationis diem annum integrum faciunt. Nec

6) Desunt, qui omnia uno momento creata esse, sexque dierum commemorationem ad ordinem, non ad temporis intervalla discernenda, pertinere dicunt, & id genus plura, quæ non vacat enumerare. Qui autem plura talium cupit, apud ipsos Commentarios ea quærat, multa autem uno quasi oculi ictu conspiciere licet Tom I. Crit. Angl. Luth. Comment. in Genesin, ut & in *Calovii Bibl. Illustr.*

§. VI.

Sed ne tam fluxe procedamus, & suspensionem incurramus, quod dissensiones interpretum plus nimio exaggeremus, distinctius paulo

agemus, & cum impossibile sit omnes omnium referre sententias, summorum tamen Theologorum unius e quavis cardinali Christianorum secta ipsius Auctoris verbis exprimemus.

Pro *Lutheranis* itaque Celeberr. *Abraham Calovium* producemus, qui præterito Seculo intricis & disputationibus theologicis, saltim intra Germaniam, dictaturam quandam aut gessisse, aut affectasse videtur. Hujus in *Gen. c. i. §.* verba sunt.

“ Tres illi dies primi & extraordinarii
 “ ante creatum solem facti, non sunt per
 “ emissionem & contractionem radiorum,
 “ quæ Basilii & Damasceni videtur senten-
 “ tia, sed per motum luminosi corporis
 “ lucis primogeniæ, quod ita circa rudem
 “ molem motum fuit, ut accessu suo diem,
 “ recessu vero noctem induxerit, & 24 ho-
 “ rarum spatio ad eundem terminum redi-
 “ rit: unde primus dies naturalis factus,
 “ tenebris per horas 12 durantibus ante
 “ lucem conditam, quæ prima nox fuit:
 “ ubi vero lux a Deo crearetur, mane pri-
 “ mum exortum fuit, & per reliquas
 “ Νυχθημεριῶν horas diffusa luce ac mo-
 “ tu, usque dum absoluto cursu tenebræ
 “ redirent, dies prima constituta est. „

§. VII.

Ex *Pontificiorum* castris prodibit Vir doctissimus principem inter suæ Sectæ consortes tam in Theologicis quam Chronologicis locum tenens, *D. Petavius*, in *Ration. Temp. Lib. I.* hunc in modum sententiam dicens.

“Mundum a Deo esse conditum, si non
 “divina persuaderet auctoritas, satis nos
 “ejus per se contemplatio doceret: hunc
 “etsi summus ille Artifex constantem par-
 “tibus suis & absolutum momento creare
 “potuit, paulatim tamen sex intervallo
 “dierum elaborare maluit. Quocirca prin-
 “cipio rerum omnium nihil præter ter-
 “ram, terræque circumfusam aquæ im-
 “mensitatem existit. Aquæ porro non
 “crassæ erant & concretæ, quales modo
 “cernimus, sed tenues & vaporis instar
 “nebulae totum hoc inane repleverant,
 “quod supra terram elementorum cæterô-
 “rum ac coelestium corporum vastitas oc-
 “cupavit: eas partim aquarum vocabulo,
 “partim abyssî declarat Moses, quas &
 “initio, nondum oborta luce, tenebris obfi-
 “tas fuisse dicit, & iis Dei incubuisse spi-
 “ritum; ex aqua terræque velut materia
 “reliqua deinde formata sunt corpora,
 “quæ in sex dierum opere percensentur.
 “Quod autem Deum in principio coelum
 B 5 “ & ter-

“ & terram creasse ait, ea generalis est
 “ sententia, quæ id omne complectitur,
 “ quod sex diebus perfectum est, quod-
 “ quæ per partes deinceps exponitur. Pri-
 “ mo die lucem procreavit Deus, quam
 “ aqua five tenuis & immensus ille vapo-
 “ rum tractus excepit, nondum sole pro-
 “ ducto, & ut dici noctisque spatia defi-
 “ niret, eandem lucem nebulosi illius cor-
 “ poris agitatione circumtulit. „

Et in ejusdem operis Part. II. Lib. II. “ Prima
 “ dies mundi in 26 Octobris incidisset, si
 “ tunc in usu forma hæc esset anni, quo
 “ die æquinoctium, five medius in Libræ
 “ cardinem ingressus contigit. „

§. VIII.

Pro *Reformatorum* Secta in hoc theatro
 appareat Vir in omni litterarum genere, præ-
 fertim vero Theologia, historia & Chronologia
 versatissimus, *Jacobus Usserius*, Episcopus Ar-
 machanus, qui in Annal. V. T. ita suam pro-
 fert sententiam.

“ In principio creavit Deus coelum &
 “ terram Gen. I. quod temporis principium
 “ (juxta nostram Chronologiam), incidit
 “ in noctis illius initium, quæ 23. diem
 “ præcesit, in Anno Periodi Jul. 710.
 “ Primo igitur seculi die (Octob. 23. Fer. I.)
 “ cum

“ cum supremo coelo creavit Deus ange-
 “ los, deinde summo operis fastigio pri-
 “ mum perfectò, ad ima mundanæ hujus
 “ fabricæ fundamenta progressus mirandus
 “ artifex, infimum hunc globum, ex aqua
 “ & luto conflatum, constituit, concinenti-
 “ bus & collaudantibus cum simul omni-
 “ bus ipsius angelis Job. 38. 7. Cumque
 “ terra esset inanis & vacua, & tenebræ
 “ essent in superficie abyssi, in ipso primi
 “ diei medio creata est lux, quam a tene-
 “ bris distingvens, illam appellavit diem
 “ has noctem. „ Et in sua *Chronologia*
sacra. “ Ita vespéra primum mundi diem
 “ aperiente, usque ad mediam noctem ini-
 “ tium præbentem, 25 quidem d. Decem-
 “ bris, quo Christum natum supponimus,
 “ Annos Julianos 3999. menses (τριακον-
 “ τημήρης) 2. dies 4. & horas 6. Kal. vero
 “ Januariis anni Per. Jul. 4714 (a quibus
 “ vulgaris Æræ Christianæ exordium de-
 “ ducimus) Annos 4003, menses 2. dies
 “ 11. horas 6. decurrisse colligimus. „

§. IX.

Quantum si non a veritatis, certe a con-
 cordiæ tramite discedat hæc eruditorum triga,
 nostro monito non opus est, juvat tamen
 aliqualem instituere collationem hoc modo.

Calovius

Calovius quid intendat, non facile dixeris, nam cum primo valde verisimilem apprehendisset sententiam, quod motus luminosi corporis lucis primogeniæ ita processerit circa rudem molem, ut accessu suo diem, recessu vero (3: ulteriore progressu), noctem fecerit, & 24 horarum spatio ad primum reveriendo punctum, diem naturalem effecerit. Mox quasi ejus poenitens, innuit primam noctem 12 horarum exortam esse ante lucem conditam, sed ubi lux a Deo crearetur, primum mane exortum esse, & per reliquas horas Nychthemerii diffusa luce ac motu, usque dum absoluto cursu tenebræ redirent, diem primam constituisse: sed unde habuerit Vir doctissimus, primam noctem 12 horarum exortam esse ante lucem conditam, nescio, nec quid sibi velit, intellectu facile est, nisi dicatur, cum hac restrictione trivialem illam de creatione a vespere incepta sententiam stabilire, sed verisimiliorem illam, quam antea amplexus fuisse videbatur, hypothesin revocare voluisse.

Petavius autem videtur, principium illud, de quo Moyses loquitur, a primo die distingvere, ac innuere, Deum in principio non creavisse Chaos seu materiam confusam, sed omnium primum terram, seu molem quandam terream, circumfusam aquarum immensitate, quæ ténues ac vaporis instar sed non tam crassæ fuerint ut hodie cernimus, quæ Mosi nunc abyssi nunc aqua-

aqvarum nomine veniant; sed post hoc principium, quod in vesperam d. 25. Octob. incidisse autumat, dicit Deum prima vice lucem creavisse, quam aqua seu tenuis & immensus ille vaporum tractus exceperit.

Usserius suam ita exprimit mentem, quod principium inciderit in initium noctis illius, quæ 23. Octobris diem præcescit, in quo principio Deus creaverit supremum coelum & angelos, moxque globum mundanum, ex aqua & luto constantem, tandem vero in primi diei medio lucem, & eam a tenebris distinxisse, hancque diem, illas autem noctem appellasse. Tantum ab unanimi *Mosis* verborum explicatione abeunt viri doctissimi, ut ubi pedem figeres, omnino nescires, nisi ipsum adhuc *Mosis* scriptum exstaret: in eo autem concordant, quod principium creationis mundi & temporis cum primæ noctis initio coeperit, 12 horis antequam Deus lucem creavit, quod unus ad 23. alter vero ad 25. Octobris alligat, quæ paradoxa statuere maluerunt eruditissimi viri, quam antiquum illud præjudicium deferere, quod creatio a vespera inceperit.

§. X.

Alii autem aliter hæc *Mosis* verba: *in principio creavit Deus coelum & terram* &c. explicant (volunt enim, ea esse inscriptionem ac titulum

lum Libri, indicantem primam & præcipuam
 fcriptionis materiam, eamque & ejus modum
 in compendio exhibentem, quæ est creatio to-
 tius universi), commodè enim ita sumi ac intel-
 ligi posse, ac si scripsisset: expositurus sum in hoc
 Libro historiam creationis coeli & terræ, quam
 Deus in principio peregit, quam sententiam ip-
 sos Judæos confirmare dicunt, vocando hunc
 Librum sola vocula primâ *Bereſchit*, cùm totum
 titulum præferre graventur. Talia enim Com-
 pendia, præcipua Librorum argumenta indican-
 tia, in eorum fronte ponere, & ipsi materiæ
 affigere, tam sacris quam profanis auctoribus
 usitatum fuisse volunt, exempli loco producant.
Proverbia Salomonis, quæ ita incipiunt. *Salomonis, Regis Israelis, filii Davidis, Proverbia.*
Ecclesiast. Filii Davidis, Regis Hierosolymæ.
verba. Esaiam: Visio Esaiæ filii Amos, quam vi-
dit super Judam & Jerusalem in diebus Uziæ,
Jotham & Ezechia, Regum Judæ. Jeremiam:
Verba Jeremiæ Prophetæ, filii Hilchia, de sa-
cerdotibus, qui fuerunt in Anathot, in terra
Benjamin &c. Matthæi Evangelium: Liber
Genealogiæ Jesu Christi. & Apocalypsin Johan-
nis: Jesu Christi Apocalypsis, quam Deus ei
dedit, ut monstraret servis suis, quæ mox fierent.
 De quibus omnibus notandum: quod materiæ
 Libri affixæ sint, & v. i. aut plures efficiant.
 A Moſe hunc morem acceperunt Judæi, ab
 illis Græci, a Græcis Romani. Hinc ma-
 nus

nus ille *Homerus* suam *Odyssæam* hoc modo inchoat.

Ἄνδρα μοι ἔννεπε, μοῦσα πολύτροπον, ὅς
μαλα πολλὰ πλάιχθη, ἔπει τρώϊς ἱερὸν πη-
λιέθρον ἔπρσε &c. ο: *Virum multi ingenii dic mihi*
Musa, qui valde multum vagatus est, ex quo Tro-
jæ sacram urbem evertit.

Virgilius suam *Æneiden* ita orditur.

Arma Virumqve cano, Trojæ qui primus ab oris
Italiam periiit. *Ovidius Metamorphosin* —

In nova fert animus mutatas dicere formas —
Corpora —

Silius Italicus.

Ordior arma, quibus coelo se gloria tollit
Æneadum, potiturqve ferox Oenotria jura —
Carthago —

Lucanus — Bella per Æmathios, plusquam civilia
campos

— jusque datum sceleris canimus —

Quæ hic adferuntur, non ut sacris scriptoribus
profani comparentur, sed ad indicandum, hunc
scribendi morem sacris & profanis scriptori-
bus usitatum fuisse.

§. XI.

Præmisso hoc Libri titulo & argumenti
succincta expositione, dicunt eum v. 2. docere,
qualis universi vultus ante creationem coeli &
terræ fuerit, scil. quod elara illa ac subtilis ma-
teria, quam *coelum* vocamus, & quicquid ad
eam

eam pertinet, ut & terra crassa illa ac dura moles, fuerit mera inanitas & vacuitas, seu nigrum nihil, quod hic immediate abyssus vocetur, cum abyssus non tantum molem aquarum, sed quamvis profundam voraginem notet. Chæos enim gentilium & materiam primam Christianorum, omnium rerum semina continentem, nullam agnoscunt, cum Deus creaverit omnia simul, & uno tantum verbo, ex puro puto nihilo, non existentia vocaverit ut existerent. Per incubationem spiritus Dei super aquas seu abyssum, quæ cum primo creationis momento coepit, & toties repetita est, quoties Deus dixit, ut aliquid fieret, cum nunquam dicatur, quod semel facta sit, aut unum tantum momentum duraverit, intelligunt ipsam aquarum & terræ creationem, quæ revera ad secundi diei opus pertineat, sed statim in v. 2. per prolepsin antequam primo fieret, memoretur, ut ostenderetur, ante hanc incubationem aut creationem totum universum, quod postea exstitit, prorsus nihil fuisse, id est, secundum scripturæ phrasin, ipsam inanitatem & vacuitatem, quod haudquaquam de Abyssu illo magno dici potuisset, si paucas aquæ guttulas & manipulum pulveris continuisset, at multo minus si immensam aquæ limosæ copiam habuisset, nam ut primo per terram, ita hic per aquam, universum globum terraqueum, qui postea exstitit, intelligi volunt, ut cap. 1. v. 1. cum c. 2. v. 4. concordet.

§. XII.

Coelum, terram, aquam, abyssum, & incubationem spiritus Dei super aquas, per Prolepsin non inelegantem in v. 1. & 2. nominari dicunt, licet nondum condita essent, nam eorum creatio suo loco & concinno ordine inter subsequëntia Dei opera memoratur: coelorum *Gen. 1, 6. 8.* aquarum v. 6. 7. 9. nihil enim obitare volunt, quod ibi de earum creatione non expresse agatur, cum id antea per Prolepsin factum sit. De Abyssi, qualis postea existit, & terræ creatione agatur v. 9. 10. Tales autem Prolepses Spiritui sancto & ejus amanuensibus non inusitatae fuerunt. Cf. præter alios *Es. 44. 28. & 45. 1.* ubi ipse Deus loquitur de Cyro, Rege Persarum, ut præterito & præsentē, antequam natus fuit, imo ipsi *Mosi* & quidem in hoc Libro sæpius usurpatæ, ut patet.

a) Ex *Gen. 17. 19. 21.* ubi Isaac nominatur, antequam genitus fuit. β) *Gen. 15. 2.* atque alibi passim Abraham introducitur vocans Deum proprio suo nomine Jehovah, similiter Jacob & Joseph, ut & Abrahami famulus, imo impius ille Laban id Dei nomen usurpasse dicuntur, cum id eorum ætate nemini mortalium cognitum fuerit, nec ulli priusquam *Mosi Ex. 3. 14.* Abrahamum autem, Isaacum & Jacobum id plane ignorasse, ipse Deus dixit hoc modo *Ex. 6. 3. Et visus sum ab Abraham, Isaac Et*

Jacob in Deo omnipotente (El schaddai) est in nomine meo Jehovah, non sum cognitus eis: quæ verba secundum litteram intelligunt, in his enim nec ullam allegoriam, nec singulare quoddam mysterium agnoscunt, cum sensus litteræ nullam inferat difficultatem; sed quo longius ab eo recesseris, eo majores oriri dicunt difficultates, præsertim, quamdiu contrarium defendentes, non meliorem adferant explicationem, quam Calovius Bibl. Illustr. Tom. I. Critic. Angl. Tom. I. Starkius & alii ad h. l. habent, quarum summa eo redit, quod Deus dixerit, nec patribus se in suis operibus & forti brachio, nec in sua bonitate & philanthropia notum fuisse, ut jam se ostensurus esset, quæ explicatio non modo minus competens, & nimis dædalea esse, sed etiam contradictionem involvere videtur; nonne enim ex totius mundi creatione, diluvio, excidio Sodomæ, dispersione gentium, divina omnipotentia, & ex promissione seminis benedicti, condonatione peccati Adamitici, diutina tolerantia antediluvianorum, gratiosa vocatione Abrahami, ut & eum-eo, Isaaco & Jacobo gratiosa conversatione, & repetitis multoties promissionibus, summa Dei bonitas collucescit: tandemque quid de Noachi, Josephi, & ipsius Moysis miraculosa conservatione dicendum erit? Nonne ex omnibus hisce ad stuporem usque fortiter & gratiose factis experimentalis Dei notitia haberi potuit?

potuit? Nec melius rem conficiant, qui id ratione certi effectus intelligunt, seu liberationis Israelitarum ex Ægypto, secundum quam patribus nomen Jehova ignotum fuerit; quibus adstipulatur Vir Clariss. *Joh. Franc. Buddaus* Hist. Eccl. V. T. Period. II. Sect. 1. §. 3. Haudquaquam itaque tales hic bene quadrant explanationes; multo satius est ingenue fateri, quod ipsa res postulat, scil. Deum nomen suum Jehova Mosi omnium primo ad dometum in terra Madian aperuisse, Mosén vero, in *Genesi* historicorum more Prolepsibus & Prosopopeiis utentem, non semper ipsa Auctorum verba, prout prolata fuerunt, adhibuisse, sed eorum animi sensa, sub quorum persona loquebatur, quam exactissime exprimere, contentum, nomen Jehovæ, utpote Israelitis, cum hæc scriberet, notissimum, & summe venerandum, istorum orationibus inseruisse, licet & ipse Deus, & illi, aliis usi fuerint Dei nominibus, eorum tempore usitatis, ipsius Majestatem, & eorum submissionem æque declarantibus; nam nunc mentem loquentis, nunc ipsa verba exprimere, optimorum auctorum, & ipsorum etiam Evangelistarum mos est, ut ex eo patet, quod sæpius diversis verbis easdem Christi conciones referant, imo nec verba institutionis sacræ coenæ iisdem plane verbis exhibeant. Sic ipse Christus & Apostoli non semper iisdem verbis ac Prophetæ utuntur, cum eorum dicta adferunt, sed

ut tum eorum auditoribus nota & usitata fuerunt, quod ut historicae veritati nihil plane derogat, ita nec hæc Mosis methodus ejus relationibus. γ) Taceo Prolepsin illam, quam Paulus *Ebr.* 7. in *Gen.* 14. infert. Cum Moses eam expresse non habeat, aliaque ejusdem farinae, quæ permulta in sacro codice occurrunt. Et simili modo hæc, de quibus hic agimus, coelum nempe, terra, aqua, abyssus & incubatio spiritus, hic per Prolepsin enumerata esse possunt.

§. XIII.

Hæc sententia a communi ratione & methodo explicandi & applicandi *Gen.* 1. v. 1. & 2. recedit, ut hoc modo declinet scyllas & Carybdes, in quas priores incidere videntur, unde conjecturis uritur, sed quam probabilibus, cordati Lectoris est dispicere, scilicet utrum v. 1. possit esse titulus & inscriptio Libri, an quæ in v. 2. dicuntur per Prolepsin referri, ita se habere possint: conspicuum est, quod hæc a communi interpretum opinione non leviter discedant, sed quod ideo sint erronea & prave applicata, non sequitur. Certe nec veritati historicae a Mose compositae expresse repugnant, nec analogiam fidei ullo modo lædunt, nec tandem ullam malam habent consequentiam, unde illis hoc *Lutheri* effatum applicari non immerito potest. Wenn wir gleich daran fehlen, so ist

ist das doch ohne Fahr. Hanc sententiam, quod Deus immediate ex nihilo omnia creaverit, eo nihil infringi volunt.

1) Quod Deus creavit hominem ex pulvere terræ, & mulierem e costa viri, cum id ut exceptio universalis regulæ, singulariter memoretur:

2) Nec quod terra produxerit arbores, gramina & animalia, aqua pisces, & aer volatilia, cum omnia hæc verbo Dei in aqua, in terra & in aëre producta sint, postquam spiritus Dei aquis, id est postquam primæ inanitati & vacuitati incubuerat, illique fructificandi vim indiderat.

3) Nec illud 2 Petr. 3. 5. *Terra quondam exstitit ex aqua, & per aquam verbo Dei*, nam id exacte conveniat cum opere creationis tertii diei.

4) Nec tandem scitisimum illud Mosæ Epiphonema, universæ creationis historiæ subjunctum, quo illam quodammodo explicat, & ab æquivocationis suspicione vindicat, dicens Gen. 2. 4. *Istæ sunt generationes coeli & terræ, quando creata sunt, in die illo, quo fecit Deus coelum & terram.* Ubi

a) Vox *generationis* non in proprio sensu sumenda est, quasi coelum ac terra ex materia quadam aut femine præexistente paulatim adoleverint, sed metaphorice pro creatione cujuscunque rei ex nihilo, uno momento facta,

ut ipse *Moses* hic id explicat, voce creationis mox adhibita. Nec

b) *Dies* hic nominatus non notat ullum creationis diem, multo minus primam illam vespèram, qvæ coelum & terram in materia prima generata esse fingunt, sed notat integrum illud sextiduum, qvo coelum & terra, id est omnia, qvæ existunt, creata fuerunt, qvæ dici notio SSræ usitatissima est.

c) Cum hicce locus prorsus sit paralelus eum *Gen. I. 1.* ita ut hic indigitetur, qvomodo coelum & terra, ibi nominata, primo fuerint creata, manifestum est, ibidem non de ulla materia prima agi, sed de toto subsequente creationis opere, ita ut prior locus agat de creatione perficienda, sed posterior de eadem perfecta: innuitur itaqvæ, *Mosen* dicere voluisse: hoc modo Deus in principio, id est integro sextiduo, coelum ac terram, sed qvamvis rem uno verbo & uno momento, e nihilo creavit, ut hocce dictum hanc sententiam magis firmare qvam evertere videatur.

§. XIV.

Qvid his ultra ex immenso fere, qvi ad manus est, sententiarum apparatu addamus, nescimus; cum una reliqvarum alteri palmam non præripiat, præter communissimam ac plurimis acceptam illam, qvæ statuitur, per *principium*
illud,

illud, de quo *Moses* hic loquitur, intelligi debere primum temporis momentum, quod a vespere inceperit, in quo Deus angelos creavit, quo facto eum coelum & terram creasse putant, non quidem qualia tandem exstiterunt, sed in materia prima ex aqua & luto consistente, & omnium rerum semina in se continente: hæc in abyſſo seu magna capedine fluitasse volunt, cui Spiritus sanctus columbæ instar incubuerit, & vim fructificantem indiderit: hanc materiam nigram fuisse, seu tenebras super eandem, id est superficiem & faciem aquarum fuisse & abyſſi, ex quibus Deus lucem prodire jussit, quam vocaverit diem, tenebras autem illas primulas noctem, & hoc modo primum diem, ex vespere & mane constantem, factum esse censent: quæ omnia satis quidem sunt speciosa, nec SSræ verbis aperte refragantur, nisi quod in illa de temporis a vespere inchoatione & materia prima altissimum est silentium; nam per *coelum, terram, aquas, abyſſum & tenebras*, quæ *Moses Gen. I.* nominat, non certum est, quod materia illa prima, sine verbo creata, indigetur, nec quod nox naturalis per tenebras illi memoratas prorsus intelligi debeat, cum verba aliam æque probabilem tolerant explicationem.

§. XV.

Hæc enim si accuratius examinentur, facile conspicitur, quibus difficultatibus preman-
tur. scil.

1) Qvod Coelum & Terram sine verbo creata statuunt, qvod perpendens B. noster *Lutherus*; qvæ se vertat nescit, conjiciens tandem, ideo mentionem verbi hic omissam esse; ne quis cogitet, ipsum verbum cum creaturis initium habuisse; qvæ explicatio quanti sit ponderis, nemo non videt.

2) Qvod materiam primam loco gentilium Chaos supponit, qvod rudioribus cogitandi ansam subministravit, creationem duplicem fuisse, alteram rudem & crassam, alteram subtilem, politam & ornatam, ex prima materia factam, quasi Deus; perinde ac alii artifices, opera sua polire & repolire opus habuerit, ut tandem ad perfectionem venirent; & si hæc materia necessaria fuit, ut ex illa reliquæ res crearentur, certe ipsa etiam ex aliqua materia præexistente creata fuit; & illa iterum ex altera.

3) Si *coelum & terra* v. i. nominata fuerunt materia illa prima, ex luto & aqua constans, omnia prorsus rerum creandarum semina in se continens, oporteret eam etiam continuisse semina animæ humanæ, & si qui sunt alii spiritus, & invisibilia entia, unde sequeretur, aut aliquid in hac materia primæ spirituale & incorporeum

poreum vel subtilioris corporis fuisse, aut aliquid materiale & corporale, inesse his entibus, quæ nos spiritus vocamus.

4) Quod æternus ille lucis defectus & primæ tenebræ aut fuerint prima nox naturalis, unde nox diem præcesserit, aut etiam quod ipsum tempus & creatio a vespere inceperit, quæ præjudicia a majoribus accepimus, non secus ac terram orbem esse fixamque stare, solem vero circa eam moveri. Quæ, etiam me tacente, ita comparata esse, ut ad SSræ & veritatis amussim non optime quadrent, cuius sine præjudiciis judicanti conspicuum fiet, si ipsius effata consulere velit, quæ mox adferemus.

§. XVI.

Sunt autem scriptorum theopneustorum huc spectantia verba, quæ sequuntur.

Gen. 1: 3. Dixit Dominus: fiat, & factum est.

Pf. 33. 6. Verbo Jehovæ coeli formati sunt, & spiritu oris ejus omnis exercitus eorum.

— v. 9. Dixit & factum est, jussit & constitit.

Rom. 4. 17. Vocat non existentia, ut existant.

Joh. 1. 3. Per verbum omnia facta sunt, & sine ipso factum est nihil. (sc. per Verbi personalis Verbum orale.)

Hebr. 11. 3. Fide scimus, mundum compactum esse verbo Dei, ut quæ videntur, facta sint

ex illis, quæ non videntur. (scil. ex nihilo, non Chao aut alia materia.)

Hebr. 1. 3. Portat omnia verbo sapientiæ (sed ut portat omnia verbo, ita verbo omnia creavit.)

Quo etiam spectant hæc *Syrachi* verba.

Syr. 18. 1. Deus creavit omnia verbo simul (id est quamvis rem uno verbo & in instanti, ita ut aliorum fabrorum more eadem reformare & polire opus non habuerit.

Quæ omnia unanimiter dicunt, SS^{am} Trinitatem, Deum (Patrem) Verbum (Filium) & spiritum oris Dei (3: tertiam Trinitatis personam Spiritum SS^{um}) communi operatione solo verbo, & nihil sine verbo, omnia ex nihilo, id est nulla præexistente materia, simul uno momento quamvis rem creasse, eo ordine, quo *Moses* creationis historiam refert, *Gen. 1. 3.* usque ad finem Capitis, ita ut inceperit a prima spiritus Dei incubatione super aquam, id est inanem illam, vacuum, & vaporosam abyssum, & lucis creatione, quæ simul ac eodem momento facta esse videtur, quam ex tenebris id est defectu luminis splendere eam iusserit (2 *Cor. 4. 6.*), sed in hominis creatione desiverit, quod sex diebus egit, licet id uno momento & uno verbo perficere posset: de quo legenda sunt aurea *Lutheri* verba *Comment. in Genesin* ad opus quarti diei, quorum conclusionem (cum tota pericope prolixior sit) quia hic adscribam

non

non gravabor. Er macht es nach seinem Willen und Wohlgefallen, so lang, nicht kurtzer, nicht länger. Et tandem. Das sage ich alles darumb, daß man bey einfältigen Worten und Verstand bleibe, und nicht empor fare und hoch tichte. Wenn wir gleich daran fehlen, so ist das doch ohne Fahr.

§. XVII.

Diximus, per tenebras illas, quarum *Moses* mentionem facit v. 8. non posse intelligi noctem naturalem, diei oppositam, cum nondum ulla nox aut ullus dies creatus esset, id enim refertur v. 5. post creationem lucis: sed notant hæ tenebræ, crassam quandam nigredinem, & summum lucis defectum, quæ superinducta & plena fuit magna & inanis illa vacuitas, quæ etiam tali inanitatis statui propria esse, & quæ eundem ab æterno, (si de æterno aliquid balbutire licet) secuta fuisse videtur. Sed cum id momentum instaret, quo Deo placuit creationis opus ordiri, iussit lucem non ex aqua, nec ex luto, quo universum oppletum fuisse volunt, sed ex memoratis tenebris splendere (2 Cor. 4. 6.) quod indicio est, nihil præter tenebras existitisse, cum Deus lucem crearet, quod *Moses* ita effert. *Fiat Lux, & exstitit lux*, id est ex antiquis illis tenebris splenduit Lux, & hocce fuit primum temporis momentum, & simul initium diei primi,

primi; nam hoc loquendi modo: *Fiat Lux, & facta est lux*, cui *Pantus* splendorem tribuit, non exprimitur videtur umbrosum & subfuscum crepusculum, aut obscurus vespere, sed clara lux, quæ tamen in uno loco splendere incipiens, forte non in toto statim momento, ob ipsius tenuitatem, & circumstitas undequaque tenebras densissimas, latissime per totius primævæ illius tenebrosæ, & (si Diis placet) monadibus impletæ, vacuitatis aut abysfi, hæmisphærium, se diffundere potuit, quod apprime convenit cum tempore matutino, circa lucis ortum, antequam ipsa a tenebris segregata clarissime splendere incepit; nam quo debiliore est lux, & longius spatium ei penetrandum; eo tardius ejus radii id implent, eoqve obscurior ipsa lux esse videtur; primævas autem tenebras ut crassissimas, ita penetratu difficillimas, forte & vaporosas fuisse, non vero dissimile est. Exemplo sit vel fovea quædam subterranea, undique occlusa, in ea tandem tam crassæ & vaporosæ tenebræ existunt, ut illatæ mediocris lucis splendor obscurus fieri videatur, tardeqve & successive tenebras penetret. Et licet nulla obftet æris crassitudo, lucis tamen diffusio per inæmentem abyssum aliquod tempus exigit, sed tenebris paulatim depulsis, lux omnia clare illuminat. Vel etiã lucidissimæ, sed a nobis longissime distatæ stellæ lux, quam oculus fudo coelo percipit quidem, sed non tantum splendorem, ut ni-

grum

grum ab albo discernere queat, nisi propius accedat, quod facer scriptor etiam hac phrasi indigere videtur, quod Deus segregavit lucem a tenebris, eiqve hoc modo splendorem & primæ inanitatis ac vacuitatis habundantiam dependentem illuminanti, dici nomen ab omni re separatas a luce tenebras, quibus non tantum incertum revertendi tempus præscripsit, sed etiam vocaverit. Successive hæc facta fuisse, tempora clare docet, ita ut prima lucis creatio temporis matutino, segregatio ab omni umbroso seu clarissimus splendor, meridiano, sed, inditio nominum provecto diei non incommode adscribi possit, licet (si Deo ita placuisset) omnia simul facere potuisset cum ipsi sit nullum verbum impossibile.

§. XVIII.

Simplicissima itaqve, & ut intellectu facillima, ita revelationi divinæ congruens sententia hæc videtur esse, quam, usque dum certiora edocemur, amplecti non dubitamus, Philosophorum scita de Chao, materia prima, atomis & monadibus in medio relinquentes.

In principio, cum Deus crearet aut creare inciperet coelum & terram, omnia, quæ jam sunt & videntur, imo & ipsa illa dura & crassa materia, quæ jam a nobis calcatur & vocatur terra, fuerunt inanitas & vacuitas, id est niger,
vacuus

vacuus & inanis fuit, vel abyssus, quæ *Mosè*, ut alicui rectam asseruit, aquarum nomine etiam inscripta. In primo hoc temporis momento primus & unus huius inanitatem ferri, ac eiden-
 dem huiusmodi huiusque eodem prorsus tempore, *Fiat lux, & facta est*, quod utrumque omnium mundanorum primum, & materiam primæ creationis ullus usque vacuus est locus; hic & non alibi id fieri debet, ita ut illa etiam huius incubationis fructus fuerit. Lucem autem, ex æternis & primogeniis luce tenebris splendere incipientem, Deus vidit bonam esse, & rebus creandis utilem fore, ideoque eam a tenebris segregavit, & ita moveri iussit, ut certo temporis, id est (nostro conspiciendi modo) 12 horarum spatio unum vacuum inanitatis hæmisphærium, & pari tempore alterum circumiret, ac ejus superficiem illuminaret, quæ per unum hæmisphærium transeunte, ibi dies fuit, sed ad alterum paulatim semper se movente, tenebræ pari passu ibi successerunt, usque dum spatio 24 horarum totam illam vacuitatis & inanitatis abyssum circumierat, diemque ac noctem effecerat, illis, qui postea, creato tandem sole & globo mundano, existerunt, analogos, si non prorsus similes, quo pacto dies & nox simul esse coeperunt, ita tamen ut lux præcesserit, quæ primam diem effecit, tenebræ autem seu lucis abitus, occupando locum a luce relictum, primam noctem

noctem effecerunt; nox enim sine antecedente luce nec a *Mose* nominatur, nec capi potest, hoc autem modo seu huic analogo ex vespere & mane, id est luce & tenebris, unam diem naturalem factam fuisse, putamus. Sed quicquid sit, diem ante noctem & nominari & creatum fuisse, nemo negare potest. Ita enim jacent verba. *Fiat lux, & facta est lux, & vocavit lucem diem, & tenebras noctem.* Utrum autem ex hac phrasi: *Fuit vespere & mane dies unus*, nocti præ die aliqua prærogativa accedat, commodiori loco disquirendum reservamus.

SECTIO II da.

§. XIX.

Absoluta hac prima dissertationis parte, quæ consistit in interpretum & commentatorum sententiarum enumeratione, quas de creationis historia, præsertim vero de diei & noctis ordine naturali evulgarunt, quæ cum a *Mosis* verbis tantum recedant, nec probabiles, nec inter se sociabiles videantur, aut ex illorum concordia vix ulla speranda sit veritatis indagatio, eas missas facimus, & ad multo certiora argumenta, quæ sunt ipsius SSræ effata, nos conferimus. Secunda itaque Tractatus nostri Sectio in eo occupari

pari debet, ut ea conquirat & producat dicta & loca biblica, quæ diem nocti præponunt, quorum tria statim in hoc primo *Geneseos* Capite se offerunt: nam

v. 5. dicitur. *Vocavit lumen diem & tenebras noctem.*

v. 14. ad distinguendum inter diem & noctem.

v. 16. ad dirigendum diem & noctem.

Ubi (ne quid dissimulemus) scilicet in v. 14. prærogativa, quæ diei tribuitur, æque probabiliter ad solem, utpote luna tanto potior, quanto est dies nocte, referri debere, causari posse videtur, sed cum ea causatio nec in v. 16. ubi eadem verba in eodem sensu repetuntur, nec alibi, ubi occurrunt, locum habere possit, diem hic ut naturali ordine nocte priorem, præponi manifestum est.

§. XX.

Gen. 7. Ipse Deus prædicens Noë magnum illud diluvium, diem nocti præfert dicens.

Post 7. dies pluvie faciam super terram 40 diebus & 40 noctibus. Cujus executio repetitur.

v. 12. *& pluit super terram 40 diebus & 40 noctibus.*

Quæ casu aut sine certa causa, aut ad rem aliquam habito respectu, ita a Deo prolata, & a *Mose* scriptore divino ita disposita esse, ordinemque

nemque naturæ, si nox revera die prior fuit, tam graviter inversum & violatum fuisse, nemo, ut putamus, sanæ mentis sibi persuadere poterit.

§. XXI.

His accedunt ipsius Dei verba consolatoria; & gratiosissimarum promissionum plena, ad erigendam tristem & afflictam Noachi mentem, summa cura, gravitate, acclamatione & tenerri-
mo affectu profata.

*Gen. 8. 22. Quamdiu terra adhuc supererit, se-
mentis & messis, frigus & calor, æstas
& hyems, dies & nox non cessabunt.*

Hic ipse Deus quatuor rerum paria enu-
merat, inter quæ tantus & tam naturalis ordo
est, quanta naturalis relatio & oppositio, quæ
omnia sapientissimum Numen exacte observat,
omniaque naturali ordine profert, nam semen-
tem præponit messi, frigus calori, quod natura
prius fuisse, cum hic a sole & igne proficiscat-
ur, illud vero ab humiditate & caloris defectu,
nemini dubium erit; Pari modo æstas hyemi
præfertur, quod mundus aut tempore verno
creatus fuit, quæ sententia haud paucos conspi-
cuae auctoritatis & magnæ eruditionis viros fau-
tores habet, aut si sub autumnum, aut vergen-
te æstate conditus fuit, certe in florentissimo &
pulcherrimo, quo adulta æstate esse solet, statu,
quod ex protoplastorum pomi esu sufficienter

probatur, adeo ut nuper conditus amænissimam æstatem repræsentaverit. Tandemque dies nocti ut prior hemeronyctii pars præfertur. Et quam indigna ipso Numine illa fuisset anomalia, si hæc inverso ordine & idiotice protulisset, imo ipsa consolatio Noacho parum conducibilis, qui forte promissiones ex tam inordinata loquela mensus fuisset.

§. XXII.

Hujus rei ultimum exemplum, quod *Moses* in Libro Genescos nobis suppeditat, exstat.

Cap. 31. 40. Ubi Jacob Patriarcha dicit:

Interdiu calor me consumpsit, frigus noctu.

Quæ verba non alia egent interpretatione, quam secum ferunt, scil. ut Jacob, ut fidus opilio, interdiu sub dio in calida regione agens & laborans, æstu consumptus fuerit, quod non mirum, cum id ei cum pluribus commune fuerit, sed quod noctu frigore consumptus est, id magis mirum, cum nox lege naturæ quieti & refocillationi dicata sit, quod ut insolitam & debito majorem fidem, hero suo præstitam, merito hic præponere potuisset, si non ab ordine naturæ in recensione temporum recedere, scrupulum ei movisset. Et quid jam de ipso *Mose* dicendum, si vesperam mane sexies præposuit ea tantum intentione, ut vespere naturalem ordinem & prærogativam indicare vellet, sed in eodem

eodem Libro septies, imo in eodem capite aliquoties, cum res postularet, ut ordo naturæ observaretur, ab eo recessit, nonne, si hæc vera essent, inconstantia & obscuritatis argui posset? quod de tanto viro vel cogitare nefas esse putamus.

§. XXIII.

In reliquis, quæ reliquit Moses, monumentis librariis, hæc loquendi formula, quæ dies nocti præfertur, decies occurrit.

α) *Exod. 10. 13.* Dicitur *ventus orientalis tota die & tota nocte spirasse.*

β) - - c. 25. 18. Dicitur Moses fuisse 40 diebus & 40 noctibus cum Deo in monte, quod quater reperitur in Libris Moisaicis.

γ) - - c. 40. 38. Dicitur *nubes interdiu, sed ignis noctu incubasse tabernaculo.*

δ) *Levit. 8. 35.* Legitur, Deum jussisse, Aarōnem & ejus filios *continuis 7. diebus & 7 noctibus* in tabernaculo permanere.

ε) *Num. 9. 21. & c. 11. 32.* occurrit.

ζ) *Deut. 9. 9. & c. 11. & forte sæpius,* adeo ut, si omnia Mosis dicta numerare velis, ubi hæc loquendi formula occurrit, decies septies iterata invenietur, cum contrarium ne semel quidem occurrat.

§. XXIV.

Nec reliqui Libri Historici V. T. hujus observationis expertes sunt, in illis enim novies occurrit.

- a) *Josue* 1. 8. Josua jubetur meditari legem Dei, *die & nocte*.
- b) 1 *Sam.* 19. 24. De Saulo Rege saltante nudo *toto die & tota nocte*.
- c) - - cap. 30. 12. de juvene Ægyptio, qui *tribus diebus & tribus noctibus* nihil comederat.
- d) 1 *Reg.* 8. 59. Rogat Salomon, oratio sua sit coram Domino *toto die & tota nocte*.
- e) - - cap. 19. 8. ambulavit Elias 40 *diebus & 40 noctibus* usque ad montem Horeb.
- f) 1 *Chron.* 9. 33. Cantores in templo adfuerunt *die & nocte*.
- g) 2 *Chron.* 6. 20. Ut oculi tui sint super domum hanc *die & nocte*.
- h) *Nehem.* 1. 6. Rogat Nehemias, ut suam orationem audiat Dominus *die & nocte*.
- i) *Esther.* 4. 16. Judæi Susis habitantes 3 *diebus & 3 noctibus* vetantur edere aut bibere.
- k) Tandem etiam in *Apocryphis* adhibetur aliquoties, sed, ne quid subtrahemus in utramque partem.

§. XXV.

Nec multo minor seges in *Hagiographis*, seu illius sacræ litteraturæ parte, quæ *Luc. 24. 44.* sub *Psalms* nomine venit. Nam *Job. 2. 13.* Amici ejus dicuntur cum eo in terra consedisse *7. diebus ac noctibus.*

David sæpe utitur hac Phrasi.

Pf. 1. 2. Beatum prædicat, qui *die & nocte* acquiescit in lege Domini.

Pf. 22. 2. Deus mi! ad te clamo *die*, & non respondes, & *noctu* non possum quiescere.

Pf. 42. 4. Lacrymæ meæ sunt cibus meus *die & noctu.*

Pf. 55. 11. *Die & nocte* obambulavit in muris ejus.

Pf. 74. 16. *Dies tui sunt, & noctes etiam tuæ,* tu præparasti lucem & solem. Et tandem

Pf. 88. 1. Domine salus mea ad te clamo *die & nocte.*

Quorum agmen claudit.

Ecl. 8. 16. Quorum oculi *nec die nec nocte* somnum vident.

§. XXVI.

Nec omnino frustra hac de re inquiritur apud Prophetas: *Esaias* enim & *Jeremias* non raro hac loquendi forma utuntur. Apud *Esaiam* occurrit.

- Cap. 27. 3. Custodiam *die & nocte*, dicit Deus.
 28. 19. *Dies nocti* præponitur.
 34. 9. Fumus ejus non exstinguetur *die & nocte*.
 60. 11. Portæ tuæ apertæ erunt *die & nocte*.

Jeremias etiam

- Cap. 9. 1. dicit, se plorasse *die & nocte*.
 16. 13. servietis diis alienis *die & nocte*.
 33. 20. *dies nocti* bis præponitur, quod
 v. 25. etiam repetitur.

Zach. 14. 7. Erit unus dies, quem Deus nov-
 rit, qui non erit *dies & nox*.

Amos 5, 8. Præponitur *dies nocti*.

Jonæ 2. 1. Fuit Jonas in Ventre Ceti 3 *diebus*
& 3 noctibus.

Ex his clarum est, hunc loquendi morem
 apud Prophetas duodecies inveniri, contrarium
 nunquam.

§. XXVII.

Largæ etiam hujus rei messis in N. T. re-
 peritur, nam ejus scr. prores hac phrasi per sæpe
 utuntur, constanterque eandem observant re-
 gulam, ut diem nocti præferant, solo excepto
Paulo Apostolo, qui aliquoties ab ea discedit,
 sed ob singulares & graves (ut videtur) causas,
 quorum mentionem suo loco faciemus.

Matt. 4. 2. Dicitur Christus jejunasse 40 *dies*
& 40 noctes. *Matt.*

Matt. 12. Sicut Jonas fuit 3 dies & 3 noctes in ventre ceti, ita filius hominis erit 3 diebus & 3 noctibus in corde terræ.

Marc. 1. 10. Dicitur Christus jejunasse 40 dies & 40 noctes.

Luc. 18. 7. Dicuntur pii die & nocte Deum invocare.

Act. 9. 24. Dicuntur Judæi Paulum observasse die & nocte.

1 Theff. 2. 9. Dicit Paulus, se aliquid operari die & nocte.

- - 3. 10. Se die & nocte pro auditoribus orare.

2 Theff. 3. Repetit, quæ *1 Theff. 2. 9.* scripserat de sua in laborando industria die & nocte.

Apoc. 4. 8. Dicuntur quatuor illa animantia die & nocte clamare.

- - c. 7. 15. Dicuntur beati die & nocte servire.

- - c. 12. 10. Dicitur Satanæ accusare pios die & nocte.

- - c. 14. 12. Condemnati ustulari die & nocte.

- - c. 20. 10. Diabolus & Pseudoprophetæ die & nocte in æternum cruciabuntur.

- - c. 21. 25. *Dies nocti præponitur.*

Hæc autem SSræ loca non ideo collegimus, quasi ex mera diei & noctis vocularum dispositione aliquid certi de earundem creationis ordine constitui posse credamus, sed ut ostenda-

tur, quo ordine sacri scriptores, a Spiritu Dei acti, sapissime eas enumeraverint, quod inverso naturali ordine eos fecisse, nobis persuadere non possumus.

§. XXVIII.

Præter hæc, in quibus dies nocti expressis verbis præponitur, occurrunt etiam alia loca, in quibus nec dies nec nox suo nomine veniunt, sed sub æquipollentibus appellationibus, quales sunt Mane & Vesper, ubi servato eodem ordine ac regula, ut quæ diem notant semper præmittantur, excepto tantum Gen. 1, ubi *Vesper* præcedit, *mane* subsequitur, ob rationes, paulo inferius, ubi hocce nostrum absolvimus pensum, indicandas. Mane autem Vesperæ præponitur. Gen. 49. 27. Benjamin prædabit ut lupus, *mane* comedet prædam, & *vespere* dividet spoliū.

Ex. 18. 13. Populus stetit coram Moïse a *mane* ad *vesperam*, quod v. 14. totidem verbis repetitur.

Num. 28. 4. De sacrificio jugi præmittitur *mane* *vesperi*.

Es. 38. 13. Ubi Rex Ezechias tres diei. partes hoc ordine recenset: A *mane* ad meridiem, & inde usque in *noctem*.

Jer. 5. 24. Nec dixerunt in corde suo: timeamus Dominum, qui dat pluviam *mane* & *vespere*.

I Paral.

1 Paral. 16. 40. De sacrificio jugi mane & vespere.

2 Paral. 13. 11. Mane & vespere.

Esdra. 3. 3. Dicit Esdras, populum e captivitate reducem incepisse mane & vespere offerre sacrificium jure.

Job. 4. 20. Dicit, se a mane ad vespere affligi.

Act. 28. 23. Prædicavit Paulus a mane ad vespere.

§. XXIX.

Huc etiam facit, quod SSra, tempus aliquod determinans, id semper per dies, nunquam per noctes exprimit, quod nocti non levis videtur injuria, si ei, ut priori & potiori dici parti, jure creationis competeret prærogativa. Tot vero sunt loca illa, non modo apud unum Auctorem, sed fere omnes sacri Codicis scriptores, qui diversis locis, diversisque temporibus scripserunt, ipsique diversæ eruditionis & conditionis fuerunt, ut nulla conspiratio, & inconsiderata consuetudo locum habere possit, sed exinata toti nationi persuasione de diei prærogativa profectum esse, videatur. Quæ multitudo cum tanta sit, ut nostræ paginæ angustia eam non capiat, sufficiet nobis hac vice tantum quædam ex Libro Geneseos adferre: sunt vero.

Gen. 7. 10. Factum est die septimo (non post 7 noctes.)

Gen. 7. 17. Pluit 40 dies.

- - - 24. Crevit aqua super terram 150 *dies.*

- - c. 8. 6. Post 20 *dies* emisit Noe corvum.

- - - - 10. Post 7 *dies* emisit columbam.

- - c. 21. 4. Et circumcidit Isaacum, cum esset
8 *dierum.*

- - c. 40. 13. & 19. Post *tres dies.*

- - c. 47. Jacob ætatem suam vocat *dies.*

Et quid multis opus est. Plura sunt hæc exempla, quam adferri possint, tam in V. quam in N. T. cum contraria ne semel occurrant, cumque contrariæ theses defensores gentium exemplis, quæ noctes numerant, probationis loco utantur, speramus, hæc eos a SSro profecta non rejecturos.

§. XXX.

Aliquid etiam præsidii reperimus in SSræ loqvendi modis, acta & colloquia nocturnâ enunciantibus, eaque modo ad hesternum, modo crastinum aut hodiernum diem referentibus. Prioris generis est colloqvium Jacobi & Labani *Gen. 31. ubi v. 24. Moses* dicit, Deum Labani in somniis apparuisse, *prima nocte*, quam egit in monte Gilcad, ipse autem Laban, sequenti die cum Jacobo colloqvens v. 29. dicit, Deum *heri* seu hesternâ nocte sibi apparuisse. Cui & ipse Jacobus consentit, dicens v. 42. Deum *heri* aut hesternâ nocte eum arguisse.

Ubi

Ubi hi omnes, *Moses* scribendo, sed *Jacobus* & *Laban* loquendo, acta & colloquia proximæ noctis, ut & ipsam noctem elapso seu hesternio diei tribuunt, quod certe non fecissent, si noctem cujusvis diei priorem partem esse putassent, tunc enim *hodie* dixissent, sed non *heri*; quod testimonio est, ipsos Patriarchas diem naturalem non a vespera sed a mane exorfos fuisse. Posterioris generis locutiones extant.

I Sam. 19. 11. Ubi Michol de noctu cum Davide loquens dicit: Si non *hac nocte* liberest animam tuam, cras morieris; (quod alias sonasse hodie morieris.) *1 C. 28.* Saul nocte ad Pythionissam Endoream venit. *Cf. v. 20. 25.* sed Samuel ille, qui cum illo eadem nocte loquebatur, dixit: *cras* mecum eris, quod per *hodie* efferendum fuisset, si diem Judæi tempore Saulis & Davidis a vespera inchoassent, nam Saul eodem die cæsus est. Perinde *Act. 23. 32.* dicit Lucas, milites Paulum *de nocte* Antipatridem deduxisse, sed *altera die* ad Cæsaream usque. & *Act. 20. 7.* dicit, Paulum multum *noctis* cum discipulis colloquendo contraxisse, cum *altero die* abiturus esset. Huc etiam pertinent quædam historiae, acta diei alicujus referentes, & mox subjungentes, eadem nocte aliquid factum esse, id est ejusdem diei nocte, qualia sunt. *Judic. 6. v. 25.* *2 Sam. 7. 4.* *2 Chronic. 1. v. 7.* & plurima alia; in his enim nox ut posterior diei pars considerari videtur. Unde patet, antiquos

Judæos

Judæos diem naturalem, cum nullum haberent ad Cæremonias Ecclesiasticas respectum, inchoasse aut a media nocte, aut (quod verisimilius est) a prima aurora, noctemque ideo non ad subsequenter sed ad præteritum diem pertinere putasse.

§. XXXI.

Simile quid in scriptis Evangelistarum occurrit, nam *Matthæus* cap. 28. v. 1. expresse dicit: *Sero Sabbatorum*, lucente in unum sabbatum, venit &c. 2. cum exiret prior septimana, & illucesceret prima dies septimane sequentis, quod accurate convenit cum relatione *Marci* 16. 1. *Luc.* 24. 1. *Joh.* 20. 1. Sive enim prius Sabbatum, quod his verbis indigitur: *Sero autem Sabbatorum*, respectum habet ad præcedentia festa Paschatos, scil. diem primum, qui hoc anno in diem Veneris incidit, quo Christus mortuus est, & diem secundum festi Paschatis, quo primitiæ frumenti offerebantur, quem Christus in sepulcro quiescens transegit; sive ad universam præteritam septimanam, nam hæc etiam in scriptura vocantur *Sabbata* *Levit.* 23. 15. *Luc.* 18. 11. nihil refert, nam sensus quoad nostram thesin idem resultat. Sed illud: *Lucente in unum sabbatum*: est illucente prima die sequentis septimane, nam una dies commodè significat primam diem. Cf. *Gen.* 1. 6. unde

ὥς σαββαίων incidit in ultimum momentum noctis, ita ut sequens & jam incipiens mane diversi diei initium esset, ut quod reliqui Evangelistæ vocant *πρωι*, respectu sequentis diei, id Matthæus respectu diei hesterni vocat ὥς. Nec juvat dicere, mulieres sero Sabbatorum seu vespera aut noctu ante diem solis exiisse, cum *Lucas* expresse dicat, eas eo die quievisse, ut & sequentem noctem, sed valde mane diei solis sepulcrum adiisse, id est illucescente die, ut scribit *Matthæus*, qui expresse adjungit noctem, diem solis præcedentem, diei saturni, & vocat noctis finem ὥς, *sero*, vesperam aut finem præteriti Sabbati, sed primam auroram diei solis, initium sequentis diei: unde colligi potest, quod tum temporis saltim quidam inter Judæos diem ab aurora inchoaverint: idem facit *Lucas Act. 23.* de quo §. XXX. egimus.

§. XXXII.

Nec de nihilo est, quod dicit ipse Deus *Ex. 12. 18.* In primo mense die XIV. comedatis Azymos circa vesperam. Ubi Deus, primam Legem Cæremonialem Israelitis jam jam ex Ægypto profecturis proponens, & de initio festivitatum novum quid edicturus, Israelitis antea noto & usitato more hac de re loquitur, adnumerando diei XIV. mensis Nisan vesperam, eundem diem sublequentem; sed momen-

tum

rum illud, quo Azymos comedere coeperunt, fuit elapsa a solis occasu integra hora, cum tres stellæ in coelo conspicerentur; unde sequitur, vesperam tunc temporis priori & elapso, non vero subsequenti diei naturali adnumeratam fuisse, & ideo vesperam non fuisse diei initium.

Pari modo hac de re loquuntur *Evangelistæ* in N. T.

Matth. cap. 26. 17. dicens: *Primo die Azymorum* accesserunt discipuli Jesum, dicentes: ubi vis, ut præparemus Pascha.

Marc. 14. 12. *Primo Azymorum die*, cum mactaretur Pascha. Et eodem modo: *Luc.* 22. 7.

Cum mactatio Paschatis fieret post horam 9. Judæorum, nostram 3. verisimile est, discipulos Jesum accessisse & hæc locutos fuisse paulo post meridiem, ne temporis angustia a debita legis observantia, & agni ac azymi præparatione excluderentur, quod tempus vocatur non ab uno, sed a tribus Evangelistis *primus Azymorum* dies, licet Azymorum festum demum post horam 6. & cum ipso noctis initio inciperet; a quo non multum abluunt verba *Joannis*, de alia re ita loquentis cap. 20. 19. *Cum vesper adisset illa die* (id est præteriti diei, vespere, seu inchoata jam nocte), nam valde sero accidisse, circumstantiæ innuunt; vesperscebat enim, cum oppidum Emaus intrarent, ubi ad minimum unam horam, & alteram in regressu con-

consumsisse videntur, ita ut hoc accideret circa horam 8. aut paulo posterius, & tamen hocce nocturnum tempus adscribitur elapso diei, quod sine dubio ab Evangelistis factum, ut a communi gentis loqvendi modo non recederent, quæ diem naturalem communiter aut cum Romanis, sub quorum imperio jam vivebat, a media nocte, aut cum aliis quibusdam orientis gentibus a mane inchoabat; nam scriptores sacros cum vulgo plerumque locutos fuisse, in ejus gratiam præcipue scripserunt, ut a vulgo intelligerentur, nullus dubito, cum ejus rei exempla tot existent, ut facile numerari non possint; unde & *Paulus*, qui tamen præ aliis sacris scriptoribus non raro gravius philosophari videtur, gloriatur *1 Cor. 11. 1.* se ad eos non venisse cum superbitate verborum, & in sapientia, id est non profunde philosophando, sed more vulgi loqvendo. & *1 Cor. 9. 22.* Omnia se factum esse omnibus, ut quosdam lucraretur.

§. XXXIII.

Claudat hoc agmen aureum salvatoris dictum.
Matt. 12. 40. Sicut Jonas fuit 3. diebus & 3. noctibus in ventre ceti, sic oportet filium hominis esse 3. diebus & 3. noctibus in corde terræ.

Christus sepultus fuit circa solis occasum die Veneris, id est in ipso initio Sabbati, nam cum

eum jam vesper esset, Josephus ad Pilatum intrans petiit, ut sibi daretur corpus Christi *Marc.* 15. 42. Pilatus igitur primo accersivit Centurionem, sciscitaturus, num dudum mortuus esset: deinde Joseph emit lintea, & Nicodemus unguenta coëmit, & præparavit, tandemque corpus Christi, a cruce sublatum, unxerunt & sepeliverunt, qui actus tantum temporis requisivisse videntur, ut non priusquam sub solis occasu absoluti fuerint, unde etiam *Luc.* 23. 24. sabbatum dicitur *intepisse*; primum itaque Nychthemeron seu nox & dies, si more Judæis consuetudo sabbata inchoandi computaveris, est a vespera diei Veneris, ad vesperam diei Saturni: alterum autem Nychthemeron incipit a solis occasu die saturni, & terminatur in hora 4, aut dimidia 5. antemerid. die solis, 10. aut 10½ horas tantum continens, nam Christus sub auroram d. solis resurrexit: ex quo tempore quocunque modo revertis, quamdiu hanc Judæorum methodum sequeris, nunquam 3. dies & 3. noctes efficies, aut ad metam veritatis pervenies.

Accipienda itaque omnino methodus Romanorum, diem a media nocte incipientium, & sic commodè invenies tria hemeronychia, si non integra, saltim synecdochica, quod inter alia documento est, Judæos non omnes dies sed festivitates tantum a vespera inchoasse.

SECTIO III^{ta}.

§. XXXIV.

Productis hoc modo argumentis & locis biblicis, quæ a parte diei prærogativæ stare videntur, ad ea nos convertimus, quæ nocti primas in hac retribuere putantur. Quorum

Primum argumentum est hoc SSræ initium.

*Gen. I, 1. 2. In principio creavit Deus coelum
& Terram & terra erat &c,*

Quod ita explicant.

Cum Moses constanter asserat, diem unum, id est quovis die naturali factam esse *vesperam & mane*, certum est, mundum initium habuisse a vespera, inque illa vespera, quæ est principium illud, de quo *Moses* loquitur, Deum creavisse coelum & terram, & circa eam immensitatem aquarum, quæ non crassæ sed tenues, & vaporis instar ac nebulae totum hoc inane repleverant, quod supra terram elementorum cæterorum ac coelestium corporum vastitas occupavit: has partim abyssis, partim aquarum nomine *Mosen* insignire volunt, eamque ab initio, nondum oborta luce, tenebris obsitam fuisse: Illis Dei spiritum incubasse, & ex eis tanquam Chaos omnia deinde condita esse. Hæc circa vesperam & subsequente nocte, quæ ex eorum mente primam diem inchoabat, facta sunt; sed posteriore Nychtheme-

themerii parte, quam nos diem appellamus, Deus lucem creavit, quam aqua sive immensus ille vaporum tractus excepit.

Reliqua autem cum ad tenorem narrationis Mosaicæ persequantur, & applicent, non opus est ut hic recenscamus.

§. XXXV.

Alterum pro noctis prærogativa palmarium argumentum est effatum illud Mosaicum, in historia creationis ad quemque diem repetitum; & fuit *vespera & mane dies unus*. Legitur enim sexies *Gen.* 1. 5. 8. 13. 19. 23. 31. Quæ verba nullo modo recte explicari posse putant, ni statuatur, primi diei initium fuisse vesperam, idque Moſen illorum multiplici repetitione unice indicare voluisse. Duos primos versus ita explicant, ut hæc sententia aliqua veritatis superficie pallietur. Quo etiam referenda est phrasis illa in Lege Cæremoniali *Levit.* 23. 32. occurrens. *A vespera ad vesperam*, ut & *Dan.* 8. 14. *Duo millia trecenti vesper & mane*. Quæ omnia tam firma esse sibi persvadent, ut historia primi diei secundum ea sit explicanda.

§. XXXVI.

Tertium, quod pro nocte pugnare dicunt, argumentum est institutio festorum Judaicorum.

1) *Pa-*

1) *Paschatos Ex. 12. 18. Num. 10. 3.*
Die XIV. mensis primi inter duas vespertas, est
Pascha coram Domino.

2) *Expiationis Levit. 23. 32. Dies IX.*
mensis (sc. septimi) a vespera usque ad vesperam
alterius diei vobis erit.

3) Reliqua Festa & Sabbata a vespera in-
cipere debuisse dicunt, & in vespera proximi
diei desinere, & hæc ideo ita ordinata esse, quod
primus dies a vespera inceperit.

§. XXXVII.

Quartum argumentum ducunt a locis scrip-
turæ, quæ noctem ante diem nominant, qualia
sunt.

1) *Gen. 1. sexies repetitur. Fuit vesper
& mane dies unus.*

2) *1 Reg. 8. 29. ad existendum oculos tuos
apertos super domum hanc nocte & die.*

3) *Dan. 8. 14. Usque ad vesperam mane
2300. & justificabitur sanctitas.*

4) *Pf. 30. 6. Vespere, imo de noctu est
ploratus, sed mane triumphus.*

5) *Pf. 55. 18. Vespere, mane & meridie
imploro te.*

6) *Act. 20. 31. Ubi Paulus dicit, se nec
nocte nec die hortari desiisse Ephesios.*

7) *Cap. 26. 7. 12 tribus serviant Deo
nocte & die.*

8) 2 *Theff.* 5. 5. Pia vidua se coram Deo
nocte & die humiliat.

9) 2 *Tim.* 5. 3. Tui mentionem facio in
orationibus meis *nocte & die*.

His freti argumentis, non dubitant affir-
mare, noctem fuisse diei initium, & creationis
diem antecedere.

§. XXXVIII.

Licet multos habeat hæc sententia sectato-
res & fautores, haud pauca tamen & non parva
habet dubia, nec firmitas argumentorum tanta
est, ut rem extra controversiam ponat; nam
quod ad primum attinet argumentum, quod
§. XXXIV. expositum est, confidenter dici po-
test, quicquid de creatione mundanorum statuunt,
ante ortum primi diei, frivolum esse, & præ-
ter auctoritatem SSræ asseri, ut supra §. XV.
XVI. & sq. ad satietatem probatum est, quo
Lectorem remittimus.

Sed majoris momenti est objectio secunda,
in his consistens verbis. *Fuit vesper & mane
unus dies.* Cui nos respondemus; ea non
ideo cuique diei creationis applicata esse, ut te-
stentur & unice inculcent, tempus a vespera in-
cepisse, & noctem die priorem fuisse; si enim
Moses tantillæ rei causa hanc clausulam sexies in
unò capite iterasset, sed multo pretiosiores omi-
sisset, a vanitatis labe purus vix haberi posset.

Sed

Sed longe graviores virum eruditissimum, institutum quippe in omni Ægyptiorum sapientia; & deinde longo rerum usu jam factum experientissimum, & denique a spiritu sancto actum; habuisse, consentaneum est ut cogitemus, quarum, quatenus nobis eas conjectura assequi datum est, quædam minoris notæ (si ita dicere licet) fuisse videntur, & externum orationis ornatum spectasse, quædam graviores ad ipsius materiæ sublimitatem, ejusque debitam considerationem pertinere videntur.

§. XXXIX.

Prima non religionem ipsam, nec rei historiam, sed decentem scribendi & loquendi modum attinet, nam v. 5. ubi hæc Periocha primo occurrit, ita sonat. *Et vocavit Deus lumen diem & tenebras noctem:* quibus verbis sat clare *Moses* docuerat, duas tantum esse diei naturalis partes, diem scil. & noctem, vesperam enim & mane illis includit, sed diem ante noctem creatum fuisse, eique Deum hac partium enumeratione præ nocte prærogativam concessisse, aut eandem hoc ordine declarasse, clare docet; quod ubi fecerat, superfluum visum est de tempore primi hemeronyctii plura scribere; hinc statim hujus diei historiam claudit eodem Epiphonemate, quod reliquorum dierum historiæ subjungere instituerat, dicendo: *Et fuit ex ve-*

spera & mane dies unus, quod apophthegma quinqvies deinde iterat, eundem semper servans verborum ordinem; & si maxime concederetur, *Mosen* nihil aliud in hoc 5. v. intendere, quam quatuor primi diei partium enumerationem, eo ipso ordine, quo a Deo creatæ fuerunt, quid lucraretur pars contraria, nisi quod Deus primo creaverit diem, deinde noctem, hinc vesperam, & tandem mane, hoc enim ordine partes illæ recensentur; quod licet absurdum sit, tamen nostræ thesi, quatenus diei præ nocte prærogativam dat, nihil plane adversatur aut derogat. Si etiam postularetur, ut concederetur, *Mosen* omnino v. 5. quatuor diei partes enumerare, nos id facere paratissimi essemus, si modo nobis concederetur, diversos hic esse sensus litteræ, litteralem & mysticum, quorum omnes simul in uno dicto sæpe esse, omnibus notum est; sed quid inde sequitur, nisi quod postulamus, & quod *Moses*, ut scriptor cordatus & peritus orator, easdem dici partes, diem scil. & noctem, quas mox numeraverat in eodem commate, denuo nominare, superfluum duxerit, sed duas minores partes, *vesperam* & *mane*, arbitrario ordine adjecerit, nam ex his quatuor partibus constat dies naturalis, die artificiali, *vespera*, nocte; & mane: *vesperam* autem hic prius nominat quam mane, quod *vesper*, incepta enumeratione a Die, prior erat & propior, nam hoc ordine diem sequitur *vesper*, illum nox, & noctem mane.

Altera causa, quæ auctorem impellere potuit, ut hoc apophthegmate uteretur, priori non est dissimilis; scil. si vel maxime & plane omnino transactum de eo esset, quod in his verbis *vesper & mane* nullum lateret mysterium, nihilque in illis quærendum esset præter communissimum & receptum illum sensum litteræ, observari tamen deberet, numne aliqua subesse causa posset, propter quam *Moses* tali verborum ordine & dispositione uti tenebatur; ut *vesperam mane* præponeret, quæ se statim offert, illa nempe, quod fatentur Doctores Hebræi, morem esse SSræ, cum duas res commemorat, de quibus mox pluribus agendum est, sæpius eam a secunda & propiore, quæ ultimo loco ponebatur, in sequentibus orationem ordiri (Cf. Tom. I. *Crit. Angl.* pag. 7. edit. Francof. 1696.) Sic *Moses Gen. 1. 1.* primo nominat *coelum*, & deinde *terram*, quia in v. 2. mox orsus fuit ejus elementi descriptionem, quod vocatur terra.

Cap. 10. 9. *Moses* ab enumeratione posterorum Japheti orditur, quem v. 1. ultimum filiorum Noachi nominaverat.

v. 22. Aram ultimus filiorum Semi nominatur, sed ab eo orditur v. 23.

v. 23. Definit in Eber, & ab eo incipit v. 25. *Matth. 1.* Primo nominat Davidem, & deinde Abrahamum, licet Davide prior fuerit,

quia prius de Abrahami posteris agere constituerat.

Sic & hic prius nominat vesperam quam mane, quia mox de matutino sequentis diei tempore agere constituerat. Poscebat etiam quodam modo ordo & perspicuitas orationis, ut hic & in sequentibus prius poneret *vesperam* quam *mane*; nam cum opus cujusvis diei perfectum fuit, vesper imminabat, quod indicare volens, a vespere, quo finitum fuit opus, temporis descriptionem orditur, & mane ei subnectit, cum a matutino sequentis diei opere orationem iterum incepturus esset, unde hæc clausula in descriptione septimi diei plane omittitur; Deus enim toto illo die nihil novum creavit; nec de mane sequentis diei *Mosè* quicquam loqui ulla causa superfuit, secus enim sine dubio eam huic diei etiam adjecisset.

§. XLI.

Alii non ab omni verisimilitudine abludere volunt, *Mosèn*, qui gentem suam ardentè amavit, sed obstipas ejus cervices & corda dura ad inobedientiam prona probe novit, nullam ei ansam legem Cæremonialem de festorum & sabbatorum celebratione transgrediendi suppeditare voluisse, sed contra quovis modo a transgressione detertere, & obices ponere. Unde non plane improbabiler conjicitur, quod in historia
creatio-

creationis vesperam mane sæpius prætulerit, quod ab ea festivitates saltem Paschatos & Expiationis initia haberent. Vix enim credendum, tantum virum tantillam rem toties iterasse, in eum unice finem, ut omnes scirent, tempus nocturnum diurno antiquius esse, cui ipse mox contradictum ire videtur, cum in eodem versu diem nocti, & lucem tenebris præferat, quam scil. priorem illam parvulam immutationem vesperam mane præferendo, impune & illæsa veritate in re indifferente, non minus facere potuit, quam *Paulus Gal. I. 1. & 2 Cor. 13. 7.* qui ibidem patri filium præponit, & ipse Christus Decalogi ordinem non semper servat. Quantum autem stimulum innocens hæc techna scrupulosæ & elatæ Judæorum genti addiderit, judicare possunt, qui Characterem nationis non ignorant.

§. XLII.

Tenerrimum hunc *Mosis* erga populares suos affectum, & piissimam intentionem, eos quovis modo ab idololatria arcendi, & a legum divinarum transgressione revocandi, in consimilibus se ostendentem, plures agnoverunt, ex quorum numero hac vice tantum producemus Celeberr. *Joh. Franc. Buddæum. Hist. Eccl. V. T. Part. 1. sect. 1. p. 73.* inter alia sic scribentem. "Nec spernenda eorum sententia;

“ qvi Mosen forte more gentis suæ locutum,
 “ apud quam per festos dies haud leve temporis
 “ discrimen constituebatur, ut & apud nos.
 “ Conf. *Ecclesiast.* Cap. 43. 8. Interim obser-
 “ vandum, syderum creationem a Mose comme-
 “ morari, ut Israelitarum animos ab eorum cul-
 “ tu revocaret. „ Si vero *Moses* in gratiam gen-
 tis suæ describens opus quarti diei, nominavit
 dies festos, per quos temporis discrimen con-
 stituebatur, ut hoc modo illis eorum observa-
 tionem inculcaret; & si creationis solis ac lunæ
 eo etiam fine mentionem fecit, ut populum ab
 eorum adoratione abduceret; quidni etiam ve-
 speram mane præposuit, ut populum ad inten-
 tiorem legis de festorum, Paschatis scil. & Ex-
 piationis initio, observationem stimularet, ad quo-
 rum analogiam reliquorum initia constituta fuere.

Pari aut non dissimili modo, sed dissimili
 occasione divinus hicce vir, populum suæ curæ
 commissum, & proprii instar ocelli dilectum,
 de occupatione terræ Canaan, sibi a Deo pro-
 missæ, valde diffidentem, stimulasse videtur
 mentione maledictionis Canaan, ab avo Noæ
 cho ipsi prædictæ, aut imprecatæ, quam, (sine
 dubio ante oculos habens, quod in Pharañ ac-
 cidit & *Num.* 13. memoratur), tam graphice,
 emphatice, & verbis non modo penetrantissi-
 mis, sed etiam stylo poetico scripsit, ut Israe-
 litæ ea sæpius in ore & oculis habere possent,
 eademqve coram suis, data quavis occasione, de-
 canan-

cantantes, se suosque liberos ad fortiter agendum, in hujus terræ occupatione, & bene de successu sperandum, stimulant, cum hæc terra non tantum illis a Deo dudum promissa esset, sed etiam gens illa, quæ eam jam teneret, gravissimæ maledictioni subiecta esset, ut Deus jam duplici jure huic eorum conatui adesse teneretur; bonum itaque opus ipsos facere, & Deo gratisimum, si mascule & fortiter in hac divinæ voluntatis executione sese gererent; quales technæ & artificia non modo fuerunt insontes, sed etiam utiles, piæ & laudabiles, unde talibus tam ipse hic Dei vir, (Conf. præter multa alia *Ex. 32. 20.*) quam ali sæpius usi sunt, quod sine dubio dici potest tam importune quam opportune instare, in rota Dei domo fidum esse, & nihil inexpertum relinquere.

§. XLIII.

Non est, quod quis hic objiciat, frivolum esse sententiam, quod hic ad Legem Cæremonialem respectus haberi possit, cum illa data sit 2513. annis post creationem mundi, sed librum, continentem historiam creationis, antiquiorem esse reliquis *Mosis* Libris, legem cæremonialem continentibus, qui ab eo post exitum ex *Ægypto* exarati sunt, & legem de inchoatione Sabbati contineant, cum post & sub ipsum exitum hæc leges latæ fuerint; nam Liber secundus *Mosis*,
qui

qui *Exodus* vocatur, sine dubio quoad scrip-
tionem, omnium quos habemus antiquissimus
est, utpote primo post exitum anno scriptus,
cujus historiam continet; nam mandatum de eo
conscribendo exstat *Ex.* 17. 14. lex autem hæc
de Paschatis festo a vespera inchoando primo
data fuit Anno 2513. existitque *Ex.* 12. 6.
Estque sine dubio in litteras relata statim post
exitum ex *Ægypto*; certe ante primum Pente-
costes festum, cum ea exararet *Moses*, quæ
tum acciderunt, ut patet ex C. 24. Mox enim
Moses res gestas, & ordine plerumque, quo fie-
bant, & scribenda erant, in diurna sua, qualia
sunt *Exodi*, *Levitici*, & *Numerorum Libri*, re-
tulisse videtur; Deuteronomium autem duobus
ultimis vitæ ejus mensibus concinnatum esse, ma-
nifestum est.

Geneseos Liber quando sit conscriptus, in-
certum est; sed verisimile fit, eum fuisse *Mosis*
παρρηγοῦν, quod in deserto, forte in illis statio-
nibus; in quibus *Israelitæ* diu manserunt, non
totum simul, sed horis succisivis elaboraverit:
reliquis enim libris, historia mansionis in *Ægyp-
to*, & exitus inde facti, ut & longinquæ in de-
serto oberrationis enumeratione ad umbilicum
fere deductis, inconveniens visum est, ut de
creatione mundi & generis humani, præsertim
gentis *Israeliticæ* fati, in qua Deus veram con-
servavit Ecclesiam, & ex qua *Messias*, dudum
promissus, tandem esset nasciturus; a mundi
pri-

primordio ad exitum usque ex Ægypto nihil constaret; ideoque hoc opus divino instinctu aut singulari mandato Moſen aggressum esse, dubio carere putamus. Quod autem id in deserto scripserit, colligi potest

α) Ex nomine *Jehovah*, multoties in Genesi occurrente, quod *Mosè* perinde ac aliis Patriarchis (Vide *Ex. 6. 3.*) ignotum fuit, usque dum Deus id ei revelavit. *Ex. 3. 14.* paulo antequam ex terra Midian discederet.

β) Ex Cap. 50. 10. 11. Ubi Auctor dicit, vicum seu dumetum *Atad* esse trans Jordanem, qui locus in Judæa non procul ab urbe Hiericho situs fuit; unde patet, eum ad orientale Jordanis latus, id est in Arabia constitutum fuisse, cum hunc librum scriberet. Probe enim notandum est, nusquam in SSra Judæam ad occidentale latus Jordanis sitam dici esse *trans*, & eam, quæ ad orientale hujus fluvii latus jacet, esse *eis* Jordanem, nisi in Libris Mosè & Josuæ, cujus causa est, quod viri illi, in finibus Arabiæ & Moabitarum constituti, aliter de hac re scribere & loqui non potuerunt.

γ) Qui autem *Mosè* in aula Pharaonis degentem, aulicis & politicis implicatum rebus, aut in terra Midian rebus oeconomicis & vitæ pastoralis intentum, hunc Librum conscripſisse statuunt, verisimiles rationes adferre non possunt, quibus suam firment sententiam. Conf. *Joh. Aug. Ernest. Theol. Biblioth. Tom. III.*

p. 464. *Christoph. Starke* Præf. in *Genesin* & alios. Sed ex diverticulo in viam.

§. XLIV.

Sunt etiam, qui nullum tropum nec ullum sensum mysticum in his verbis: *Fuit vesper & mane dies unus*, agnoscunt, sed secundum communem interpretum sententiam ea pro naturali mane & vespere accipiunt, pernegant tamen, hic illis significari, noctem die priorem fuisse, cum primæ tenebræ nulla naturalis nox fuerit, cujus initium aut longitudinem nemo sciverit, vespeream itaque hic & alibi in SSra (Conf. *Jer.* 6. 4. *Prov.* 7. 9. *Jos.* 8. 9. & passim alibi, Vide §. sq.) finem diei significare, & pro toto die artificiali accipi, mane autem hic ut alibi non notare initium diei, sed finem noctis, quod variis scripturæ dictis probare annituntur. Metonymice ideo hæc intelligenda esse, ita ut vesper ultima diei pars, pro toto die acceptus, nocti præponatur, & mane ultima noctis pars, pro tota nocte acceptum, diei postponatur. (Vide *Christoph. Starke* ad *Gen.* 1. 5.) Certe magnam veritatis speciem habet, vigiliam matutinam, id est (nimirum fallor) ipsum mane, Judæos pro ultima noctis parte habuisse tempore *Mosis*, Vide *Ex.* 14. 24. perinde ac *Samuelis* ætate Conf. 1 *Sam.* 11, 11. ut & tempore N. T. Conf. *Matt.* 14. 25. *Marc.* 6. 48. sed clarissime

me omnium *Marc. 1. 35.* cujus verba sunt: *sed primo mane cum adhuc nox esset.* Licet hæc sententia nec probabilitate destituatur, nec analogiam fidei ullo modo lædat, tandemque melius in illo, quod diem nocti præponit, cum relatione Mosaica concordet, nobis tamen non in eo plane satisfacit, quod in vocibus *mane & vesper* nihil singulare invenit, cum spiritum Stum tantas minutias, ut est diei præ nocte aut noctis præ die prærogativa, toties & tam operose inculcare voluisse, non credamus; aliquod itaque majoris momenti dogma hoc apophthegma multoties repetitum continere putamus, quod quale sit, mox aperiemus.

§. XLV.

Lucem hæc fanerari posse videntur ex nobilissimis Jacobi Patriarchæ & Mosi prophetiis ac benedictionibus tribui Benjaminiticæ imperitis, *Gen. 49. 27.* ubi Jacob dicit; Benjamin erit ut rapax lupus, qui *mane prædam comedit, vespere vero spolia dividet: Moses autem Deut. 33. 12.* de hac tribu ita prophetatur. *Benjamin Deo amatus, apud eum tuto habitabit, ipse eum proteget toto die.* Quæ loca sunt vere parallela, cum uterque huic tribui promittat felicitatem quandam, quorum prior de temporali tantum fortuna & fortitudine loqui videtur, quod Benjamini posteros comparat lupo rapaci, qui

qvi ipse prædam comedit, & spolia aliis dividit, id est nascituros ex hac tribu viros fortes & bellicosos, injuriarum impatientes, qvi jus suum, aut qvòd habere sibi videntur, vi & armis persequuntur, & hostium spoliis ditantur, qvòd impletum præcipue videtur tempore Ehudi, Saulis & Estheræ. Bellicosos etiam fuisse Beniaminitas, patet ex *Judic.* 20. Taceo, qvòd qvidam hanc prophetiam referant ad animositatem, vigorem & constantiam Pauli Apostoli, ex hac tribu oriundi. *Moses* autem si non unice tantum, certe præcipue de felicitate spiritali loquitur, vocans Benjamin Deo dilectum, apud quem Deus habitaturus sit, eumque protecturus, qvò præsertim intendit ad templum Hierosolymitanum, in confinio Benjamin & Judæ situm, in qvò Deus memoriam nominis sui, id est verum suum cultum, instituerat, & si qvid sapio, qvòd de Paulo Apostolo loquuntur hic potius locum habere videtur quam in Prophetia Jacobi. Uterque autem Jacob & Moses in eo aperte consentiunt, qvòd hæc utraqve felicitas longinqua & constans futura sit, qvòd etiam evenit, nam tribus Benjamin unacum tribu Judæ sub imperio familiæ Davidicæ permanfit, cum aliæ tribus alienum sibi eligerent Regem, & cum eadem in vera religione perstitit, cum reliquæ tribus deficerent; & licet cum tribu Judæ captivitatem Babylonicam subiret, cum eadem tamen patriæ restituta est, dispersisqve inter omnes

omnes gentes reliquis tribubus. (Vide *Act. 2.*) hæ binæ Rempublicam Judæorum usque ad destructionem templi secundi maxima ex parte constituerunt, quam fortunæ constantiam Jacob per voces *mane & vesper* exprimit, *Moses* autem per *totam diem*, quibus loquendi modis, utrumque longum, & non tam breve tempus, ut est unus dies aut *mane & vesper*, indigitare certum est, cumque *Moses* idem illud tempus vocat *totum diem*, quod Jacob *mane & vesper* vocaverat, manifestum est, neutrum noctes excludere. Quæritur itaque, cuinam voculæ in Prophetia Jacobæa noctes adscribendæ sint; si responsum fuerit, quod ad vocem *vesper* pertineat, habemus quod volumus, scil. quod nox diem sequatur, quod sine dubio Jacobus cogitasse videtur, cum *mane vesperi* præferret: sin vero nox voculæ *mane* includenda sit, inde resultat, quod idem dici possit de vocula *mane* in hoc dicto *Gen. 1.* sexies repetita: *Vesper & mane una dies*, & tunc *mane*, ibi ultimam noctis partem efficiens, pro tota nocte accipiendum est, *vesper* autem, ut ultima dici pars, pro toto die ponitur. Alterutro horum modorum Jacobi verba explicanda esse, nemo non videt, qui hunc elegerit, a Jacobo dissentire videtur, qui vero illi assentietur, a communi interpretum placito recedit.

§. XLVI.

Palmarium vero nostrum argumentum situm est in vocum, quas hic usurpat *Moses*, nativa & genuina significatione, & ipsius rei summa gravitate. Non ultima inter regulas hermeneuticas, quas SSræ peritissimi interpretes commendant, hæc est, ut nativus & etymologicus vocum hebraicarum significatus probe observetur, & hunc, quoad id salvo sensu & analogia fidei fieri potest, præprimis retinere jubent, haudquaquam ad remotiores & figuratas notiones perfugium permittentes, quamdiu prima & propria vocis significatio adhiberi potest, quod nos hoc opere observaturos olim promissimus. Atqui teste *R. D. Kimchi* in suis *Radicibus Voc. Hebr.* ערב descendit a verbo ערב confudit, miscuit, sed figurate & per metaphoram vesperascit, eo quod, vespere & tenebris ingruentibus, notiones confunduntur & obscurantur, unde sequitur ערב (Nom. subst.) primario significare confusionem, secundario vesperam. Cui consentit *Buxtorphius* in *Lexic. Hebr. Chald.* dicens, hoc verbum ערב significare miscere, obtenebrari, obscurari, & nomen ערב mixturam, ejus varia adfert exempla. Idem *R. Kimchi* docet בקר deduci à verbo בקר, & ideo בקר significare mane, seu tempus matutinum, quod tum formæ rerum se explanant, & cognoscendas

das offerunt: *Mane enim, inquit, inquiritur omnis res ad lucem Dei: cujus contrarium est vespere, sic dicta, quod tum res confunduntur, ut eas homo non possit cognoscere.* Conf. Tom. I. Crit. Angl. p. 10. Edit. 1696. Nec multum ab hac sententia abcedit *Buxtorphius* l. c. dicens, verbum בִּקְרָא significare inquisivit, quæsit, requisivit, sed nomen בֹּקֶר mane vel diluculum, a requirendo, item tempestive, opportune, ut ea quæ mane fiunt; sed quid luce opportunius, cuius ope res quærantur, indagantur, discernuntur & cognoscuntur: Ex tali verborum significatione seu notione etymologica, fuit sensus realis, seu ad eorum sensum spectans explicatio, quæ non tam ad temporis distinctionem aut ordinem, multominus noctis præ die prærogativam, quam ad rem ipsam, id est creationem & ipsius modum spectat, quod sane rhombus huius rei est, & ipsius creationis historię verus nucleus, ita ut ad quodvis diurnum creationis opus loco vesper & mane, quod jam habemus, legi posset hæc divina exclamatio. Hoc modo ex obscura confusione, & opportuna seu luculenta discretionem factus est ille dies, cum vesper hic confusionem, sed mane discretionem notare videatur, ut in sq. §. fusius explicatum dabimus.

§. XLVII.

Hinc ex hoc Epiphonemate historiæ primi diei, *Et fuit vesper Et mane dies unus*, talis fuit sensus. Ex confusione (id est tenebris, defectu luminis, crepusculo ac prima confusione & mixtura lucis & tenebrarum, de quibus *Moses Gen. 1. 3. 4. 5.* locutus fuerat), & mane (id est clara luce) factus est unus dies, id est primus dies naturalis, noctis enim hic nulla singularis mentio fit, sed implicite saltim sub nomine diei, nec opus fuit, cum Deus noctu nihil creaverit, resque ipsa loquitur, noctem huic diei successisse, ut superfluum videretur id singulariter litteris mandare.

2) Quantum hoc Epiphonema additum operi secundi diei attinet, sensus esse potest. *Et fuit vesper* (3: ex prima confusione & mixtione aquarum superiorum & inferiorum, quæ hoc die ineunte adhuc existit), *Et mane*, (id est earundem per conditum & constitutum firmamentum segregatione) secunda dies existit.

3) Primo mane tertii diei fuit vesper, seu confusio solidi & liqvidi, quam Deus sustulit, deinde post creatam terram fuit confusio seminis arborum, herbarum, gemmarum, lapidum, metallorum, pulveris &c. sed sub exitum tertii diei omnis hæc confusio sublata est, ita ut ex *vespere* (confusione) *Et mane* (opportuna segregatione) facta sit tertia dies,

4) Quarta

4) Quarta dies ex *vespera* (id est confusione luminum solis, lunæ, stellarum, quæ adhuc in & cum prima luce indiscreta fuit) & *mane*, (id est creatione solis, lunæ, & stellarum, seu discretionem & ordinationem lucis in certas classes & modificationes) existit.

5) Ineunte quinta die, adhuc *vesper* fuit, (id est confusio seminis piscium in aqua, & volatiliū in aëre super terram), sed facta horum animalium creatione, *mane* existit, (id est distinctæ ac pulcherrimæ creaturæ clare videbantur) & hoc modo ex *vespere* & *mane* existit quinta dies.

6) Initio sexti diei adhuc *vesper* fuit, (id est confusio seminis omnium terrestrium animalium, & reptilium quorumvis), sed mox iubente Deo factum est *mane*, cum terra varias eorundem species produceret, ita ut ex *vespere* & *mane* hic dies etiam hoc modo consisteret.

Unde patet, *Mosen* vere & proprie dicere potuisse, quovis die primæ septimanæ primo talem *vesperam*, & deinde tale *mane* id est confusionem & discretionem existisse, & figurate loquendo, diem quasi ex iisdem factum fuisse, excepto saltim septimo die, qui certe perinde ac reliqui naturales hæc partes, sed nullam talem *vesperam* & *mane* habuerit, unde etiam hæc clausula in ejusdem descriptione omittitur; cuius omissionis alia probabilior causa quam hæc, quod ei *vesper* atque *mane*, qualia *Moses*

reliquis diebus tribuerat, haudquaquam convenit; & certe nulla prægnans causa exstitit, ut Moses toties & tam emphatice noctis præ die prærogativam toti generi humano inculcaret, & multo minus quod primus dies naturalis ex die & nocte confisteret, cum id quivis annus quinquies supra trecenties sexagies, mortales clare edoceat: unde hæc verba; *Fuit vesper & mane dies unus*, non tam ad partes hemeronyctii, quam ad ipsa Dei opera, & modum creationis cuivis dici proprium, referenda esse, liquido constare videtur.

§. XLVIII.

Mosen etiam de omnium rerum ortu & creatione scribentem, statim hoc loquendi modo Judæis in memoriam revocare voluisse mundanorum instabilitatem, universi hujus interitum, & subsequenter beatissimam æternitatem, licet apodicticis argumentis probari non possit, valde est probabile; optime enim novit ex quotidiana experientia, quam non modo Judæi, sed etiam totum genus humanum, (in cujus gratiam hoc opus scripsit) dediri fuerunt deliciis mundanis, quas unice sectabantur, quibus per omnem æternitatem ut frui liceret, maxime optabant; & ut Propheta fuit, imo omnium Prophetarum maximus, *Deut.* 34. 10. ita probe prævidit, hunc populum in terram promissionis, quæ lacte
& melle

& melle, id est omnigenis temporalibus deliciis abundabat, introductum, hisce præsentibus tam firmiter & mordicus adhæsurum & amaturum fore, ut felicissimam æternitatem & ineffabilem coelestis curiæ felicitatem ac delicias parum foret curaturus, sed fallacissima hac cogitandi methodo inductus ac deceptus, primo optaturus & deinde forte crediturus, quod hæc æterna & nunquam interitura manerent. Hancce persuasionem & falsam opinionem ut non modo illis, sed & omnibus, hunc suum Librum de admirabili omnium rerum origine, & ex nihilo per Dei omnipotentiam creatione, legentibus demeret, & penitus eradicaret, unicuique admirando Dei operi hanc addit clausulam: *Et fuit vesper & mane illa dies*, haudquaquam in cum finem, ut indicaret toti generi humano, noctem naturalem die priorem fuisse, sed multo altiora & cogitatu magis necessaria, digito quasi monstrans, scil. omnia hæc in se & per se amænisima & utilissima, ex nihilo facta, & ex summa confusione in formam & pulcherrima corpora transmutata, non fore æterna, sed adfuturam iterum vesperam, confusionem, & omnium interitum, oriturum autem aliud lætius & æternum mane, quod nullam habiturum esset vesperam, scil. æternum illud Sabbatum, de quo nullo modo dici posset: Fuit aut erit mane & vespera illa dies, unde etiam *Moses* hæc verba de primo sabbato scribens, omisit, cum sabbatum sit felicissimæ æternitatis typus. Hæc

Hæc si cuiquam primo aspectu duriora aut longius petita esse videbuntur, observet quæso ille.

1) Rei sive materiæ pretiosissimam nobilitatem.

2) Verborum ad cuiusvis creationis diei opus toties factam emphaticam repetitionem.

3) *Mosis* talis tantique viri genium, & a spiritu Dei inflammatum pectus, quod in minutis multoties repetendis morari non solebat.

4) Orientalium morem, qui brevi ac eleganti apophthegmate multa & gravia includere solebant.

Quod qui fecerit, nobis certe dabit, aliquid plus quam noctis præ die prærogativam his verbis notari.

§. XLIX.

Id etiam hic tangere non abs re nostra erit, quod inter præsentis seculi eruditissimos, & linguarum orientalium peritissimos viros, dantur Critici quidam exereitissimi, qui prima huius Libri capita poetica esse censent, & quidam horum ea non primo a *Mose*, sed ab alio quodam prophetico viro, qui proxime creationem vixit, (uno aut pluribus), cum in finem composita esse putant, ut in publicis conventibus a viris piis in laudem Dei decantarentur, quorum Theopneustian *Moses* agnoscens, divino instin-

ctu

Et pro genuina creationis historia in *Genesi* contulerit, quod nos nec negare nec affirmare sustinentes, suo in loco relinquimus, id saltem affirmare audemus, quod si vel maxime vera esset hæc conjectura, nihil tamen divinæ hujus Libri auctoritati, nihilque ejus infallibili veritati detrahi. Nec *Moses* ideo minus dici potest auctor libri primarius, id est qui primus historiam creationis & rerum, in mundo ab ejus origine ad mortem Josephi gestarum, modum & ordinem, primus litteris mandavit & posteris tradidit, licet odas quasdam a viris theopneustis pactas eidem inseruerit, quam alii auctores, qui idem fecerunt, ex. gr. *Matthæus*, qui prolixam illam Christi concionem Cap. 5. 6. 7. & *Johannes*, qui aliam Cap. 14. 15. 16. 17. suæ historiæ inseruerunt, ut & *Lucas*, qui Cantica Zachariæ, Mariæ, Simeonis & Annæ exscripsit, aliique plures. In id autem plurimi eruditorum consentiunt, quod prima *Geneseos* Capita poetica sint, *Mosen*que nihilo minus primum agnoscunt auctorem; quod si ita est, verisimillimum videtur, hæc verba; *Fuit vesper & mane una dies*, unicuique creationis operi subjuncta, loco versus intercalaris, seu exclamationis doxologicæ apposita esse, qua auctor modum creationis devotissime admirabundus veneratur, quasi dicere vellet. O! tantulæ molis fuit Deo ex inanitate & summa confusione has discretissimas & pulcherrimas res producere;

quam venustatem & artificium poetis hodie non inusitatam esse, nec olim fuisse, nemo nescit; quod apprime cum priori explicatione convenit, eamque confirmat,

§. L.

Omnes hæ, quas *Mosi* tribuimus rationes & causæ, propter quas hoc Epiphonema; *Fuit vesp̄r & mane una dies*, toties usurpasse putamus, licet diversæ sint, & disparis pretii, ad eundem tamen scopum collineare, eundemque licet disparem gradu, facere fructum, ideoque etiam inter se facile conciliari, & in uno subiecto convenire possunt, quod ne ipsa thesis, & hæc nostra commentatio, absurditatis accusari queat, hoc modo probatum iimus. Divinus ille scriptor, cum primum destinatum ei esset validum & pretiosum quoddam apophthegma unicuique creationis operi subungere, nihil ad id aptius quam hoc invenire potuit, ideoque prima vice *Gen. 1. 5.* illud adhibens, sic composuit, sicque ordinavit, ut ab inutili & tædiosa antenominatarum partium hemoronyctii repetitione abstinere posset, simulque ut idem apophthegma, non neglecta grammaticali inter Judæos valente regula, ut a posteriore & propiore iterum inchoaret, deinde constanter uti posset, idque ita ut externus verborum sonus seu sensus litteræ rudiores de mandatis Dei, præ-

præsertim vero de sabbati sanctificatione & debita observantia admoneret; sensus vero literalis & mysticus creatoris immensam sapientiam, potentiam, bonitatem, æternitatem, & reliqua ejus attributa, quæ ex admirando hocce creationis opere & ejus modo cognosci aut cogitari possunt, illis in memoriam jugiter revocaret; tandem etiam id, ut, quemadmodum hæc omnia pulcherrima & utilissima Dei opera ex nihilo & summa confusione uno Dei verbo facta & producta sunt, ita eadem olim, & post multa secula uno Dei nutu peritura forent, quapropter illis quidem licite utendum esset, & Deo pro illis gratiæ solvendæ, sed nihil creatorum nimium amandum, nec cor illis affigendum esset. Hæc author cum scriberet, & Judæi scrupulosissima gens, quæ nodos in quovis scirpo, & mysteria in quovis scripturæ verbo inveniebat, *Mosis* verba audiens aut legens, facile potuit cogitare; auctor enim & hæc & alia in hoc Libro obvia, doctè, ornate, pie & prudenter non modo ut bonus historicus & theologus, sed etiam ut exercitatus politicus, populum enixe amans, scripsit, ipsique assidue ruminanda proposuit.

§. LI.

Aureolo huic *Mosis* dicto verborum sono & externa specie simillimum, sed sensu plane
dissi-

dis simile, a latere collocare placet, gravissimum angeli effatum *Dan. 8. 14.* magnum enim in eo sibi spondent præsidium noctis prærogativæ patroni, cum angelus coelestis, imo ipse Gabriel testatum dedit, noctem die priorem, idque non semel sed bis repetitis iisdem verbis sic sonantibus: *Usque ad vesperam mane 2300 & justificabitur sanctitas*, quæ quantum ad *vesperam mane v. 25.* iterantur, quod indicio sit, non fortuito accidisse, aut verba ex communi usu desumpta esse, sed data opera ita disposita esse, & hic adhibita (ex eorum mente) ad indicandam noctis præ die prærogativam. Ad quæ responderi potest.

1) Quæstio fuit: quamdiu hæc visio durabit, scil. de sacrificiis intermittendis, & de prævaricatione desolante, ut tam sanctitas quam exercitus dedantur, & conculcentur: quæ duas habet propositiones, unam de sanctitatis profanatione, alteram de exercitus cæde, seu tribulatione ac clade reipublicæ; jam vero angelus fuit cum Daniele, viro Dei amantissimo, ut ab angelo plus simplici vice vocatur *Dan. 10.* cui nihil prius, nihil antiquius fuit quam veræ religionis & cultus divini conservatio.

Ideo primum ad prius quæstionis membrum, quod de religione agebat, paucis tantum, sed subobscuris verbis respondet hoc modo. *2300 vespere mane & justificabitur sanctitas*, id est verus Dei cultus, & sacrificia restituentur, licet
ipfa

ipsa tribulatio non statim desinat; cumque Daniel uberiorem totius visionis explicationem desideraret v. 15. angelus eam dat in seqv. usque ad v. 26. in quo priora verba *vesper & mane* repetit: unde manifestum est, hæc verba unice de sacrificiorum restauratione agere, & ad eam tantummodo restringenda esse.

2) Angelus, tantum de sacrificii restauratione sermocinans, utitur stylo sacro seu biblico, in hanc rem optime & unice quadrante, tam respectu ipsius rei seu sacrorum, quam temporis & ordinis, quo hæc res seu earum cessatio & restitutio fiebat; unde hæc phrasis *vesperi mane* hic horum respectu data opera & tam apte usurpatur, ut unice hac de causa adhibita esse videri queat.

3) Licet Propheta non expresse dicat, qua hora hæc visio sibi contigerit, verisimile tamen est, id factum esse circa aut instante sacrificio vespertino, nam non insolens fuit, tales visiones circa id tempus fieri (Conf. *Dan. 9. 21.*) ut fieri possit, quod angelus etiam a tempore præsentis, quo hæc loquebatur, occasionem sumserit vocandi caeremonias in templo perficiendas *vesperi mane*, & sic etiam hoc respectu *vesperam mane* prætulisse; sed conjectura est, qua hic non opus est, cum certiora adsint argumenta. Nam

4) Angeli unicus scopus fuit Daniele (ut supra innuimus) informare de profanatione sanctuarii, & cessatione sacrificii, quam innuit a
vespera

vespera initium habituram, quod etiam evenit; tam die 15 mensis Chasleu, quam alias, non noctu nec clanculum, sed splendente sole (omnia enim vi in contemptum religionis Judaicæ gerebantur), ideoque circa meridiem inter sacrificia matutinum & vespertinum, pollutio sanctitatis ut & abominationis in ipso altari collocata fuit 1 *Maccab.* 1. 57. ut vespere sacrificium primo cessasse videatur, unde etiam hic concinno ordine prout res gesta fuit, vesper mane præfertur.

§. LII.

Horum pleraque conjecturæ sunt, & ideo nihil perfecte evincunt, licet sint valde probabiles, sed lucem multo clariorem foenerabitur hæc materia ex tractatione quæstionum.

a) De quanam potissimum re & persona hic agatur.

β) An usquam alibi in SSra talis loquendi modus occurrat, ubi similis materia tractatur, &

γ) Quid tandem hic per *mane* & *vesper* intelligi debeat, ut eventus prædictioni respondeat.

Quod primam attinet quæstionem, manifestum est, hic tractari de Antiocho Epiphane, & ab eo facta persecutione, & templi Hierosolymirani pollutione; nam ipse angelus expresse dicit v. 20. per arietem & ejus duo cornua intelligendum esse Regem Persarum, & Medorum,

id

id est Monarchiam Medo-Perficam, quæ sub Dario Codomanno finem habuit, Anno Mundi 3674. per Capricornum autem, unum ingens habentem cornu, quo arietem penitus comminuit, intelligendum est imperium Macedonicum; per Regem Græcorum, qui v. 21. nominatur, Alexander Magnus, quo post duodecenne regimen mortuo, fractum est magnum ejus cornu v. 8. sed enata sunt 4. minora cornua, Regnum scilicet Ægyptiacum Ptolemæi, Syriacum Seleuci, Asiaticum Lyfimachi, & Macedonicum Cassandri, quæ describere, angelus in sua explicatione omittit; sed v. 23. sermonem vertit ad syriacum, & præcipue ad Regem magnum illum & dolosum, de quo antea dixerat v. 9. quod impetum facturus sit contra austrum, id est Ægyptum, contra Eoum seu Orientem, id est Asiam superiorem, & contra terram sanctam, id est Judæam, qui se contra coelestis exercitus principem extollet, quasdam stellas in terram dijiciet, easque conculcabit, id est multos Judæorum principes occisurus sit, tandemque sacrificium jure abolebit, ipse denique sine manibus v. 25. diffringendus, id est sine externa vi, sed angoribus conscientiae peribit; cui omnino parallelum est & perfecte consentiens, quod Cap. 11. a v. 19. ad v. 29. legitur, quæ omnia exactissime in Antiochum Epiphanem quadrant, & ideo etiam ad eum referuntur, & de eo explicantur *I Macc. 1.* ubi illa ipso actu perfecisse me-

memoratur, quæ *Dan.* Cap. 11. eum facturum fore prædixerat; maxime autem notandus est v. 31. de abominatione desolationis ita sonans; “ & polluent sanctuarium fortitudinis, & auferent jugē sacrificium, & dabunt abominationem “ in desolationem desolationis: „ ita ut hunc Antiochum & ab eo perpetratam sanctuarii Hierosolymitani pollutionem hoc loco indigitari, nullum sit dubium, quicquid quidam recentiores interpretes opponunt, cui sententiæ nihil obstat.

α) Monitum angeli v. 26. quod post longum tempus hæc visio implenda sit, nam a tempore, quo eadem Daniel prædixit, ad ejus eventum effluxerunt anni 350.

β) Nec ipsius Danielis prophetia de desolationis abominatione *Dan.* 9. 22. in medio ultimæ septimanæ apparitura, quæ ab hac plane diversa fuit, & nihil ad hanc pertinet.

γ) Tandem nec ipsius Christi verba *Matt.* 24. v. 15. de abominatione desolationis per Daniele prædicta loquentis, alludit enim ad Cap. 9. 27. non vero ad Cap. 8. 14. nec Cap. 11. 29.

δ) Non tamen plane abnuero, Antiochum hunc & ab eo factam abominationem desolationis fuisse typum cujusdam filii perditionis tempore N. T. demum revelandi, & horrendæ persecutionis & abominationis Ecclesiam magno pere desolaturæ.

§. LIII.

Ad secundam quæstionem: an usquam alibi in SSra occurrat hic loquendi modus, *vesper mane*, pro tot diebus naturalibus necessario explicandus, quod tuto negari posse putamus, sexies quidem *Gen. 1.* verba repetita occurrunt, sed alium plane sensum habentia, quam hic in illa cadere potest, ut supra satis prolixè probare annexi sumus, semper & ubique in SSra, quando Deo Prophetis aut famulis suis aliquid futurum revelare placuit, certum etiam ut plurimum, sed diversimode prophetiæ comminationis aut promissionis tempus determinare voluit.

1) Consuevit tempora computandi modo nominando tot dies, annos, aut tot secula, ex. gr. proposuit Ninivitis 40 dies, intra quorum finem aut agerent poenitentiam aut perderentur *Jon. 3. 4.* Ægyptiacæ servituti constituit Annos 400. *Gen. 15. 13.* Saræ filium anno vertente promisit, *Gen. 18. 14.* Captivitati Babylonicæ constituit annos 70.

2) Tempus per septimanas & dies mysticos determinando, ut *Ex. 4. 5.* nominantur 390 dies, tot annos significantes, & v. 6. 40. dies, itidem tot annos denotantes. *Dan. 9. 24. 25. 26.* tempus Christi adventus in carne per numerum septimanarum indicatur, quas non communes & naturales, sed mysticas esse, ita ut quivis dies annum notet, res ipsa loquitur. Taceo jam

Apocalypsin, in qua tales numeri frequentissimi sunt, quos hic numerare nihil attinet; quales numeros, utpote in SSra frequenter occurrentes, ita esse explicandos, prout res ipsa postulat, ut prædictionibus sua veritas, & accurata adimpletio constet, notius est quam monito indigeat.

3) Præterea novus quidam & obscurus numerandi modus quandoque occurrit, ut *Dan.* 12. 17. ubi duratio rei cujusdam determinatur per unum tempus, quædam tempora, & semissum temporis, quem nobis incognitum computandi modum per solitam alibi occurrentem dierum, septimanarum, vel etiam certum annorum mysticorum numerum accipere aut explicare velle, nimiam putò esse audaciam, quod etiam dicere licet de 1290 diebus, ibidem & alibi, præsertim in *Apocalypsi* nominatis, quamdiu non est judicatum, utrum per eos mystici an naturales dies intelligendi sint.

4) Sic & cum hic locus *Dan.* 8. 14. ita singularis sit, ut sibi per omnia parem in sacro Codice non habeat, ita summæ eruditionis viris, & versatissimis interpretibus, qui eum ex communium regularum præscripto explicare aggressi sunt, plus negotii facescivit, quam quisquam alius; unde manifestum est, eum etiam singularem, & sibi propriam requirere explicationem, fundatam. α) In ipsa quæstione. β) In vero verborum sensu. γ) In prædictionis adimple-

impletione, quam temporis, quo accedit, historia suppeditat: quibus observatis, & sepositis omnibus præjudiciis, difficultates paulatim cessabunt.

§. LIV.

Interpretes autem etiam illi, quorum scripta magna cum acquiescentia & foenore legere soleamus, hic nobis non satisfaciunt; quidam enim ex binis hic propositis quæstionibus unam facere, & utrique priorem partem responsi angelici applicare videntur; alii, etsi quæstiones recte fecerant, in responsionis expositione cespitare videntur; omnes autem in eandem incidunt scyllam, quod *vesper & mane* pro integris diebus accipiunt, plurimique eo audaciæ processerunt, ut vocem *Dies*, quæ in Textu Originali non existat, suis versionibus intruderent, verterentque hæc verba 2300 *vesper mane*, hoc modo: *Vesper mane sunt 2300 dies.* B. *Lutherus* noster: "Es sind 2300 Tagen von Abend gegen Morgen zu rechnen." quæ nota marginalis ita explicat: "Es sind nicht Wochentage wie *Dan. 9.* Jahr-*Wochen*, sondern gewöhnliche natürliche Tage, da man Abend und Morgen in dem rechnet." Sed in prooemio in *Danielem* 2300 per tempus a priori *Antiochi* regressu ex *Ægypto*, & introitu in templum, & ejusdem spoliatione, ad ejus usque mortem intelligit,

quod 6 annos & 3 menses efficere putat. Haud procul ab eo abcedunt *Gesnerus*, *Calovius*, *Grotius*, & alii permulti, quorum sententiæ in Tom. Crit. Angl. recensentur, præter *Vatablum* & *Munsterum*, qui 2300 dies per perbreve tempus intelligunt. *Hieronymus* in quibusdam Hebræis Codicibus legi scribit 2200. *Andreas Osiander* in marg. Bibl. censet, legendum *Elaphim*, pro *Alphaim* id est 1300 pro 2300, quod dici potest nodum fecare non solvere. Et sic alii aliam ex Labyrintho, quem ipsi formarunt, elabendi viam excogitarunt. Causa autem hujus erroris apud tot viros eruditissimos, & clarissima Ecclesiæ ac Cætus litterarii lumina, in eo consistit.

a) Quod hunc locum *Dan. 8. 14.* & *Gen. 1. 5.* sq. pro perfecte parallelis habent, ut ex *Calov. Bibl. Illustr. ad h. 1. Flacii Clavi SSræ Tit. Vesper*, aliisque discere licet.

β) Cum in priore loco *vesper* & *mane* nihil aliud notare putarent quam diem naturalem, necessario sequi videbatur, ut hic prorsus idem & nihil aliud significari putarent, unde iterum, seu ex hoc fonte, fluxerunt sequentes exorbitantiae.

1) Quod hæc sanctitatis pollutio, quæ hic prædicatur, duratura esset 2300 dies naturales.

2) Ut hanc sententiam verisimilem, & Textum clariorem facerent, quidam voculam *Dies* ei intruserunt.

3) Ut

3) Ut hos 2300 dies, 5: 6 annos, 3 menses & 20 dies invenirent, sanctitatis inquinamentum exorsi sunt ab introitu Antiochi in templum, & sanctuarium, ejusque spoliatione, quod ineunte Anno Seleucidarum 143 supponebant, & durasse sine omni cultu divino per integrum illud sexennium, & quod superest, statuebant, sed perperam omnia, quod bona eorum venia dictum esse volumus.

§. LV.

Nam 1) Anno Seleucidarum 143 ineunte, aut sub exitum Anni 142, (nam ut prior *Liber Maccabæorum* annos a verno tempore, ita posterior ab autumnali inchoat) Antiochus magnum exercitum per inferiores provincias ducens, (ut ex 2 *Macc.* 4. 44. & cap. 5. 1. patet) urbibus maritimis, quæ sceptrum Ægyptiaco antea paruerant, suo subiectis imperio, in Ægyptum duxit, ut hæc vice, Judæam præteriens, urbem Hierosolymitanam non videret, nedum sanctitatem pollueret; in Ægypto autem urbes capiendo, & provincias sibi subjiciendo, non modo totam æstatem, sed, si ex magnitudine rerum gestarum argumentari licet, bonam etiam sequentis hyemis partem consumpsit, ita ut tandem, vergeunte Anno 143, ex Ægypto domum reverti, & in Judæam ac Hierosolymas venire, eaque ibidem patrare potuerit facinora, quæ 1 *Macc.* 1. us-

que ad v. 30. referuntur; unde patet, omnes dies hujus anni frustra pollutioni sanctitatis adscribi, si vel maxime ultima ejus pars ad eam pertineret.

2) Verum quidem est, quod Antiochus Anno 143 sanctuarium intravit, templumque lychnico aureo, mensa aurea, aliisque Cimeliis, Ornamentis & Instrumentis aureis ac argenteis, ut & omnibus, quos invenit, thesauris spoliavit; hoc tamen facto non magis sanctitatem profanavit, quam M. Licinius Crassus, qui plane idem facere ausus est, & Cn. Pompejus, qui in ipsum sanctissimum adytum penetravit, licet templum non spoliaret.

3) Ex collatione 1 *Macc.* 1. 38. seqv. & 2 *Macc.* 6. 1. seqv. patet, templum in Judæorum potestate fuisse, & cultum divinum in eo inviolatum mansisse usque in annum 145; tunc autem post adventum Appollonii, maxime vero Antiocheni illius senis Athenæi, qui paulopost Hierosolymam venit, sanctuarium obsideri, populus religionis gratia ad id ascendens occidi, ipsum templum innocentis sanguinis effusione pollui, urbs civium fuga deferi, sabbatorum celebratio, & quotidiana oblationes omitti coeperunt, eodemque tempore edictum Regis propositum fuit, quo religionis Judaicæ exercitium severissime prohibebatur, gentilis vero religio & abominanda sacrificia, eum omnimoda turpitudine introducebantur, tandemque ipsa Effi-
gies

gies Jovis Olympii d. 15 mensis Chisleu in altari holocaustorum erecta fuit, & templum ab illo denominari coepit. Unde non ab introitu Antiochi in templum, & ejus spoliatione, jufesacrificium cessasse, & abominationem desolationis incepisse, certum est.

4) Ut prophetia angelica *Dan. 8.* duo habuit membra, unum de religione, alterum de politia Judaica, ut §. LI. monuimus, ita & de ejus impletione norandum est, ipsum Antiochum, dum Anno 143 Hierosolymis hæsit, ejusque Præfectos Philippum & Andronicum, quos ibi reliquit, ut & Appollonium, quem cum valido exercitu illuc misit, maxime intentos fuisse in templi thesaurorum spoliationem, populi oppresionem & reipublicæ subjugationem, quam persecutionem angelus quidem prædixit, sed quam diu duratura foret, non determinavit: Antiochenum autem illum senem Athenæum, quem paulopost Appollonium Antiochus Anno 145 Hierosolymas misit, in mandatis habuisse, ut templum pollueret, & ipsam religionem aggredetur, quam itaque ille omnium primus, adjuvante Appollonio, omnibus intentis nervis persequi coepit, & ut penitus eliminaretur, nulli pepercit operæ, ut ex 1 *Macc. 1.* & 2 *Macc. 6.* abunde clarum est. Hanc persecutionem angelus cessaturam prædixerat, & quamdiu duratura, non vero quando inceptura foret, determinarat; cum vero certum sit, eam hoc anno incepisse,

frustra dies anni 144 ut & prioris partis 145, bis mille illis & trecentis *vesperis mane* assignantur. Nec contradicentes hic multum juvant verba *Josephi* Lib. 13. Cap. 16. dicentis, Antiochum, capta urbe, porcos super altari mactasse, & jure carniū templum aspersisse, cum Auctor summo jure Antiocho tribuere potuerit, quod ejus jussu ab ejus emissariis & præfectis factum est, ut sæpius in hujus Regis historia facit: ipsa etiam Historiæ indoles & connexio, hoc non statim post primam ab ipso Antiocho factam urbis occupationem factum esse, ostendit, sed post secundam illam Antiochi auspiciis per Appollonium Anno 145 factam, quæ ob ducis crudelitatem & commissa scelera non minus quam prior famosa fuit.

§. LVI.

Ex omnibus hisce patet, computum illum 2300 dierum naturalium, quo utuntur viri eruditissimi, hic nullo modo consistere posse, cum sanctitas non perfecte polluta fuerit, nec verus Dei cultus, præsertim sacrificium jure, penitus sublatum, priusquam adulto anno 145, quo erecta fuit abominatio desolationis; si itaque desolationis initium a 15 d. mensis Chisleu Anni 145. 2300 dies naturales numerando perrexeris, desines tandem in d. 20 mensis Nisan, Anni 151 triennio & 4 fere mensibus ab Antiochi morte, sed

sed triennio & 9 mensibus a justificatione sanctitatis elapso, quod maxime absurdum est, cum angelus justificationem sanctitatis & restitutionem sacrificiorum 2300, prophetiæ finem ponat; ut ultra 25 mensis Chasleu Anni 148, quo peracta est justificatio sanctitatis, extendi non possit. Et si vel maxime concesseris, quod salva veritate concedi nequit, dies abominationis initium habuisse ab Antiochi introitu in templum, qui accidisse videtur sub exitum anni 143, finem tamen non inveniunt illi, priusquam 3. aut minimum duobus post mortem Antiochi, sed plus 9. mensibus post justificatam sanctitatem. Siqve tandem, ut nihil inexpertum relinqvas, a justificatione sanctitatis seu 25. d. mensis Chasleu Anni 148, qui indubie est terminus ad quem, seu in quo cessatio sacrificii jugis finem habuit, retrorsum & sursum numeraveris 2300 dies naturales, defines tandem in d. 5. mensis Elul, Anni 142, anno integro & 4. mensibus antequam Antiochus Hierosolymas unquam vidit; & quocumqve tandem te vertis, accuratum 2300 dierum numerum ab erectione abominationis, aut (quod rectius est) a sacrificii jugis cessatione ad justificationem sanctitatis a Juda Maccabæo d. 25. mensis Chasleu Anno 148 fictam, nunquam invenies; quod nos adegit, ut a virorum eruditissimorum, quorum venerandos manes debito honore prosequimur, sententia discederemus, veritatis studio & necessitate quadam inducti,

quam nobis intulit tot tantorumque virorum auctoritas, quorum quodvis verbum apud vulgum & semidoctos oraculi instar est, præsertim *B. Lutheri*, quibus reliqui consentire videntur, qui, si non expresse dicit, certe innuit, hic indigitari, dies naturales a vespera inchoatos observandos esse, cujus notæ fundamentum omnino manifestandum fuit, nam demonstrato, de 2300 diebus naturalibus sermonem non esse, simul evincitur, quod illi a vespera inchoandi non fuerint, cum non-entis nullæ sint affectiones. Quibus hoc modo præmissis, nostram subjungimus sententiam, quæ talis est.

§. LVII.

Quod hujus quæstionis primum comma attinget, status ejus, ut ex v. 13. patet, talis fuit. Quamdiu durabit hæc vastatio sanctitatis, seu cessatio sacrificiorum, & in specie sacrificii agnis, vespertini scil. & matutini (illa enim hic expresse nominantur), quæ verba plane perspicua sunt, & ut sonant intelligenda. Neque obscurior est responsio angeli, si a verbis ejus non discesseris, ad rogata enim directe & sine ambagibus, sed stylo prophetico respondet dicens: *Usque ad (3: post) 2300 vesper & mane justificabitur sanctitas*, quæ verba, *vesper* scil. & *mane*, sive in sensu communi pro horis vespertinis & matutinis cujusvis diei ceperis, ut sæpe
in

in SSra; exclusis horis intermediis, accipiuntur, ut *Num. 28. 4. 1. Paral. 17. 40. & Esdr. 3. 3.* (His enim in locis dicitur sacrificium jube offerri mane & vespere, non autem horis intermediis); sive in sensu figurato vel metonymico *vesper & mane* pro sacrificiis vespertinis & matutinis intellexeris, res eodem recidit; nam nihil aliud ex hac angelica responsione fluit, modo non in alienum ab ejus mente sensum detorqueatur, quam talia sacrificia 2300, id est 1150 vespertina & 1150 matutina intermittenda fore, sed post tot officiorum omissionem sanctitatem justificentur iri, 3: templum purgandum, & sacrificia denuo instituenda fore.

Quantum ad tertium comma, seu accuratam hujus prophetiæ ad ipsum rei prædictæ eventum applicationem pertinet, observandum est, hic loqui angelum de cessatione sacrificiorum quotidianorum, in templo Hierosolymitano ab Antiocho Epiphane procurata, quam prædicat tam fore longinquam, ut 2300 *vespere mane* illis caritura sint. Jam vero ex *1 Macc. 1. 57.* notum est, quod abominatio desolationis in templo erecta fuerit d. 15 mensis Chasleu Anno Seleucidarum 145, sed remotam fuisse Anno ejusdem Æræ 148. d. 25 mensis Chasleu, quod dat dies naturales 1105, sed sacrificia vespertina & matutina 2210, ita ut sacrificiorum numerus, secundum prophetiam intermittendus, superet numerum sacrificiorum, quæ hoc tempore inter-

mitti

mitti potuerunt, numero 90, id est diebus 45, qui defectus, ut omnia accuratissime sibi respondeant, facile impleri potest hoc modo. Angelus non determinavit, quamdiu abominatio desolationis seu ejus signum in loco sancto mansurum foret, sed quot sacrificia intermittenda essent; cum itaque certum sit, sacrificiorum cessationem finem habuisse anno Græcorum 148 d. 25 mensis Chasleu, manifestum est, si retrorsum aut sursum numeraveris, datum numerum 2300 sacrificiorum terminari in ultimo die mensis Tisri Anni 145, id est 6 septimanis & 3 diebus antequam signum abominationis publice erectum fuit, pridie enim vel eodem die aut aliquod immane scelus in templo patratum fuisse, aut impium quoddam edictum, quod sacrificia & publicum Dei in templo cultum penitus sustulit, propositum fuisse, manifestum est, quorum assertum hoc tempore accidisse, historia 1 *Macc.* 1. & 2. *Macc.* 6. clare docet, qualia sunt, magna illa innocentis sanguinis effusio circa sanctuarium facta, & ejus pollutio 1 *Macc.* 1. 39. Crudelissimum Regis edictum v. 40. & eorum cædes, qui non obtemperabant, erectio novi altaris, & suillæ oblatio v. 49. 50. quæ omnia ante erectionem idoli in altari holocaustorum d. 15 mensis Chisleu facta fuisse, historia docet. Cumque certum sit, angelum hic nec diem nec noctem unquam nominasse, ita etiam verisimile est, cum nihil minus cogitasse, cum hæc loqueretur, quam
de

de noctis præ die prærogativa, sed verba sua ita ordinasse, ut exacte ipsam rem & ordinem, quo foret gerenda, exprimeret, manifestum est, noctis prærogativæ defensoribus nihil in hoc dicto præsidii esse.

§. LVIII.

Speciosum etiam est argumentum, quod pro noctis prærogativa peti potest a 9 illis locis biblicalis, §. XXXVII. adductis; sed cum pleraque eorum singularem facti causam habeant, vis probationis huc referendæ parva aut nulla est. Ex V. T. unicum tantum proferri potest, quod legitur 1 *Reg.* 8. 29. de quo notandum, quod *Autor Chronicorum* idem dictum 2 *Paral.* 6. 20. proferens, id ita recitat, ut diem nocti præponat, de quo quid cogitandum sit, vide supra §. XXIV. Quæ autem in N. T. reperiuntur, omnia sunt *Pauli* Apostoli, de rebus magni momenti agentia, maxima animi corporisque vi ac nexu peractis ac peragendis, quales sunt: ipsius *Pauli* in partibus officii indefessa vigilantia, ejus pro carissimo filio *Timotheo* precandi assiduitas, viduarum precum ac suspiriorum crebritas, *Judæorum* pro lege *Mosis* Zelus, qui quantum fuerit, nemo ignorat. Cumque huic Apostolo alias non insolitum sit de magnis rebus hyperbolas adhibere, sic etiam hic, & his innuere vult, quod non tantum tempore solito & in-

& interdiu, sed vel maxime noctu, quod insolitum sit, his invigilet. Noctem itaque diei præfert ad augendum tam rei quam eloquentiæ vim, sed non ad stabiliendum noctis præ die prærogativam.

Taceo, quod Paulus hic ad Græcos, diem aut a vespera aut a media nocte incipientes, & dixit & scripsit, ad quorum mentem se accommodare solitus erat, ut (perinde ac de se loquitur) omnia omnibus fieret.

§. LIX.

Psf. 55. Dicit Propheta Regius, se deplorare coram Domino *vespere, mane & meridie*, & *Psf.* 30. 6. simili fere modo loquitur de vicissitudine doloris & lætitiæ, ubi vesperam reliquis horis Canonicis seu precationibus destinatis præponit; non ut vesperæ præ die prærogativam asserat, sed aut ex libero arbitrio, perinde ac *Paulus* Trinitatis personas, & ipse Christus præcepta Decalogi diverso, & non semper eodem, ordine enumerat, vel ad Cæremonias Judaicas respectum habens, quorum præparatio ac initium ad tempus vespertinum pertinebat; Vel etiam de nullo horum cogitans, cum heic loci ejus unica intentio sit, ut orationis dignitatem, vim, & assiduitatem commendet, ideoque non tam de scrupuloso verborum ordine, quam de tanti ponderis re sollicitus; verissimillimum autem

tem videtur, *Davidem* hic ad ordinem sacrificiorum Judaicorum respectum habuisse: sed ut ut sit, parum ad controversiam de naturalis diei inchoatione facit.

§. LX.

In hunc censum etiam venire debent verba Apostoli 2 *Cor. II. 25.* dicentis, se *noctem ac diem in profundo egisse*, ubi noctem videtur diei præferre; ad quod responderi potest, Apostolum usurpare voculam *Nychthemeron*, ex communi usu & vulgi loquendi more desumptam, sine ullo respectu ad noctis præ die prærogativam, simulque cogitari potest, haberi hic respectum ad tempus, quod in profundo egit, scil. quod circa initium noctis in profundum lapsus aut conjectus fuerit, quam totam & subsequenter diem in illo mansit; cumque nox hujus temporis prior pars fuerit, ideo etiam hic convenienter voculam *Nychthemeron*, sed non *hemeronyction* adhiberi, quod apud alios scriptores reperitur, cum de simili materia verba faciunt.

§. LXI.

Sunt, qui ex querela Dei *Ex. 16.* de profanatione Sabbati ab illis commissâ, qui septimo die legerunt Manna, probare nituntur, Patriar-

triarchas & populum Israelis, aliosque pios viros ante promulgatam legem sabbata observasse, & si obiervarunt, certe illa a vespere in memoriam creationis, a vespere inchoatæ, observasse, eoque noctis prærogativam ad posteros propagasse dicunt: quibus responderetur. Qvod de Patriarchis ante- & post- diluvianis, aliisque piis viris, pie conjicitur, incredibile non est, scilicet quod sabbatum aliquatenus observaverint, sed illud a vespere inchoasse in memoriam creationis a vespere inceptæ, omni destituitur fundamento, cum nulla existent signa, Israelitas in Ægypto septimum diem sanctificasse, & qui id contendunt, supponere videntur, Pharaonem & Ægyptios idem fecisse; minime enim alias universum populum septimum quemque diem, laboribus intermissis, quiescere permisissent, & si cum servili labore violare coegissent, certe de tam immani facto graviores exstarent querelæ. Sed cum neutrum horum sit, verisimillimum est, quod memoria & sanctificatio sabbati hoc tempore exsoleverit, & si tam insignis res obsolevit, quid de ejus a vespere inchoatione & noctis prærogativa, quam inde colligere volunt, statuendum sit, omnibus patet. Qverimonia itaque *Ex. 16. 28.* existens, haud respectum habet ad anteriora & remota tempora, aut leges dudum datas, sed ad proxima verba Dei, quæ leguntur eodem *Cap. v. 5.* quæ die sexto duplum Manna colligere jubent, ut & verba

Mosis,

Mosis, ad primores populi v. 23. *Cras Sabbatum est, & sancta quies coram Domino, parate ergo hodie, quod in crastinum opus est.* Quod monitum cum quidam non curarent, Deus de eorum pervicacia qveritur v. 28. Cumque antiqua consuetudo sit altera natura, quæ difficulter exiit, & nulla alia solennis lex de Sabbato adhuc promulgata esset, divina philanthropia hoc ad peccata infirmitatis retulit, nam ultio intra verba stetit, secus quam *Num. 15.* ubi reus, qui simile commisit peccatum, sed post pluries reperitam legem de sanctificatione sabbati, sine conniventia lapidationis pænæ adjudicatus fuit. Nullum itaque de sabbati sanctificatione ante promulgatam legem Mosaicam, exitumque ex *Ægypto*, & multo minus de ejusdem a vespera inchoatione, nec ullum de noctis præ die prærogativa peti potest argumentum.

§. LXII.

Quam infirmo itaque nitatur talo eorum instantia, qui dicunt, Deum omnium sabbatorum & festorum initia & fines ad dierum vespas alligasse, ut primi diei Analogiam observaret, ac Israelitis inculcaret; consentaneum enim fuisse, ut, quemadmodum ipse a vespera tempus & alia opera sua inceperit, ita etiam quod sacra & publicus Dei cultus, quo mortales sibi ejus opera in

H

me-

memoriam revocarent, eiqve pro acceptis beneficiis gratias solverent, ad eadem temporis puncta alligarentur, sequentia ostendunt.

1) Quia ut nondum probatum est, quod ipsum tempus & creationis opus a vespera inceperit, cum tota SSra ne ejusmodi unum jota contineat, ita & hoc frustra hic fundamenti loco supponitur. 2) Gratis hic asseritur, Deum jussisse, ut Israelitæ omnia festa & sabbata a pridiana vespera inchoarent; hæc enim prærogativa duobus tantum summis festis Paschatos scil. & Expiationis competebat, idque ob causas gravissimas, quæ in reliquis nullum locum habebant; quales fuere, mactatio & esus agni Paschalis inter duas vespervas, reliquique ritus & opera circa hujus festi celebrationem peragenda, & ad illud præcise, non aliud tempus applicanda, ut ex ejus institutione & celebratione *Ex. 12. 6. Num. 9. 5. Levit. 23. 5. Deut. 16. 5.* abunde patet. Sed ad hoc seu Expiationis festum singulariter pertinuit afflictio animarum ab uno vespere ad alterum, quod *Levit. 23. 32. Num. 29. 7.* leve re jubetur, ut plane necessum fuerit hæc festa a pridiana vespera inchoare; sed cessantibus his causis, quæ in reliquis festis & sabbatis nullum habuerunt locum, cessabant etiam effectus seu festorum a vespera initium. Non tamen inficias imus, nobis non incredibile videri, *Mosen* ob exempla *Ex. 16. & Num. 15.* ut & causas §. XLI. nominatas, ne reliquorum fab-

sabbatorum prior ac potior pars in Parascheuen mutaretur, ut eorum etiam festivitates ad Paschatos & Expiationis festorum imitationem, consentiente aut permitte ipso Numine, statuisse, ut a vespera pridiana inchoarentur, sed cum id SSræ fide non nitatur, in medio relinquinus. 3) Probe est observandum, tempus ipsum, & opera & solennitates ad id pertinentia non esse idem, sed diversa; Deus nunquam præcepit, ut ipsa dies sacra in pridiano vespere inciperet, sed tantum ut festivitates, & actionum sacrarum ad festa pertinentium aliqua præparatio pridie fieret: cui sententiæ nihil obstat dictum *Lut. 23. 54. Fuit Parascheve & sabbatum incepit*, nam ut sabbatum primario significat quietem, secundario autem diem quieti dicatum, ita Evangelista in hoc capite voce sabbati in utroque sensu utitur, nam v. 54. dicit, sabbatum 3: quietem & sanctitatem sabbati cepisse a vespera Parascheves, sed v. 56. usurpat vocem in sensu metonymico, dicens mulieres sabbato quievissent, quod vivo jam inter nos exemplo illustrari potest; solennis illa supplicatio nobis indicta, seu dies publici jejunii & precum, hoc anno incidit in 14 Maji, unde ex præscripto Regii edicti festivitates & actiones, huic festo debitæ, pulsatio scil. campanarum, oclusio tabernarum & cauponarum, cessatio laborum, initium jejunii, & id genus alia, incipiunt 12 Maji, hora 6. pomerid. An ergo ipsum

festum in 13 Maji incidit, & illud hoc anno initium habuit ab eadem hora 6. pomerid. 7 Absit! sed præparatio festivitatis; simile autem hic de similibus ferendum est judicium. 4) Non multum refert, quid hac de re statuunt moderni Judæi, nec quid putarunt antiquiores Rabbini; nam lege hic & effato SSræ standum & cadendum est.

§. LXIII.

Antiquam valde esse hanc sententiam, quod nox die prior fuerit, ut negari non potest, ita nec, quod sola antiquitas ejus veritatem stabiliat, & immotam faciat, ullo jure asseri potest; si enim opinionum antiquitas veritatem semper probaret, quantum tum in Rabbiorum commentis, Græcorum fabulis, Romanorum Mythologia, & Eddicis nostris monumentis, aliisque historiis, reconditum haberemus veritatis thesaurum; & quid talia adferre opus est, cum ab ipsa Ecclesia receptæ fuerint opiniones, a veritate non parum abcedentes, & per multos annorum centenarios, ut irrefragabiles fideli articuli creditæ fuerunt. Quales sunt.

a) Terram, orbiculari figura conditam, tam firmo niti fundamento, ut in æternum ne minimum moveri possit, ex *Davidis Ps.* 104. 5. & *Psf.* 89. 12. verborum & allusionum interpretatione orta sententia, tam firmos apud Judæorum

dæorum & Christianorum doctores radices fixit, ut contrarium statuentes, non modo pro stultis sed & impiis haberentur, unde eorum sententiam sui seculi oraculum *Firm. Lactantius* Lib. III. Cap. 24. *de falsa scientia* refutat, & omnibus deridendam proponit, cumque multa de eorum ineptiis, & hujus rei naturali impossibilitate scripsisset, hanc suam commentationem hoc modo claudit. "*Possẽ ego multis argumẽtis probare, nullo modo fieri posse, ut coelum sit terra inferius*:", hinc & *Virgilius*, Episcopus Salisburgensis, cum rotundam terræ figuram & antipodas statueret, primo a Bonifacio, Archiepiscopo Moguntino, & Pontificis Romani per Germaniam Legato, erroris admonitus, & deinde hæreseos accusatus, tandemque ab ipso Papa Zacharia excommunicatus, & ab officio depositus esse perhibetur.

b) Haud minus paradoxam de sole fovit sententiam veneranda antiquitas, quem 24 horarum spatio circa terram moveri, terram vero immobilem manere putavit, quæ tam firmas in omnium mentibus fixerat radices, ut *Aristarchus Samius*, contrarium statuere audens, parum abfuerit, quin impietatis a tota Græcia condemnaretur, quæ sibi timentes fata *Cardinalis Cusanus*, eandem sententiam ex *Aristarcho* haustam usque ad mortem clam habuit, & Celeberr. *Tycho Brahe*, aliud potius, sed minus probabile excogitare voluit systema, quam tali peri-

culo se exponere: *Nicolaus* autem *Copernicus*, eandem disseminare audens, tristissima fata, quæ eum manebant, morte prævertit, quæ demum in ejus hac de re scripta effusa sunt; nam *Cardinalis Bellarmini* instinctu, a Pontifice Romano in publico Consistorio condemnata fuerunt. Tandemque præterito seculo *Galilæo Galilæi* ejusdem veritatis confessio ignominiosa revocatione, & æviterno carcere stetit. Blasphemix enim viros doctissimos Ecclesia Romana reos egit, quod Spiritui Sto per *Josvæ* & *Davidis* ora loquenti contradicere & mendacii arguere sustinuerint; quasi *David* & *Josva* aliique cum vulgo hominum, cujus intererat, ut eorum mentem intelligerent, non sint locuti, & quasi omnia eorum verba, omnino prout sonant, explicanda essent, & omnem aliam penitus respuerent interpretationem; quæ ut nobis videtur, sine ulla eorum mentis aut sensus literalis depravatione, illæsa veritate consistere possunt. Ignoscendum certe *Davidi Regi*, *Prophetæ* & *Poetæ*, in laudes Dei omnes animi vires intendenti, ut & *Josvæ imperatori*, in summo præliandi ardore constituto, quod magis res quam verba curarent, & sensa animi opticis illis toti populo usitatis phrasibus, proferrent, ut ab omnibus intelligi possent, non enim fuerunt *Ludi-magistri* aut *Professores publici*, ut illis doctrinam de motu solis & terræ ex cathedra coram discipulis enodare incumberet. Et de

de Josva singulariter memoratur *Jos. 10.* quod hæc verba coram *facie totius Israelis*, (scilicet: ita locutus fuisse; ut a toto populo etiam simplicissimo quovis intelligi posset,) his enim phrasibus populus communiter utebatur. Et sane in Islandia aut alibi, ubi non alia sunt horoscopia, quam syderum & terræ inter se accommodatus motus, aliter vix loqui potuisset, nisi longam descriptionem aut multiloquia tempus permisisset; hodie enim vulgus rogatum, quæ sit hora, communiter ita respondet: Sol, Luna, Plejades, Ursa est in A. B. vel C. loco, sed nihilominus cordatiores omnes credunt, solem stare; terram vero moveri. Nihil itaque aliud a Deo petiit Josva, quam ut motus naturalis sisteretur, & dies prolongaretur, usque dum ultio de hostibus sumpta esset, sed verba ex communi gentis loquendi modo sumsit, ut etiam infima plebs intelligeret, quid a Deo peteret, & mox videret, quomodo ab ipso exaudiretur. Josvæ enim magni interfuit, ut populus omnem suam fiduciam in Deo collocaret, si autem in talium dictorum explicatione ne hilum quidem a sensu litteræ recedere licet, quid tandem ex SSra fiet? Id quod dicere nolo. Certe tum Herodes fiet animal quadrupes, pilosum, longam habens caudam; Ananias Pontifex dealbatus paries, Petrus ipse Sathan, & Judæi scorpiones & hydræ. Plura quidem hujusmodi exempla aut præjudicia adferri possunt, sed hæc,

circa creationis historiam versantia, ostendunt, nec solam antiquitatem, nec consentientium multitudinem cuivis sententiæ veritatem dare. Si autem non eadem, certe non prorsus dissimilia fata subiisse videtur hoc dictum: *Fuit vespere & mane illa dies*, cum ut meliori sui parte & interiori sensu privatum, arido vero & exsangvi hocce litteræ sensu contentum plura annorum millia jacuerit, quod nihil aliud quam noctis præ die prærogativam indicaret, id autem immerito fieri, ita jam demonstratum & probatum esse putamus, ut noctis prærogativæ propugnatoribus, qui eo ut anchora sacra usi sunt, posthac ab illo parum præsidii sperandum sit.

§. LXIV.

Sed ut sola antiquitas & affirmantium multitudo fucatæ sententiæ veritatem conciliare non possunt, ita sola novitas, consentientium paucitas, ac Auctoris obscuritas, nulli sententiæ veritatem abstrahere queunt, cum sæpe etiam sit olitor verba opportuna locutus: In tali itaque casu sollicitè dispiciendum est, utrum enata novitas gloriæ Dei, salutis hominum, analogiæ fidei, bonis moribus, veritati historicæ, menti vel scopo auctoris, ipsius rei indoli, & verborum nativo sensui ullo modo repugnet, extenuet, aut evertat, an vero cum omnibus illis optime

optime conveniat, illustret, decoret, augeat, stabiliat, & quodammodo promoveat, quæ regula critica ut hic observetur, veritatis permultum interest. Hanc sententiam ab antiquitus regnante & communiter recepta persuasione, asserentium multitudine, longe multumque superari, ingenue fatemur; perpauci enim eruditorum, quantum nobis innotuit, ad eandem inclinasse videntur, eorum autem, qui eam, quatenus dici naturalis initium ad matutinum tempus refert, approbasse, aut non penitus ab ea abhorruisse videntur, non modo nomina, sed ipsa etiam verba in §. proximo adducemus; quod autem ad ipsius antiquitatem attinet, cardo rei est, utrum vera esse deprehendatur nec ne. Quod sit valde verisimilis, & alteram illam in eo vincat, negari nequit, cum id adductis testimoniis & indigitatis criteriis probatum sit, sed si reliquis verisimilior est, quidni pro vera haberi possit, non video; tandemque si vera est, certe etiam antiquissima, ipsis auctoribus cœva, illisque propria. Nostri autem verbis pondus & pretium addet magni *Chemnitzii* aurea sententia in *Exam. Concil. Trident.* Tom. I. de interpretat SSræ p. m. 107. hoc modo dicta, quam ut hic inferam temperare mihi nequeo.

“ Hæc libertas in interpretationibus omnino in Ecclesia retinenda est, ut cum
 “ iudicio, legantur quorumcunque interpretationes, & libere exigantur ad fon-

“tes & fundamenta. Nec propterea dam-
 “nanda est interpretatio aliqua Scripturæ,
 “quod a veteribus quibusdam dissentiat, si
 “modo verbis scripturæ, circumstantiis
 “Textus & analogiæ fidei consentanea sit.
 “Quid vero veterum sanis & veris inter-
 “pretationibustribuendum sit, supra dixi-
 “mus; utimur enim veterum laboribus
 “cum reverentia & gratitudine, sed salva
 “libertate Christiana: „

§. LXV.

Licet plurimi Judæorum magistri, & per-
 multi Christianorum doctores in hac fuerint
 sententia, quod tempus a vespera inceperit, &
 nox naturalis diem præcesserit: exstiterunt ta-
 men inter utrosque viri quidam eruditissimi, qui
 a communi illa sententia recesserunt, quorum
 paucos illos, qui nobis innotuerunt, nominabi-
 mus, cumque illi omnes non unum semper sen-
 tiant, sed in diversa sæpe abeant, illorum verba
 adscribere non gravabimur. Horum primus
 erit *Joh. Gerhardus*, Vir Celeberr. *Harm. Evang.*
 edit. Hamburg. Tom. 2. pag. 982. “Notan-
 “dum est, Judæos duplici modo dies nu-
 “merare consuevisse, Ecclesiastice scilicet &
 “politice; secundum computationem Ec-
 “clesiasticam, ac dispositionem legis divi-
 “næ in celebratione festorum observan-
 “dam,

"dam, dies festos incipiebant a vespera,
 "Levit. 23. 32. sed juxta computationem
 "civilem in vita communi observandam,
 "dies naturalis incipiebat a media nocte;
 "ut sic vespera sequens esset pars, videlicet
 "clausula, diei præcedentis, cum juxta prio-
 "rem sive Ecclesiasticam computationem
 "esset pars, videlicet initium, diei sequen-
 "tis. „ Alter erit *Thomas Godwinus* in
Antt. Judaic. quas *Mosen & Aaron* insignivit
 Libr. III. Cap. 1. expresse dicens: "Judæos
 "diem naturalem profestum civilem, qui
 "operibus civilibus dabatur, ab ortu solis
 "cœpisse, & ad sequentem ortum solis de-
 "sistere. „ Cui consentit *Reizius* in *Notis*
 ad h. l. dicens. "Istæ gentes nullam habue-
 "runt rationem, nec quoque Hebræi, cur
 "diem nocti postponerent, nisi accessisset
 "Dei mandatum sic incipiendi festa, siqui-
 "dem dies naturalis præcedat, quia nun-
 "quam nox capi potest sine conceptu lucis
 " & diei. „ Quartum producimus *Chri-*
stoph. Starke in *Synopsi Biblioth. Exeget.* in
 V. T. qui ad *Gen. 1. v. 5.* *Möllerum* allegans,
 ut ejus sententiam magis probare, quam reji-
 cere videatur, ita scribit. "So schreibt *Möl-*
lerus: Es ist noch nicht erwiesen, daß
 "der Abend die ganze Nacht, und der
 "Morgen den ganzen Tag bedeuten soll.
 "Besser handeln diejenigen, welche durch
 "den

" den Abend das Ende des natürlichen
 " Tages, und durch den Morgen das
 " Ende der Nacht verstehen. Hieraus fol-
 " get, daß bei der Schöpfung und folgendes
 " der Tag eher gewesen denn die Nacht,
 " denn die heil. Schreiber setzen den Abend
 " als das Ende des Tages, dem Morgen
 " als dem Ende der Nacht ordentlich vor.
 " Die erste Finsterniß kann auch mit dem
 " Nahmen der Nacht nicht belegt wer-
 " den, wenn man nicht weiß, wie lange sie
 " gewehret, und folgen würde, daß der erste
 " Tag der Schöpfung keine ordentliche
 " Nacht gehabt hätte, welches wider Mo-
 " sis Wort ist. Welche diesem die mo-
 " saische Rechnung der Festtage von einem
 " Abend zum andern entgegen setzen, ver-
 " mengen mit einander die natürliche, bür-
 " gerliche und heilige Rechnung der Tage,
 " imgleichen die Zeiten der Patriarchen mit
 " denen Zeiten Mosi. „

Præter hos arguit Celeberr. Tychonius
 in Libro, quem de noctis præ die prærogativa
 scripsit, Chartvightum, Wilhelm. Langium, Bruns-
 mannum, Joh. Drusium, & Manassen ben Israel.
 quod suæ sententiæ contrarium statuissent. Quo-
 rum Langius de Annis Christi Lib. I. Cap. 3.
 Judaicam methodum diem inchoandi antiqvissi-
 mam vocat, & multis gentibus in usu fuisse di-
 cit; quod autem scribit, quasdam gentes diem a
 matu.

matutino tempore inchoasse, reprehensionem non meretur. *Drusium* suam dubitationem aliquatenus revocasse certum est. Sed *Brunsmanni* scriptum de *Exordio & Exodio* diei, ut & *Chartvightii* & *Manasse ben Israel* scripta nobis videre nunquam contigit. Si autem Israelita ille nihil enormius statuit, quam quod dies nocti prior fuerit, certe merito graviolem a *Tychonio* passus est censuram, quod invira revelatione divina adstruere præsumferit.

§. LXVI.

Omnia autem hæc & alia, quæ de noctis præ die prærogativa aut dubia aut nulla disputavimus, non ita sunt accipienda, ut ullius SSræ dicti genuinum sensum aut infringere, aut in alienum ab auctorum mente detorquere voluerimus, sed ut ex eorum genuino sensu, non satis exacte perpenso, minus accurate deductam opinionem revelaremus, nec etiam quod Patribus tam Ante quam post diluvianis eam fuisse consuetudinem, ut diem a vespera inchoarent, præfracte penitusque pernegemus, sed ut ostendamus, talem consuetudinem, si modo eam ante Legem cæremonialem Judæi habuerint unquam, non in creatione diei seu ejus primo initio fundatam esse, sed alia forte re, quæ illis aut fuit, aut revera esse potuit, valde memorabilis, in quarum numero merito esse potuit prima ho-

hominis creatio, quæ si non sub vesp̄eram, certe inclinante ad vesp̄eram die sexto, post alia animalia terrestria, scorpiones & reptilia, facta est, ita ut Adamus suos dies a vesp̄era numerare cœperit. Pari verisimilitudine de peccato dici potest, quod ejus pœna sub vesp̄eram homini inflicta, & ille e Paradiso ejectus fuerit, unde a vesp̄ere Adamus dies exilii & peregrinationis numerare potuerit, eamque consuetudinem posteris inculcasse, non est penitus improbable; eos autem procedente tempore, veram ejus causam aut oblivioni dedisse, aut pudore peccati adductos, aliam honoratiorem, id est creationis & totius mundi initium, substituisse.

§. LXVII.

Sed licet hæ conjecturæ magnam primo intuitu verisimilitudinis speciem habere videantur, pro ipsa tamen veritate quo minus vendiqueant, obstant.

1) Ipsa argumentorum, quibus noctis prærogativæ fautores eam probare nituntur, imbecillitas, cum enim alium multo sublimiorem habeant sensum, nihil minus probant, quam quod illi volunt.

2) Constans antiquissimorum V. T. scriptorum noctem diei præponendi consuetudo, quæ indicio est, gentem Judaicam eorum tempore non aliter loqui consuevisse, unde sequi videtur

videretur eam tunc de horum naturali ordine aliam non habuisse ideam.

3) SSræ loqvendi formulæ & phrasæ, supra a nobis allatæ, ipsos Patriarchas & eorum successores diem naturalem non a vespertino sed a matutino tempore inchoasse, innuentes: unde in eam transgressi sumus sententiam, quod Israelitæ non modo ad Mosis, sed Samuelis & Davidis tempora, ac forte diutius, eandem consuetudinem retinuerint, non tamen ideo negantes, fieri potuisse, quod post promulgatam legem de Palchatos & Expiationis festivitatum a vespera inchoatione accuratissime observanda hæc caremonia ob causas supra allatas, vivo adhuc Mose & forte innuente ipso Numine, ad reliqua festa & Sabbata fuerit traducta. Seqvioribus autem seculis, maxime tamen post captivitatem Babylonicam traditionibus & superstitione in omnia Judæorum civilia, oeconomica & caremonialia negotia, imo in ipsam religionem, torrentis instar inundante, aliis promiscue diebus applicari cœpisse, & forte sub religionis quodam prætextu, in hanc sententiam quasi divinitus quondam veteribus injunctam, itum fuisse, quam conjecturam valde credibilem faciunt.

1) Nox (in eodem dicto aut relationem habens ad diem) in Libris Canonicis V. T. nusquam diei præfertur, præterquam 1 *Reg.* 8. v. 20. in Libris autem Apocryphis raro, sed in Libris N. T. sæpius occurrit, ita ut hæc consuetudo

svetudo hac tempestate & creverit, & cœperit, quod de totius rei novitate non levem excitat suspicionem.

2) Cum inter causas, quæ Judæis captivitatem Babylonicam attraxere, haud ultima esset Sabbati violatio & contemptio, tanto postea hac in re fuerunt cautiore, ita ut tandem tota fere Sabbati religio in superstitionem degeneraret, ut ex *Maccabæorum Libris*, *Evangelistarum* scriptis, & *Josephi* Historia Judaica patet, ejus superstitionis ramulus quidam fuisse videtur dierum profestorum ad imitationem festivitatum inchoatio a pridiano vespere in Sabbati honorem instituta.

3) Permulta, ut mox innuimus, hujus gentis instituta, haud dissimili modo usu accepta, quorum hac vice id unum nominabimus, quod sacerdotes in templo sacris operantes, nudis semper incedebant pedibus, quasi id in lege strictissime mandatum esset, ejus autem inibi nec vola nec vestigium reperitur, nisi forte per obscuram consequentiam *Ex. 30. v. 19.* Sed consuetudo illa sine dubio originem debuit speciali Numinis mandato Mosi dato *Ex. 3. v. 5:* quod Israelitas primo ad templi adytum, tantum locum omnium sanctissimum, & deinde ad alia ejus loca transtulisse, exemplum vero perinde ac alias eorum caeremonias paulatim ad alias gentes transiisse, valde est verisimile. Sic consuetudini de diei a vespere initio revera a legibus

gibus de festivitatum Paschatos & Expiationis exordio originem habenti, divinam auctoritatem adjectam fuisse putamus, cujus antiquitatem ad ipsum temporis initium sive creationem, inscitia & superstitio extendit. Ipsum autem hocce dogma Philosophorum per Judæam peregrinationes, Phænicum Coloniae, & latissime extensa commercia, ipsorumque Judæorum per totam fere terrarum orbem dispersio, etiam remotissimis gentibus notum fecit & imitandum illis dedit.

Et hæc de nova interpretatione dictorum *Gen. 1. v. 5. seqv. & Dan. 8. v. 14.* dicta sunt.

SECTIO IVta.

§. LXVII.

Devolvimur tandem ad consensum plurimarum gentium de noctis præ die prærogativa, ex quo magnum sibi spondent emolumentum ejus fautores.

Prima, quam producunt, est gens *Judæorum*, quæ quod omnes suas festivitates ad imitationem legis divinæ de Paschatos & Expiationis festorum initio, promulgatæ Anno mundi 2513, ad hæc usque tempora a vespere inceperit, nullum est dubium, nec ulla indiget pro-

batione: cum vero dicta SSræ id tantum videantur jubere, & loca ex Rabbīnorum scriptis producta id testentur, quod abunde ad ejus normam & præscriptum, non tantum festiuitates, sed etiam ipsa festa inchoauerint, imo quod cum tempore hæc consuetudo eo processerit, ut seqvioribus seculis Judæi quidam sibi persuaserint, omnes dies ex hujus legis mandato a pridiano vesperere inchoandos esse, quæcum præter divinum mandatum fecerint, hac vice non moramur. Quæritur enim hic, num a suis majoribus, qui vixerant ante annum mundi 2513 quo lex ceremonialis de festorum inchoatione promulgata fuit, Judæi acceperint, & quod illi a Patriarchis, Abrahamo nempe, Isaac & Jacobo, illi autem a Noacho quasi per manus traditum habuerint, mandatum divinum, aut a Deo approbatam consuetudinem, ut diem in memoriam creationis a vespera inceperint; quod si nihil existit, frustra apud Judæos hac de re quæritur; nam in Libro *Geneseos* annorum 2369 a mundo condito ad mortem Josephi, nunquam interruptam continente historiam, ne verbum quidem hac de re reperitur, nec ulla sanctificationis sabbati mentio in toto hoc Libro occurrit, præter ipsius institutionem *Gen. 2. 3.* ubi nihil de ejus a vespera inchoatione. Quibus rite penſitatis, omnia, quæ de noctis præ die prærogativa leguntur, in meras abeunt conjecturas, & Rabbīnorum commenta.

§. LXVIII.

Proximi Judæorum accolæ fuerunt *Phoeni-
ces*, gens a Chamo descendens, quæ, ut pleris-
que historicis placet, ad mare rubrum primo
lares posuerat, sed quare & quando ad mare
Mediterraneum transierit, incertum est, licet
probabile sit, id factum esse paulo post tempora
Abrahami. Hos, cum & valde essent impii &
crassissimi idololatræ, aliquid præceptorum Dei,
necnon dei inchoationem a vespera, in memo-
riam creationis eo tempore inceptæ, a majori-
bus acceptam conservasse, vero valde est dissi-
mile; verisimilius autem, eundem morem se-
quenti tempore ab Israelitis accepisse, nam no-
tum est, quantum cum his sub Judicibus & Re-
gibus commercium fuerit; ab his itaque hunc
morem habuisse, ut diem a pridiano vespere in-
choarent, multo probabilius est, quam quod
a majoribus ad Noachum usque per traditionem
acceperint.

§. LXIX.

Ad australe Israelitarum latus habitabant
Ægyptii, gens itidem a Chamo descendens,
idololatriæ adeo dedita, ut fere adoraret quid-
quid videret, sed divinarum institutionum &
mandatorum negligentissima, quapropter apud
illam ejus mandatorum observationem frustra

quæſiveris. Tantum etiam abſuit, ut in memoriam creationis diem a vefpera inchoarent, aut reſpectu institutionis ſabbati a majoribus ſibi traditæ, ut eorum plurimi ab ortu ſolis diem inciperent, teſte *Chriſtmano* in *Alſraganum*, quidam a media nocte, teſte *Plinio*, quidam a meridie, inter quos fuiſſe videtur doctiſſimus eorum Geographus & Mathematicus *Claudius Ptolomæus*, nonnulli etiam a vefpera: difficultatibus itaque, quæ tanta varietas parit, inductus doctiſſimus *Salmaſius*, cum nullius auctorum, qui de *Ægyptiis* tam diverſa prodiderunt, fidem indubium vocare vellet, tam diverſas relationes conciliandi novam viam excogitavit, *Ægyptios* annos inæquales non habuiſſe, ſed omnes æquales, 365 dierum cum quadrante, quem ſeu 6 illas ſuperfluas horas putat eos quibusvis annis adjeciſſe, unde factum ſit, ut primus annus a media nocte, alter 6 horis tardius, tertius a meridie, & quartus a vefpere inceperit: Vide doctiſſ. & Chronol. accuratiſſimum *Strauchii* Compendium Chronol. p. 40. Quod ſi verum eſt, maniſeſtum eſt, eos non conſtanter diem a vefpera inchoaſſe, nec ſtatim ſequitur, quod omnes *Ægyptii*, in permultas minores provincias diviſi, unam & eandem de initio diei foverint ſententiam; potuerunt enim quidam a mane, quidam a meridie, quidam a vefpere, & quidam a media nocte, diem inchoare; eos autem, qui diem a vefpera inchoarunt, id a *Judæis* vicinis

cinis suis cum tempore didicisse, verisimilius est, qui sæpe ad eos commearunt, & quandoque plures inter eos habitarunt. Vide 1 *Reg.* 11. 18. & 2 *Reg.* 25. 26. quam quod id in honorem araneæ fecerint, quod illis tribuit *Plutarchus*, *Sympos.* Lib. IV. Cap. 5. sed si id ab aranca didicerunt, ergo non a majoribus.

§. LXX.

De *Afris Crispus Sallustius* auctor probatissimus, qui non tantum praturam inter eos gesserat, sed etiam de eorum rebus scripturus profectiorem ad eos susceperat, quo majore fide & judicio veritatem exploraret, in Libro, quem de bello Jugurthino reliquit, ita scribit: “*Africam initio habuerunt Getuli, & Libyes*” “*asperi incultique, quibus cibus erat caro feri-*” “*na, atque humi pabulum, uti pecoribus. Hi*” “*neque moribus, nec lege, aut imperio cujus-*” “*quam regebantur, vagi palantes, ubi nox coe-*” “*gerat, sedes habebant &c.*” quæ de primis hujus regionis incolis vera esse videntur. Illos autem Chami fuisse posteros, & ex *Ægypto* in *Africam* descendisse, docente id *Herodoto*, & consentiente *Bocharto* *Phaleg.* Lib. 4. Cap. 33. ut & illos majorum perversionem de diei initio, scil. primævam illam, quæ ante legis cærimonialis promulgationem ubique invaluit, quod dies a mane, sed non a vespere initium haberet,

primo fovisse, illamque in Africa invaluisse; nullus dubito, hanc enim opinionem pleræque gentes, eorum more viventes fovebant. Cui Herculis illius (ut putant Afri, teste eodem *Salustio*, in Hispania mortui) exercitus reliquæ, ex Persis, Medis, Armeniis, consistentes, quæ ad eos transierunt, tandemque cum ipsis connubiis junctæ apud eos lares fixerunt, & in unam cum illis gentem coaluerunt, nullum detrimentum aut mutationem attulerunt; eandem enim hæ gentes, ut supra indicavimus, fovebant opinionem: sed si Hercules ille Tyrius fuit, (ut alii volunt) & ejus exercitus ex Phoenicibus & Arabibus, contrariæ sententiæ fautoribus, constitit, non abludit a verisimilitudine, quod eandem in Africam tulerint: sed undecumque tandem hicce Hercules & ejus exercitus fuit, parum interest, cum eadem tempestate aut paulopost Phoenices, præsertim vero Tyrii, strenue in Africa negotiari inciperent, & splendidissimas illas Colonias deducere, urbesque condere Hipponem, Adrumetum, Utlicam, Trabacum, Leptim &c. & ante omnes Romanæ magnitudinis æmulam illam Charthaginem, quæ tandem totius Africæ imperium adepta est, ut Africa hoc modo Phœniciis altera patria fuerit. Cumque ipsi & plurimæ eorum Colonie Judæicam de diei initio foverent opinionem, non mirum, quosdam eorum subditos eandem etiam cum tempore imbibisse, ita tamen, ut urbium sub-

suburbiorumque incolæ, eorumque vicini, ut & mercatores, militiaeque addicti, primo & præcipue in eam transierint, reliquum vero vulgum, præsertim provinciales plurimos, vagos rusticos & palantes, quales Getuli, Mauri, & magna pars Numidarum, aliique Nomadæ, antiquam persuasionem retinuerint. Huic sententiæ nihil officit, quod plurimi Afrorum noctes pro diebus nominaverint & nuinneraverint, id enim fecerunt omnes nationes, palantem & vagam vitæ rationem usurpantes, sed ideo diem a vespera non inchoabant, ut ex Europæorum exemplo patet. Nec inde sequitur, quod qui festa & solennitates a vespera inchoabant, etiam a vespera diem inceperint; aliud enim fuit præparatio cæremoniarum, postero mane peragendarum, aliud vero ipse dies, ut supra §. LXII. ostendimus. Talem, ut jam diximus, & non aliam habuisse videntur Afri intentionem, ut nocti præ die prærogativam tribuerent, quæ quam firma & antiqua sit, omnibus patet.

§. LXXI.

Ab Oriente & Austro Judæis vicini erant *Arabes*, per quos intelligimus Ismaelitas, Moabitæ, Ammonitæ, Judæorum cognatos, ut & alias minores gentes, vastum illum terrarum tractum, qui Arabiæ nomine venit, incolentes. His a quibusdam tribuitur, quod diem a meridie

inchoaverint; sed cum plurimi eorum antiquitus solem & alia astra adoraverint, ideo etiam in solis honorem diem ab ortu solis inchoasse dicuntur, quo spectare videtur *Jobi* Cap. 31. vera de sua Orthodoxia gloriatio. Quod luminaria coeli non adoraverit, scil. ut alii Arabes vicini sui, qui mane soli orienti pro feliciter exacta nocte gratias agere, felicemque diem sibi ab eo apprecari solebant. Sed procedente tempore quidam horum populorum a Judæorum Regibus, præsertim Davide & ejus posteris, sub jugum missi, multos eorum mores paulatim imbiberunt, inter alios, ut diem a vespere inciperent, quem etiam ad posteros suos, inter quos sunt celeberrimi Saraceni, propagarunt.

§. LXXII.

Judæis quodammodo vicini dici possunt *Syri*, *Babylonii*, *Persæ*, *Chaldæi*, *Medi*, *Hyræani*, & plurimi superioris Asiæ populi, quos aliquando, tempore scil. Davidis & Salomonis, ex aliqua parte usque ad Euphratem subditos sibi viderunt, illis autem aliquando ipsi fuerunt subiecti. Hi omnes, ut & populi plerique in Asia Minore habitantes, solem adorabant, hinc etiam in solis, ut Dei primarii, honorem, diem cum ejus ortu auspicabantur, quod de Babylonis expresse fatetur *Gellius* Lib. 2. c. 2. sed de reliquis *Strauchius*, aliique: unde versus.

Atticus

Atticus occasum spectat: Babylonius ortum.
 Conf. præter alios magno numero idem testan-
 tes *Corn. Taciti Hist. Lib. III. Cap. 24.* "un-
 "diqve, inquit; clamor, & orientem solem
 "(ita in Syria mos est) tertiani salutavere.,,
 Qvod Anno Christi 70 factum esse, certum est;
 unde colligi potest, hunc morem apud illos du-
 rasse, usque dum religionem Christianam pu-
 blice acceperunt. Taceo, qvod horum populo-
 rum doctissimi Viri plerumqve genethliaci fue-
 runt, unde illis Magorum & Chaldæorum hæsit
 nomen, illi vero omnes diem ab ortu solis ini-
 tium habere docebant, ut testatur *Gellius Lib.*
14. Cap. 1. Qvod autem doctissimi cujusqve
 nationis in talibus erant professi, id sine peri-
 culo toti genti adscribi potest. Nimis itaqve
 audaces sunt, & veritati minus studentes, qui
 confidenter asserunt, omnes hos populos diem a
 vespera inchoasse.

§. LXXIII.

De *Indis* nobis parum innotuit, nec cer-
 tum est, quid hac de re statuerint; qui ex re-
 sponso *Gymnosophistæ*, qvod *Plutarchus* in *Vita*
Alexandri refert, concludunt, universæ Indorum
 gentis sententiam fuisse, qvod dies a vespere in-
 choari deberet, & prima nox naturalis die prior
 fuerit, parati videntur ex una hirundine ver fa-
 cere. a) Novit Alexander, quanam gentis illius

de ea re esset sententia, ideoqve sapientem illum de ea re non rogavit, id enim ei quisquis de infima plebe dicere potuisset, sed quæsit, quodnam dici initium verissimum esset. b) Expresse *Plutarchus* dicit, Regem ambiguas proposuisse quæstiones, & Sophistam hunc factum esse, responsum suum esse obscurum, scil. quod nihil definiret, & in utramque partem aut plures sumi & intelligi posset. c) Ex hac *Plutarchi* relatione concludi potest, Regem iratum primo hos Gymnosophistas neci destinasse, sed deferrescente furore, perplexis quæstionibus, simulata ira, & mortis comminatione, eos excruciare, & ludibrio exponere constituisse, quod illi percipientes, pari astutia & cavillis responderunt, ac ille quæsierat, ut risum ei potius quam bilem moverent, ut ex neutra parte hic serio & philosophice ageretur, cum alii fucata mendacia proferre non sint veriti, ex. gr. quod terra major sit quam omnia maria, quia maria sint pars terræ. Similiter quod vivi plures sint mortuis, cum mortui desierint existere, quod manifeste cum ipsorum principiis pugnavit; nam Calanus, eorum primanus, paulopost rogum ascendens, iussit astantes Alexandri amicos ei nuntiare, quod Babylone se iterum visurus esset. Ex talibus itaqve responsis nihil certum concludi posse constat; alii autem, ut Quintus hicce, tricis & ambiguis verbis ad quæsitæ responderunt; hic enim quæstionem: diemne an noctem

Item prius fuisse arbitraretur, ita solvit; Νύξ ἡμέ-
ρα μίᾱ ο: *nox uno die, vel nox una dies, vel*
etiam, si *Xylandro* in vita *Alexandri* credendum,
dies uno die prior fuit, ex quo responso nihil
certum colligi potest, ut ipse Rex confessus est.
Sed quicquid sit, patiemur, ejus admiratores eo
quasi ex tripode dicto delectari, & in quam-
cunque volunt partem trahere. Sufficit enim
nobis, quod concedunt, *Sophistam illam senten-*
tiam, quod nox die prior fuerit, a Judæis ac-
cepisse.

§. LXXIV.

Græcorum, tam *Europæorum* quam *Asiati-*
corum hac de re opiniones non multum mora-
mur, diversæ enim fuerunt tam ratione tempo-
rum, quam provinciarum; *Asiatici* enim, utpote
diversarum nationum, *Phoeniciorum*, *Ægyp-*
tiorum, aliarumque gentium coloniæ, genetri-
cis plerumque observantur persuasiones. De
Europæis idem fere dicendum, quod hæc natio
vel urbs cum suo suburbio, ditione, & coloniis
hanc, illa autem aliam habuerit persuasionem,
& servaverit consuetudinem, idque non con-
stanter; nam ut *Græci* sæpe sedes mutarunt,
ita loca, urbes, provinciæ cum novis incolis
nova dominia, & cum dominiis novam religio-
nem, aliasque persuasiones acceperunt, quæ hic re-
censere, tam ratio instituti, quam nostræ pa-
ginae

ginæ angustia vetant. Qvi autem talia noscere cupit, adeat Illustriss. *Guldbergii* Hist. Univ. ubi eorum migrationes, compendiose quidem, sed sat luculenter enarrantur. Plurimos eorum a matutino tempore diem inchoasse, testatur antiquus versus.

Græci mane diem capiebant solis in ortu.

De Atheniensibus certum est, quod diem a vespere incepterint, saltem tempore *Gellii*, id enim de illis testatur Lib. 2. c. 3. nec id de Spartanis præsertim sequioribus seculis improbabile est, cum se Abrahami posteros, & Judæorum vocarent fratres 1 *Macc.* 12.

§. LXXV.

Priusquam mare trajicimus & Italiam intramus, dispiciendum, quid Græcorum & orientalium *Philosophi* hac de re senserint, quorum primus se offert

Sanchoniaton (ut vulgo putatur) fuit natione Phoenicius, vixitque circa tempora Gedeonis, cujus opus, sermone Græco concinnatum, Phoeniciorum historiam & theologiam continens, tempore Hadriani Imperatoris primum apparuit, unde viris doctissimis orta est suspicio, nec ipsum hunc virum, nec tale opus prius existisse, sed a *Philone Biblio* excogitatum fuisse, ut aliquid sub antiquitatis specie exstaret, quod *Josephi* historiæ & antiquitatibus Judaicis opponi

poni posset. Qvod si verum est, mirum non est, etsi apud eum, seu in laciniis quæ exstant aliquid Judaicum inveniatur.

Homerum post everfam Trojam annis circiter 300 vixisse, vulgaris est opinio, id est anno mundi 3120 annis plus 600 postquam lex cæremonialis Israelitis data fuit, quo tempore ejus fama inter multas gentes spargi potuit, ut & revera accidit. Taceo, qvod *Homero* ad *Ægyptios* peregrinatio a quibusdam tribuitur, in qua multa de Israelitarum moribus ac cæremoniis discere potuit, & inter alia, qvod nox seu tenebræ luce priores fuerint.

Hesiodus eodem quo *Homerus* seculo vixisse putatur, itaque de eo nihil dicendum aliud, quam forte qvod non tam late peregrinatus fuerit.

Thales (ut quidam volunt) fuit Milesius, sed secundum alios Phoenicius, in eo autem omnes consentiunt, qvod late per orientem peregrinatus fuerit, unde non mirum, qvod vir discendi cupidus, multas Judæorum perinde ac aliarum gentium persuasiones, & cæremonias imbiberit, & suis scriptis inferuerit. Natus perhibetur circa annum 3364, ut plusquam 850 annis post promulgatam legem vigerit.

De *Aristophane*, *Theodeste* & *Theophane*, poetis & philosophis, idem fere dicendum est ac de prioribus; nisi qvod singulariter de *Theogene* memoratur, qvod aliquando permulta
ex

ex SSra dramati cuidam inferuerit, ac irreverenter usurpaverit, quapropter mente captus restitui non potuerit, priusquam divinitus admonitus eadem expunxerit, quod nostram egregie confirmat conjecturam, Græcos Theologiæ Judaicæ non fuisse ignaros.

Orpheum Thracem natione fuisse, sed diu in Ægypto discendi gratia mansisse, perhibent. Plurima, quæ de hoc viro referuntur, insipidas sapiunt fabulas, unde haud pauci eruditorum eum nunquam existisse putant; sed existit certe vir quidam doctus sub Orphei nomine, ejus scripta alii post ejus fata adulterarunt, iisdemque quædam addiderunt, de quibus ipse nunquam cogitavit; sed quicquid tandem Orpheus aliique dicere putantur, nihil tamen revera aliud dicunt, quam æternas illas tenebras, quas noctem vocant, die priores fuisse, ut ex eorum verbis patet. De illis itaque perinde ac aliis nostrum est judicium, scil. omnes hos perfragationem de noctis prærogativa a Judæis, Phoeniciis vel Ægyptiis imbibisse.

§. LXXVI.

Observatis hoc modo Asiæ & Græciæ antiquissimorum Philosophorum fontibus, ex quibus ea hauserunt, quæ de noctis præ die prærogativa in suis scriptis ad posteros transmiserunt, (nam reliquos recentiores, scil. Græcos & Latinos,

4
tinos, qui ex horum rivulis, ut & iisdem ac illi fontibus sua irrigarunt arva, adducere, non ducimus operæ pretium) mare Tyrrhenum trajicimus, & ad *Romanos* rerum dominos nos convertimus, de quibus nullum dubium est, quod diem, (saltim post introductam Legem XII. Tabularum) a media nocte inceperint, sed utrum ille mos inter eos antiquior fuerit, merito dubitatur. Romam ad ripam Tiberis in Latio conditam fuisse constat, sed incolæ omnes non fuerunt Latini, sed pastores, bubulci, & fugitivi, qui ex tota Italia illuc confluerunt, præsertim vero ex *Hetruria*, *Liguria*, & *Umbria*. Taceo, quod Sabini dimidia Romanorum pars *Hetrusci* fuerunt, quorum nomen *Qvirites* a *Sabinorum* urbe *Curea* sibi sumserunt, & eorum Deo *Sabo* templum ad *Qvirini Fanum* extruxerunt. Cum itaque Romani cum *Hetruscis* & *Umbri* commune nomen & numen habuerint, imo cum ipse *Numa*, celeberrimus eorum Rex, qui, teste *T. Livio*, barbaræ huic colluviei leges & jura dedit, natione fuerit *Hetruscus*, leges illæ vix aliud esse potuerunt, quam *Hetrusco*rum, *Liguro*rum, & *Umbro*rum consuetudines. Quid igitur vetat credere, eos ab initio alias eorum consuetudines suas fecisse, & illis innutritos fuisse? atqui *Umbri* tempore *Gellii* antiquum nationis morem diem a meridie incipiendo retinebant; *Conf. Gell. Lib. 2. cap. 3.* Ergo verisimile est, totam gentem, cujus pars Romani
qvondam

quondam fuerunt, antiquitus idem fecisse, sed procedente tempore, cum Græci gregatim in Italiam transfirent, & varias ibi conderent colonias, probabile est, quamque harum sui fundatoris morem diu, aut usque sub Romanorum venerunt potestatem, observasse, juxta versum.

*Nox media Ausoniis, media at Lux per-
placet Umbris.*

§. LXXVII.

Hunc diem a meridie inchoandi abjecisse morem & novum accepisse videntur Romani, cum Leges XII. Tabb. ex Græcia deferrentur, quod factum est post annum U. C. 300. nam quid sibi alias voluit nova Lex, in XII. Tabulis obvia. *Solis occasus suprema tempestas esto* scil. agendi cum populo, sed non dici. An antea, sic dum a meridie aut mane diem inchoarunt, cum populo licuit agere usque ad mediam noctem, ita ut hoc unice hac nova lege vetaretur, valde est incredibile. Probabilius est, facta jam mutatione initii diei, hac lege cautum fuisse, ne ideo actiones forenses in noctem longius protraherentur, quam ad solis occasum, perinde ac antea factum fuerat. Sed cur Romani medium noctis punctum initium diei constituerint, tam difficilis & altæ indaginis est quæstio, ut ea doctissimos & oculatissimos criticos non leviter exercuerit. Si quis quatuor, quas *Plu-
tarchus*

tarchus adfert, causas conjungeret, forte non multum a scopo aberraret; nam quid magis naturale, quam diem a cursu solis, (qui cum sua præsentia efficit ac dirigit) & ad nos reversione (quæ fit media nocte) diem inchoare. Et quid ducum ac militum in castris agentium officiis convenientius, (castra enim Romanorum altera patria fuerunt) quam ut quæ mane præparanda fuerunt, cum prima luce exsequi possent? Quid Romanorum consuetudini forensi aptius, cujus negotium ante solem ordiri, & ejus occasu terminare solebant? Et quid tandem rei domesticæ utilius, quam ante diem ea præparare, quæcum ipsa aurora aut primo mane, sedulos patres familias ordiri deceret? Sed quidquid sit, id tantum certum est, quod antiquissimi Italiæ populi diem a meridie exorsi fuerint, quem morem Umbri diutissime retinuerunt, reliqui autem unacum Romanorum jugo eorum etiam consuetudines paulatim acceperunt, nam

Regis ad exemplum totus componitur orbis.

§. LXXVIII.

Gallos sua ætate noctem diei prætulisse, & a vespera quodvis *Nychtheimeron* inchoasse, testatur *Cæsar* B. Gallic. Lib. 6. c. 18. cujus verba hæc sunt.

“ Galli se omnes a Dite patre prognatos
“ prædicant, idque a Druidibus præditum
K “ esse

"esse dicunt, ob eam causam spatia om-
 "nis temporis non numero dierum sed
 "noctium finiunt, & dies natales, & men-
 "sium & annorum initia ita observant, ut
 "noctem dies subsequatur. „ Quam sen-
 tentiam plurimi eruditorum quasi ex tripode di-
 ctam a *Cæsare* mutuati sunt, & suam fecerunt.
 Sed iisdem reclamare non dubitat *Joh. Henr.*
Reizius, in notis ad *Thomæ Godvini* *Mosen &*
Aaron, ita scribens: "Gallorum illa ratio a
 "Dite ficulnea est, & sine dubio ficta, qui
 "aliam rationem reddere nequivant, cum
 "fortassis cæce essent imitati Græcos,
 "Græci Hebræos; „ ut & *Vir Eruditiss.*
Joh. Christ. Gottsched, *Profess. Acad. Lips.* in
Not. ad Lexic. P. Bælii *Tom. IV. pag. 610.*
 "Dieses ist ein offenkundiger Mißverstand
 "Cæsars gewesen, der die Gallische Spra-
 "che nicht verstanden hat: denn wenn
 "ihm der Gallier auf Befragen; woher
 "sie stammten? geantwortet haben: Von
 "einem Diet. So hat Cæsar, der die
 "Griechische und Römische Mythologie
 "im Kopfe hatte, verstanden: a Dite Patre:
 "oder vom *Pluto*. Das ist aber der
 "Gallier Meinung gar nicht gewesen;
 "Diet heißt im alten Deutschen und Cel-
 "tischen ein Volk, daher hernach die
 "Nahmen *Dietrich, Theuderich, Theo-*
 "doric, so viel als Volkreich, oder
 "reich

"reich an Unterthanen kommen. Dies
 "leicht kommt auch Dirmarsen, Dirleu,
 "Detmold u. a. m. daher. Diesem nach
 "haben die Gallier nur sagen wollen, sie
 "stammten von einem Boscke her. Wel-
 "ches sie ihm zwar nach ihrer Meinung
 "und Kenntniß werden beschrieben haben,
 "das aber vom Cäsar nicht recht verstan-
 "den, oder bei der falschen Meinung vom
 "Pluto, die er sich in den Kopf gesetzt,
 "aus dem Sinne geschlagen worden &c.

Haetenus ille, & nostra sententia valde appo-
 site, nihil enim verisimilius quam hæc conje-
 ctura; collapsio autem fundamento, quod Galli
 dixerint, se a Dite prognatos esse, sua sponte
 ruit structura, quod ideo noctem diei prætule-
 rint. Quibus addi possunt alia non minoris va-
 loris argumenta.

1) Si Galli *Cæsaris* ætate Ditem aut Pluto-
 nem nominare sciverunt, probeque noverunt,
 quæ Græci & Latini huic numini tribuerunt,
 oportet eos & Græcæ & Latinæ Lingvæ peritos
 fuisse, & utriusque Mythologiæ gnaros; sed
 de Lingvâ contrarium apparet, Lib. I. c. 19.
 & 47. ubi ipse *Cæsar* Græcæ & Latinæ Lingvæ
 callentissimus, sed Gallicæ imperitus, per in-
 terpretes cum ipsis Gallorum principibus loqui-
 tur; unde patet, eos Græcæ & Latinæ lingvæ
 fuisse inscios, ideo etiam mysteriorum tam Græ-
 corum quam Romanorum ignaros fuisse, ruto
 statui potest.

2) Præterea valde est incredibile, ullam gentem, præsertim Gallos, gentem superbam & ambitionem, a Deo infimo & contemtissimo Numine se prognatam, gloriatam fuisse; Multo verisimilius est eos statuisse, se a *Thiet*, gente celebri, prognatos esse, quæ noctes non dies numeraverit; sed noctes non dies numerare cum aliis Septentrionis gentibus Gallis commune fuit, cujus consuetudinis causam paulo inferius §. LXXXVI. aperiemus.

§. LXXIX.

Hæc ita se habere persuasi sumus, licet ex hoc eodem *Cæsaris* Libro Cap. 29. & quidem primo aspectu sat speciosam prævidere objectionem videamur, ubi *Cæsar* ita scribit. “ In *Ca-*
“ *stris Helvetiorum tabulæ repertæ sunt, literis*
“ *Græcis confectæ, & ad Cæsarem perlatae &c.*” Unde sequitur, fuisse Helvetios Græcæ lingvæ gnaros; quod si verum est, quid vetat, ejusdem, etiam reliquos Gallos peritos fuisse? Huic regerimus ipsissima hæc *Cæsaris* verba: Tabulas illas confectas fuisse *litteris Græcis*, seu litterarum figuris, quas sine dubio a Masiliensibus Græcis, per totam Galliam mercaturam facientibus, acceperant, sed ipsa res, seu recens copiarum Helvetiorum, quem continebant, lingva & verbis Helveticis scriptus fuit, ut ad hunc locum notat Doctiss. *Cellarius*, quod egregie confir-

confirmatur, & verisimile fit. a) Ex Libro 5. cap. 48. ubi refert *Cæsar*, se ad Ciceronem, suum in Gallia legatum, sed in magno periculo constitutum, a maxima quippe Gallorum multitudine, in qua sine dubio non pauci Gallorum doctissimi fuerunt, forte & in propinquo Druidæ, qui litteris, id est litterarum figuris Græcis utebantur, obsessum & circumdatum, epistolam misisse, per medios hosce hostes perferendam, Græcis conscriptam litteris, ne intercepta sua consilia ab hostibus cognoscerentur, quod probat, eos Græcæ lingvæ imperitos fuisse, licet litteris Græcis uterentur. b) Quod Latinam linguam non melius calluerint, inde probatur, quod ipse *Cæsar* nec cum Æduis Gallorum doctissimis, & provinciæ Romanæ proximis, sine publicis interpretibus, nec cum eorum principibus viris, sine dubio reliquis doctioribus, secreto colloqui posset, sine proprio suo interprete Valerio Proculo. c) Ipse *Cæsar* Lib. VI. cap. 14. aperte fatetur, disciplinam & instituta Druidarum in Britannia (ergo nec in Italia nec Græcia) reperta esse, indeque in Galliam translata, unde qui diligentius ea cognoscere voluerint, plerumque ex Gallia discendi causa in Britanniam profectos fuisse; atqui Britanni ante Romanorum in eam insulam aditum, Romanæ mythologiæ plane ignari, nunquam se a Dite patre prognatos esse dixerunt, ergo nec Galli. d) Etli Galli se a Dite patre prognatos esse cre-

diderunt, cur more omnibus gentibus recepto, suos satores & aravos præ aliis colere consueris, Ditem non adorarunt, nec ullo mactarunt honore? Testatur enim ipse *Cæsar* Lib. 6. cap. 17. Mercurium eos maxime colere, post hunc vero Appollinem, Jovem & Minervam, sed Plutonis ibi nulla mentio, quæ magna & inaudita ingratitude erga gentis statorem & satorem a Gallis non fuit speranda, quorum omnem gentem admodum deditam esse religionibus, ipse *Cæsar* testatur Cap. 16. Nostro judicio Galli hæc omnia Deorum nomina ignorarunt, *Cæsar* autem, ex analogia quadam religionis Gallicæ cum Romana, hunc cultum Mercurio, illum Marti, istum Appollini, Jovi aut Minervæ, a Romanis tribui novit, ergo Gallos eosdem Deos etiam agnoscere & colere, conjecit. Sed cum nulla Plutonis cultus apud eos vestigia aut analogia existeret, incredibile est, quod se ab eo prognatos esse crediderint.

§. LXXX.

De *Germanis* scribit gravissimus Auctor *Tacitus* Libr. de moribus Germanorum Cap. II.
*" Nec dierum numerum ut nos, sed noctium com-
 " putant; sic constituunt, sic conducunt. Nox
 " ducere diem videtur. "* Cui hoc modo respon-
 det *Laudatus Gottsched.* *" Wenn aber die als
 " ten*

“ten Celten und folglich alle Bölcker von
“Europa, vormahls ihre Tage von Nach-
“ten angefangen, so dünckt mich solches
“nicht anders zu seyn, als was die Rö-
“mer gethan, und wie alle noch thun. —
“Dieses ist die allernatürlichste Art zu
“zählen, die Sternseher mögen sagen
“was sie wollen &c.” Quam viri doctissi-
mi assertionem, scil. quod antiqui Celtæ, & con-
sequenter omnes Europæi, eodem quo Romani
modo a media nocte, sed non aliter diem in-
choaverint, sine ulteriore probatione nostram
facere nequimus, præsertim tempore antiquis-
simo, priusquam magna Europæ pars Romano-
rum subiit jugum, sed hoc accepto, maxime
autem post introductam religionem Christianam,
hanc consuetudinem, quoad initium diei naturalis,
apud multos inolevisse, non negamus, licet ali-
ter de diebus festis & festorum Cæremoniis
sentiverint, unde constare putamus, quod hic
ab uno tempore ad alterum, seu a sequioribus
ad priora secula non liceat argumentari. Ger-
mani certe non secus quam aliæ vicinæ nationes
sub Papatu didicerunt profesta & vigilias subse-
quenti diei attribuere, & illa ab eodem deno-
minare, ut Fasten-Abend, Martins-Abend,
sed tales phrasæ nihil faciunt ad probandum an-
tiquissimam nationis persuasionem de vero diei
initio, cum sint mere Ecclesiasticæ, & supersti-
tiosæ Papatus reliquiæ. Certiores multo & ma-

joris momenti sunt antiqui illi civiles & politici loquendi modi, in ipsa rei natura, lingvæ genio, & antiquissimis nationis persuationibus fundati, & ex illis fluentes, in quibus Abend finem præsentis diei notat, ut sunt: Berloßungß-Abend, Heirathß-Abend, Lebens-Abend &c. Quidam etiam Germanorum Grammatici non dubitant derivare voculam Nacht *nox*, a particula nach *post*, eo quod diem sequatur. (Vide *Spathen Lexic. Etymol.*) Reinhardus Bakius, Antistes Rostochiensis, & Joh. Buno, Rect. sch. & Prof. Gymnasii Luneburg, testantur, Norimbergenses, antiqui moris tenacissimos, suo adhuc tempore diem a primo mane inchoare, quod plures Germaniæ civitates diu fecisse, valde est verisimile, sed quod hunc morem a Babyloniis acceperint, ut vult Buno, in medio relinquimus; a remotissima antiquitate ipsis fuisse vernaculum & hæreditarium, ex eodem primo fonte ac Babyloniis, scil. consuetudine Noachidarum derivatum, potius conjectassemus. Sed de Celeberrimis hisce Duumviris, Cæsare & Tacito, id notandum est, quod, licet Tacitus Cæsarem imitetur, ejus tamen errorem inspiciens, cautius & scribit & concludit, nam quod Cæsar plane asserit, id Tacitus per *Videri* exprimit; de quo nostra est sententia. 1) Recte uterque suæ genti tribuit, quod noctes non dies computaret. 2) Quod hoc computo noctium in constitutionibus & conductionibus usa fuerit. 3) In

eo autem utrumque errasse arbitror, quod hæc regulas esse generales, & ad omnia extendi debere, putarunt, cum verisimile sit, eas fuisse speciales, & tantum ad certas res & certa temporis spatia, certas ob causas applicabiles. 4) Conclusionem, *quod nox diem duceret*, utrique nationi, maxime vero Germanis immerito adscribi, putamus, idque subolens aut de eo dubitans cordatissimus auctor *Tacitus*, per suum *videtur* sententiam dixit; quæ omnia ex consuetudinibus Islandorum, paulo inferius luculenter tractandis, facile, modo debitis adhibitis cautionibus, explicari posse credimus, quo Lectorem hac vice remittimus.

§. LXXXI.

Magnæ Britanniæ incolæ ante Romanorum in eam transitum, eandem ac accolæ Britannici Canalis Gallos ac Belgas de initio diei fovisse sententiam, facile credo, *Danos* autem eandem ac Germanos, aut ei valde similem. Qvales vero *Suecorum* & *Norvegorum* ante Odini adventum opiniones fuerint, incertum est. Sed post ejus adventum & forte prius constare videtur, quod noctem pro integro die numeraverint, verisimile autem, eos diem a mane non vero a vespere inchoasse, noctemque sequi, diem autem præcedere cogitasse; hoc enim homini, mere naturaliter judicanti, convenientissi-

mum putamus; cui sententiæ nihil officit, quod ad festa, sacra, commissiones, convivia nuptialia, parentationes, & talia, vespere pridiano confluerint, easque a vespera inceperint, id enim alias & plane diversas causas habere potuit: sed fateor, meræ sunt conjecturæ omnia hæc, & quid aliud facere possumus quam conjicere in rebus tam obscuris, ubi veritas aliter expiscari nequit. At postquam religio Christiana in Germania, Gallia, & Belgio radices figere coepit, quod præcipue factum est seculis VI. & seqv. aliam in horologii institutione & temporum computatione mutationem fieri coepisse, probabile est. Eorum enim, qui ejus, ut & antiquæ Græcæ & Romanæ mythologiæ aliquem gustum vel primis delibaverunt labiis, ingenii foetus videntur esse Fabulæ Eddicæ, utpote ex utrisque conflatae, sed ad antiquum septentrionalium systema & persuasiones accommodatae, quarum huc præcipue pertinet VIII. Fab. Eddæ Snorronis, cujus hæc sunt verba.

“Narfi het Jotun er bygdi í Jotunheimum; hann atte Dottur er Nótt het, hun var svört og dock sem hun átte Ætt til.
 “hun var gift fyrst þeim manne er *Naglfari*
 “het, þeirra Son het *Audur*: því nærst var
 “hun gift þeim manne er *Anar* het. Jörd
 “heitir þeirra dottir. Síðast atti hana *Dellin-*
 “gur og var hann Afa ættar. var þeirra Son
 “*Dagur*, var hann liós og Sagur efter Fa-
 “derne

“derne sinu. Þá tók Alfadir nótt og dag Son
 “hennar, og gaf þeim tvo hesta og setti uppa
 “himen, að þau skyldu ryða á hvorium 2.
 “dægum umhverfis Jördena. Ryður nótt
 “fyrir hesti þeim er kallast *Hrimfaxi*, og að
 “morgni hvorium doggvar hann Jördena
 “med meldropum sinum; sá hestur sem
 “dagur á heitir *Skinfaxi*, og lifir allt Lopt
 “og Jord af Faxi hans.,”

*Narfus Gygas erat in Jotunheimis: hic
 filiam habuit, quæ vox dicebatur, nigram
 Et fuscam instar generis sui. Hac viro
 nupsit nomine Naglfari: horum filius Au-
 dur fuit. Deinde nupsit Anaro, quorum
 filia terra erat. Postremo elocata est Dellin-
 go, ex genere Asarum. Horum filius erat
 Dagur (dies) lucidus Et formosus paterno
 generi similis: tunc noctem Et Diem Panto-
 pater ad se recepit, dans illis equos duos in
 coelum misit, ut singulis 24 horis totum or-
 bem circumequiterent. Nox præcedens equo in-
 sidet, qui Hrimfaxi (pruina jubatus) dicitur,
 hic quovis mane spuma, ex juba ejus deci-
 dente, terram rigat: Equus diei Skinfaxi
 (jubare jubatus) dicitur, ejus juba coelum
 Et terra illuminantur.*

De quo ὡς ἐν παρόδῳ in gratiam lecto-
 ris, lingvæ Islandicæ minus gnari, notare placuit,
 quod non leviter erravit translator hujus fabu-
 læ, exponendo vocem *meldropar* per *spumam*
jubæ,

jubæ, cum vertendum esset *gutta cani* vel *freni*. *dropi* enim guttam notat, sed *mel* canum, seu ferream illam freni partem, quæ ori equino inditur, ut *meldropar* revera sit spuma oris equini, per frenum ebulliens, cui ipse auctor fabulæ valde improprie irrigationem terræ tribuit; hunc autem illius errorem correcturus translator, ipse in eo erravit, quod spumam jubæ equinæ tribuit, cum pruinam & guttas jubæ attribuere deberet, coma enim & juba non spumare, sed guttatim stillare dicuntur. Sic *Lucanus* Lib. 7. dicit, arbores *stillare* rore. & *Tibullus* Eleg. 4. comam *stillare* rore *Tyrio*. Utriusque tam auctoris quam translatoris animo obversata fuisse videtur species — sonipedis spumantia frena — mandentis — de quo canit *Virgilius* *Æneid.* 4. cum autem hic non competentem locum haberet illa similitudo, neutri illa imitatio feliciter cessit, quæ inter alia fabulæ novitatem præbent.

§. LXXXII.

Quanti hæcce Eddica fabula æstimanda sit, partim ex totius *Eddæ* auctoritate, partim ex ipsius fabulæ constitutione pendet. De celebri illa quæstione, an Edda Islandica unquam fuerit gentium septentrionalium commune religionis systema, nostra hæc est sententia. Eddam in genere, imo antiquissimas Odas, ipsi Odino & ejus

ejus fociis ac successoribus communiter adscribi, solitas, nedum recentiores illas, manifesta religionis Christianæ signa continentes, unquam fuisse ulli genti, multominus universo orbi ætæ publicum aut communem fontem, ex quo, suam hausit religionem, nec Libri Symbolici loco, ad cuius normam eandem exercuit, turpissime negari posse credimus, cum vetus illa septentrionis religio & ritus sint illis multo antiquiores; pleræque etiam Odarum Eddicarum, nobis adhuc superstites, aut nihil tale continent, aut illud, quod continent, uni tantum provinciæ aut familiæ usitatum fuisse videtur, una enim natio maxime coluit Thor, alia Frey, tertia Odin, quarta Jomala. Hæc familia hunc, altera illum Deastrum, Deam vel Disam, & quemvis horum singulari cultu & cæremoniis, ut plane esset impossibile, quod unum haberent systema religionis: Sola *Voluspá*, & *Vafþrúdnismál* compendium quoddam theologiæ dogmaticæ exhibent, sed ut videtur abstrusioris & subtilioris, quam quæ vulgo nota fuit, quæ seculo 9. & 10. ex signis & criteriis, quæ tecum ferunt, composita esse videntur; incertum etiam est, utrum dogmata illa & ritus, quæ propinant, ex antiquioribus Odis hauserint, an vero eadem excogitaverint, prius tamen, quicquid alii dicunt, nobis de majori eorundem placitorum parte, magis arridet; quod autem particulares & privatarum personarum confessiones hæc Oda
con-

contineant, vel maxime inde constat, quod tantum de theoreticis & dogmaticis tractant, practica autem, seu de oblationibus & sacrificiis, quænam scilicet animalia offerre liceat, & quæ cuique Numini competant, quæ cæremoniæ in quovis sacrificio usurpandæ, ne uno verbo tangunt; theoria enim in articulis dogmaticis diversa esse potuit, sed praxis seu externæ & publicæ actiones non item, cum in illis cardo totius religionis verteretur, & ideo, saltem quoad essentialia, pro cuiusque lubitu mutari non poterunt, sed vel ab ipsa religionis natura, quæ nunc hominem, nunc bovem, equum, ovem vel aliud animal, & certos actus ac cæremonias poscebat, vel ab arbitrio summi mysteriorum antistitis pendebant. De reliquis autem Eddicis Odis, moralia & historica continentibus, eadem nobis stat sententia, scilicet recentiores multo esse quam vulgo putantur. Unde patet, quid de Edda Snorroniana, vel ex pariter incertæ ætatis & auctoritatis fabulosis Odis post annum 1220 collectis, sentiendum sit; continet enim illa haud paucas fabulas, theologicæ & historici argumenti, metachronismis, hyperbolis & ineptis catachresibus ita refertas, ut vera a falsis discernere non parvi constet, unde generatim omnes, specialissime autem illæ, quæ theologicæ sunt argumenti, nunc vocantur *Harsligi*, mendacium Hari, nunc *Gilsfagiuning* 2: deceptio vel illusio Gilfi, eo quod Odinus personatus ad Gilfum

fum veniens, nomen suum professus fuerit esse
hâr altus, & Gilsfum talibus mendaciis impleve-
rit, cujus autem auctoritatis & quantæ antiqvi-
tatis hæ denominationes sint, non dixerò. Licet
autem multa falsa & frivola contineant hæ fa-
bulæ, sibi quæ ipsis & aliis antiquis relationibus
contradicant, quæ culpa non penes collectorem,
qui eas bona fide collegit, in compendium re-
degit, & nobis conservavit, sed primarium au-
ctorem, unum aut plures, (nam diversos fuisse,
verisimile est), maxime autem penes interpola-
tores residere videtur, id tamen non efficit,
quin magni debeant æstimari, multa enim uti-
lia, & antiquitatum studentibus necessaria, quæ
alibi frustra quæsierint, docent & explicant,
quæ hæc vice ulterius examinare aut prosequi
non permittitur.

§. LXXXIII.

De Octava hujus Eddæ mox adducta Pe-
riochoa ut paulo plura dicamus, instituti ratio
postulat. Summis ad coelum usque eam effert
laudibus Celeberrimus *Tychonius*, in suo *de no-
tis præ die prærogativa* eruditissimo Tractatu,
quod nos ei, aut verius ipsi auctori, haudquaquam
invidemus, valde enim ingeniosum eum fuisse.
ratio svadet, licet nec ipse primarius inventor
sit, sed aliunde ejus materiam habuerit, & suo
conatu non obtineat, quod intendit, nec tandem
mate-

materiam ita explicaverit, ut omni careat vicio. Primo enim materia hujus fabulæ magna ex parte desumpta est ex *Gen. 1, 1. 2. 3. 4. 5.* aut ex antiquo quodam Comment. triviali in *Gen. Cap. 1*, nam ex *abyss*o fecit magnum gygantem *Narfi*, (antiquos autem Oceanum vocasse *Narfi*, patet ex eo, quod fretum Herculeum vocarunt *Niörfasund* 3: ostium, per quod *Narfi* s. Oceanus in mare mediterraneum intrat); ex *tenebris* super *abyssum* fecit *noctem*, *abyssi* seu *Niorfi* filiam; ideo autem statuit, *noctem* ante diem fuisse, quod *tenebræ* statim nominantur *Gen. 1. 2.* sed *lux* tandem v. 3. & ex eodem principio facit diem *noctis* filium, non tamen primo genitum, certum enim ordinem servans primas *nocti* nuptias cum *Naglfario* 3: navi commentitur, eo quod *tenebræ* & *aquæ* primo nominantur; hinc navim ad transeundum aquas primo existisse fingit. His conjugibus, navi & *nocti*, tribuit filium, cui nomen *andur*, divitiæ, quia divitiæ noctu non secus ac interdiu navigatione comparantur. Secundas *nocti* nuptias tribuit cum marito, nomine *Anar* labor, vel laboriosus, ex quo *terram* peperisse dicit; quæ labore colenda fuit. Tercias demum nuptias cum *Dellingo* 3: sole iniisse, & ex eo diem concepisse tradit, idque ideo, quia sol *Gen. 1. 16.* dicitur diem regere. His omnibus perficiendis haud breve tempus tribuere videtur, saltem quibusvis *noctis* nuptiis unus annus dandus erit, quod

quod non male convenit cum eorum sententia, qui pro quovis die creationis annum intelligunt, & sic nuptiæ solis & noctis haud male cum quarto die conveniunt, quo sol revera creatus fuit. Hæc ex aliquo Christiana religione imbuto, aut proletario quodam Commentario auctor hausisse videtur, sed ad modum Mythologiæ Græcæ & Romanæ iterum polivisse, faciendo ex rebus inanimatis homines utriusque sexus, qui, in conjugio viventes, liberos sibi quodammodo similes procrearunt: ex his sedem in coelo assignat nocti & diei, equosque tribuit, quorum nox præit, dies sequitur. Hanc doctrinam ex fontibus nominatis, nunc ex hoc nunc ex illo, haustam, suo modo fat dextere derivavit, usque dum tandem graviter hallucinatur,tribuendo *Meldropa* seu spumæ oris equi *Hrimfaxii* irrigationem terræ, quam perinde ac totius mundi illuminationem splendori jubæ *Skinfaxii* tribuebat, ita & pruinosæ jubæ *Hrimfaxii* a sole liquefactæ terræ irrigationem adscribere debuit, præsertim cum ei in hunc unice finem pruinosam jubam dederat, cum nemini ignotum sit, rore & pruina nocturna, non vero spuma animalium, terram irrigari, nam ros & pruina arctoi poli accolis idem fere est, nisi quod ros statim, pruina vero sole oriente in aquas soluta, terram pari modo irrigant. Hæc itaque ut non magnam illam & multis celebratam sapientiam Othinianam, sic nec reliqua merum gentili-

L

mum

mum & barbariem sapiunt, sed sine dubio sunt
 foetus cujusdam luxuriantis ingenii, Christiana
 religione aliquatenus imbuti, sed Græcæ aut
 Romanæ Mythologiæ non ignari, quod seculo
 10 aut 11. floruisse videtur, quibus similis mix-
 tura non inusitata fuit; talis enim videtur fuisse
 Iessus, in obitum Olai Sancti a *Sighvato* Poeta
 factus, ad modum carminis feralis in obitum
 Sigurdi Fafnicidæ, ut & quædam carmina
Hallsfredi in *Vita Olai Triggonis* adhuc obvia;
 huc etiam referendi Helgi-Magri, qui Christum
 in rebus minoris momenti, sed Thorum in diffi-
 cilibus & arduis invocavit: Harekus, Baro qui-
 dam Norvegus, Christianum se profitebatur, ni-
 hilominus ingentem Taurum coluit: Gudrida
 quædam virgo Christianæ religioni addicta in
 exercitio incantatorio Volæ cujusdam Grönlan-
 dicæ adjutricem aut Diaconissam agens carmen
 magicum *Vardlokur* magna devotione cecinit.
 Et quid de primordiis religionis Christianæ in
 Islandia cogitari possit, cum publica tantum sed
 non clandestina idololatria prohibita fuit, qui-
 vis facile judicare potest. Similiaque religio-
 nis amphibia alibi terrarum existisse, non est
 quod dubitemus. Ex horum numero fuisse
 auctores antiquarum Odarum, maxime autem
 illius, ex qua Octava fabula Eddæ Snorronianæ
 desumpta est, nullus dubito. Frustra itaque hæc
 ut ab Odino & ejus posteris ad nos profecta, &
 ad ipsum per suos majores, ad Noachidas us-
 que

quæ quasi per manus ab uno alteri tradita pervenisse statuatur. Multo minus sequitur, quod Oda hæc, a privato quodam Syncrétista composita, toti Septentrioni aut cuidam ejus parti fuerit articulus fidei, aut lex vel norma credendi, quod nox naturalis die artificiali a primo inde mundi initio prior fuerit.

§. LXXXIV.

Reliquæ objectiones hanc thesin ferientes, quas ubertim adferunt contrariæ sententiæ fautores, statuentes, Gallos, Germanos, Anglos, aliosque septentrionis populos antiquitus diem naturalem a vespere inchoasse, & nocti præ die prærogativam tribuisse, desumptæ sunt ex Conciliorum Canonibus, synodorum Constitutionibus, Paparum Bullis, Episcoporum edictis aliisque ejusdem farinae Judaicarum consuetudinum ineptis imitatoribus, unde iterum derivatæ sunt, quæ hujusmodi occurrunt in *Lege Salica Ripuariorum, Longobardorum*, ut & *Capitularibus Pipini, Caroli Magni, Ludovici Pii*, & aliis ejusmodi monumentis, quæ tamen nihil hac de re certi aut concludunt aut statuunt, nihilque dicunt, nisi quod sacræ festivitates a vespere sint inchoandæ, & quod antiquo more, his aliisque gentibus recepto, noctium sed non dierum numero utuntur, ad vitandam ambiguitatem, ex dierum numero tinendam, quod argumentum

qvanti sit ponderis, paulo inferius luculenter indicabimus; hic autem qvafi in *παροδω*, ut Lettoris eadem cognoscendi desiderio aliquatenus satisfaciamus, unum duntaxat, loco omnium, qvod præ reliquis ut apodicticum & maxime classicum testimonium ab *Hoffmanno* in *Continuat. Lexic. Univ.* sub voce *nox* allegatur; ex *Charta Caroli Magni*, pro Monasterio Dionysii apud Dublinum, hoc modo loquens, exscribere non gravabimur:

“Qui vero contra præcepta anteriorum
 “Regum vel nostra aliquid facere vel con-
 “traire voluerit, hunc missus noster vel Co-
 “mitis super noctes 21. ante nos per Ban-
 “num nostrum venire faciat, in rationes
 “contra Missos Sti Dionysii & Folkradi
 “Abbatis;” Qvod qvid dicat, nisi qvod
 21. noctes pro 21. heimeronyctiis habet, non
 videmus; qvid autem sibi velit hic loqvendi
 modus; in Islandorum hac de re consuetudi-
 num ventilatione explicabimus; tanta enim va-
 lidorum argumentorum egestate laborant con-
 trariæ sententiæ patroni, non modo nostrates
 magno numero, sed etiam exotici viri qvidam
 doctissimi, ut *Wormius*, *Hoffmannus*, *Tychonius*
 & forte plures, ut eas etiam non modo in
 subsidium vocare, sed ut phalangem Macedoni-
 canam adversariis opponere necessum duxerint.
 Hæc autem hic terigimus, ne tam multa eorum
 argumenta prorsus intæta & ne nominata qvi-
 dem

dem ob penuriam responsionis callido silentio præteriisse, merito insimulari possemus.

SECTIO Vta.

§. LXXXV.

Postulat tandem: 1) Amor patriæ nostræ, 2) Honor pristinæ reipublicæ Islandicæ, quæ 290 annis ita floruit, ut nemini subiecta suis legibus viveret, a vicinis Regibus, Dynastis & accolis ut libera respublica & natio amica culta ac æstimata. 3) Debitum ac meritum, ut illius, tanquam antiquitatum septentrionalium conservatricis, cujus ex rivulis proxima regna septentrionalia sua irrigarunt arva, historica mentio aliqua fiat, ex ejus enim priscis consuetudinibus, quas ut plurimum ex Norvegia in Islandiam translatas diu conservavit, saltem de Norvegorum antiquo more diem inchoandi, & ejus partes præcipuas disponendi aliquid documenti capi posse, vero non est dissimile; sed cum hic non sit omnium rerum, requisitorum ac circumstantiarum eadem ratio, caute ac distincte procedendum erit, ut veritas tandem eo clarius cognoscatur; nam quod hic de uno licet affirmare, id de altero, licet simile videatur, negari debet. Cumque duas habeat hæc quæstio partes, quarum prima est, num Islandi unquam noctes pro

integris diebus naturalibus numeraverint; posterior-vero, an ideo etiam diem a vespera & noctis initio inchoaverint: ad utramque quidem sed singulas separatim respondebimus.

§. LXXXVI.

Ad primam quæstionem, utrum primi Islandiæ occupatores, ut & eorum successores in multas generationes, noctes solum pro integro hemeronychio numeraverint? Affirmate quidem responderetur, ita tamen ut illa affirmatio non ad omnia extendenda sit, sed tantum ad certas rerum species, idque ita, ut raro aut nunquam ultra 14 extenderint, si autem de pluribus sermo esset, numerus plerumque per dies, septimanas, & menses exprimebatur; *Noctium* autem numero utebantur.

1) *In rebus juridicis & forensibus*, ita ut dicam scribentes, aut conventum indicentes dicerent, *At siö* vel *siortan natta freste* 5: *post 7* vel *14 noctes*, non quod noctem hoc modo diei præferrent, sed ad vitandas technas & ambiguitatem, quæ per numerationem tot dierum inferri potuit, cum altera pars utrumque diem, & quo dica scribebatur, & qui reo dicebatur, altera autem aut neutrum, aut alterum numeraret, quas technas noctium numeratio prorsus iustulit.

2) *In*

2) *In Oeconomicis*, cum de cibatu pauperum ageretur, quos 3 vel plures vilioris fortunæ coloni per semestrem aut integrum annum sustentare deberent, ut & aliis, ubi accurata temporis divisione opus erat, tempora per noctes dinumerabantur, sed non per dies, ut sciret quisque, quamdiu sustentare egenum deberet; coenam enim primo vespere, & jentaculum ultimo mane cuius horum præbere debuit. Conf. Cod. L. L. *Jonsbok* tit. de sustent. pauper. Cap. 12.

3) *Viatores* & præsertim *ignoti rationem reddere* rogabantur, ubi *proxime pernoctassent*, quot *noctes in itinere*, & quot *quovis loco permansissent*, ut inde colligi posset, an homines frugis, ingenui ac liberi essent, an vero erronei & fugitivi, quos in domum recipere legibus prohibitum ac perniciosum erat.

4) Seqvioribus seculis *Ecclesiastici tempora inter festa per noctium*, non vero dierum numerum metiebantur, & præter consuetudinem veteriorum hunc morem ultra 14 dies extendebant, idque magis ad evitandam ambiguitatem, quam stabiliendam noctis præ die prærogativam. Ubi autem scrupulosa dierum observatione opus non fuit, aliis temporis metis, ut integris mensibus & septimanis, sed non noctium numero utebantur, ut mox probabimus.

§. LXXXVII.

Quod hæc computatio per noctes non fuerit generalis norma, secundum quam longiores Periodos constituebant, aut ubi minutissima temporis notione opus non fuit, vel aliæ notæ exstabant, patet ex computo anni, publica auctoritate in generalibus Comitibus circa medium seculi 10 concinnato, in quo non noctes sed dies numerantur. Ita enim hac de re scribit auctor antiquissimus *Arius Polyhistor*, qui nobis aureolum illud plebiscitum conservavit. "Þat
 " vas oc þá ener spöcolto menn í Landi her
 " höfþo talit í tveim Mísserom fíora daga ens
 " feorda hundrads, þat verda vícor tvær ens
 " setta tegar, enn manudir XII. þritugnættir oc
 " dagar IV. umbfram,, 3: *Sapientissimi hujus regionis incolæ, id temporis in binis semestribus numeraverunt 4 dies supra trecentos, (id est 364, uritur enim auctor centuria majori, 12 Decades pro centum numerans) qui faciunt 52 septimanas, & 4 dies. Et paulopost. " Enn þat kunne
 " engi segea þeim, at dege einom var fleira í
 " tveim Mísserom,, 3: sed nemo illos docere potuit, quod duo semestria (3: integer annus), requirant unum diem supra integras septimanas. Et deinceps. " Oc verda þá í hvoriu ari V:
 " dagar ens feorda hundrads,, 3: Tumque 365 dies annum faciunt. Hæc Arius, qui semper dies sed non noctes numerat. Antiquissimus*

Legum

Legum Codex *Gragás* numerat 4. 5. 6. *vicor* ante hyemem vel æstatem aut aliud tempus; *Sturlunga-S. Lib. V. Cap. 38.* “*Laugardaginn í Siöttu viku Sumars.*”, *Lib. VI. Cap. 26.* “*Fimtu viku Sumars.*”, 3: *qvintam & sextam æstatis septimanam* nominat. *Vigaglums-S. Cap. 24. 25.* “*at fimni vikum.*”, *Níala Cap. 60.* “*at atta vikum.*”, Sic *Níala, Thorgilfi Orra-beini Alumni Vita*, aliæque historiæ passim nominant “*mánud, halfann mánud oc viko.*”, Et inter alias *Thordar Hrædo-S.* “*Þeir voro manud í hafi.*”, 3: *navigatio mensem duravit.* Hinc tam in antiqvis legibus qvam historiis *Einmanudur, Tvymanudur* &c. qvandoqve etiam *hemeronyctii* vocola adhibetur, utin *Viglundar-S.* “*Þeir voru í hafi hálft annad hundrad dægra.*”, *Navigatio duravit sesquicentum hemeronyctia.* Et in *Landn. S.* “*Somargra dægra Sigling.*”, 3: *tot hemeronyctiorum navigatio sæpius* nominatur. Plura adducere exempla superfedemus, cum hæc sufficere videantur ad probandum, qvod antiqvi Islandiæ coloni temporum dimensionem per numerationem noctium in illis tantum rebus adhibuerint, ubi singulares causæ id exigebant; sed ubi illæ cessabant, non noctium sed dierum & *hemeronyctiorum* mensura usos fuisse, qva etiam methodo Episcopos, Monachos, reliqvum Clerum, summos noctis præ die prærogativæ patronos ac tutores, noctium numero usos fuisse, tantum ad evitandum errorem & abusum

festorum, sed non ad probandam noctis prærogativam, ut sæpius diximus, & in sequentibus probabitur.

§. LXXXVIII.

Hujus rei testes omni exceptione majores sunt Episcopi *Thorlaks* & *Ketillus* in *Juris Eccl. antiqu.* c. 15. ut & *Arnas Thorlaci* in *Jur. Recent.* cap. 25. ubi non dies, sed noctes inter festa majorum more numerant, idque plus tricies iterant, semper eodem modo, non ut noctis præ die prærogativam stabiliant, sed ad evitandam ambiguitatem ex dierum numero proventuram, quod, brevitati studentes, uno aut altero tantum exemplo inde excerpto demonstrabimus; scribunt illi, inter *Festum Thorlaci*, incidens in 20 Julii, & *festum Jacobi* 25 Julii, esse 5 noctes. Si jam noctem 25 Julii præcedentem huic dici adscribis, ut ejus priorem partem naturalem, eoque die noctis præ die prærogativam adstruere velis, ita ut festum Jacobi ab hora 6 aut 9 vespert. d. 24 inceperit, nunquam 5 noctes inter hæc festa reperies: Similiter inter *festum Brigidæ* d. 1 Febr. & *festum purificationis Mariæ* d. 2 Febr. dicunt esse unam noctem, quæ non exstat, si festum purificationis incepit ab hora 6 d. 1 Febr. Unde patet, Episcopis hanc mentem hic non fuisse; sed cum nihilominus una nox sit inter 1 & 2 Febr. & 5 noctes
inter

inter 20 & 25 Julii, nullo ad dies, cujus partes sunt, habito respectu, manifestum est, antiquos noctium numerationem usurpasse, non ad indicandam noctis præ die prærogativam, sed ad evitandam confusionem, & mentem suam de festorum distantia ac aliorum temporum accurata computatione explicandam, quem noctium numerum inter festa ab una nocte aliquando ad 37 extendunt, sed in aliis rebus communi per menses & septimanas numerandi ratione utuntur. Conf. *jus Eccl.* Cap. 15. "Eindagi á fenu er
"Fimmtugur, þá IV. vikur eru af sumri.,"
3: *Terminus solutionis est dies Jovis, cum 4 æstatis hebdomadæ effluxerunt.* Et cap. 29. "Þessar
"tidir liggja oc þar til, þriár vikur fyrer Jol,
"oc tvær um Jol, siö um Langaföstu, Paska
"vika &c.," 3: *Hæc tempora huc spectant, tres septimanæ ante festum natiuitatis, binæ in ipso festo, 7 in jejuniio, hebdoma Paschalis &c.* Cumque hæc ab Episcopis adhibita tempora numerandi ac metiendi ratio alio modo explicari nequeat, quid vetat, quin tam antiquiorum, quam recentiorum & simpliciorum seculorum methodum, quam hic imitarunt Episcopi, eodem modo explicemus, præsertim cum hæc nec ullam contradictionem aut difficultatem adferat, nec ulla alia hanc methodum explicandi exster ratio, hæc etiam sponte ex ipsa rerum natura fluere videatur.

§. LXXXIX.

Altera hujus quæstionis pars est, utrum antiquissimi Islandiæ habitatores ideo noctes pro integris hemeronyctiis numeraverint, quod putaverint, noctem die priorem fuisse, ita ut naturaliter præcedere deberet? Quam antiquissimarum legum, constitutionum, & optimæ notæ historicorum fide rectissime negari debere putamus. Argumentorum autem, quorum fide id facere audeamus, primum & antiquissimum est.

Primus Islandorum publicus & antiquissimus *Legum Codex*, dictus primo *Ulflióts-Lög*, sed subsequente tempore ad Christiana sacra accommodatus *Gragas* vocatus, quem Codicem Islandi ab anno 930 ad 1270 per annos plus minus 340 pro lege obligante unanimiter agnoverunt, hac de re se ita exprimit. “*Dagur skal fyrr koma alls Missereskiptis enn Nótt.*”, *3: dies in omni semestrium computatione prior erit quam nox.* De quo legis dictamine nobis hæc tria sunt demonstranda.

a) Quid vocula *Mitzeri* significet?

β) Qvod hæc lex sit authentica, & non adulterina.

γ) Et non cum Christianismo abrogata.

Qvod itaque primum Comma attinet, vocula *mitzeri* vi vocis notat medium annum, sed in communi loquela semestre tempus. Sæpius in Plurali *tvö misfiri*, aut *þau misfiri* in Cod. L. L.

Fons-

Jonsbók occurrat, & notant integrum annum; ita ut annus dividatur in duo *mitzeri* seu semestria, quodvis autem semestre primo in duo trimestria, quæ quatuor anni partes, ver, æstatem, autumnum & hyemem efficiunt, trimestria autem in tres menses, *þrímanud*, qui est tertius a fine sui trimestris, *tvímanud*, qui est secundus talis, & *einmanud*, qui talium primus, quorum quisque suas habet septimanas, & illæ dies, qui sunt hujus computus minutissima pars. Et hic fuit in Islandia communissimus temporis computus, qui in præsentí sententia vocatur *mitzeris skipti*: a singulis itaque his partibus pro re nata, & ut poscit necessitas, hic computus inchoari potest, ibique ejus terminus poni, ubi libet, aut necessitas cessat, ut ulterius continueatur; in omni hoc computo, quandocunque aut incipit aut desinit, lex hæc jubet, ut dies semper nocti præferatur, id est ut cujuscunque diei naturalis & civilis initium a primo mane in causis juridicis & civilibus computetur. Ecclesiasticorum autem & caeremonialium alia fuit ratio, ut hæc lex ideo ad eas extendi non debuerit.

§. XC.

Genuinam autem & non supposititiam hanc legem esse, probatur.

1) Omnium, quæ extant hujus Codicis melioris notæ, exemplorum fide, quæ omnia
adulte-

adulterata esse dici non possunt, cum id omnino sit impossibile.

2) Quia lex ei fere æqualis, quæ anno 1123 ab Islandis recepta fuit, & simul cum *Gragas* annis 190 in usu fuit, *jus* scil. *Eccl. Thorlako-Ketillianum*, sec. Edit. Havn. 1776, Cap. 45. eandem habet Periocham, de qua nostra est sententia, quod, licet eam genuinæ veritatis & probatæ auctoritatis esse agnoscamus, ab ipsis tamen Episcopis huic operi insertam, esse non putem, sed a recentiore manu additam, & ex *Gragas* illuc translata, pariter ac omnia alia, quæ post Cap. 35. ibidem leguntur. Tantum tamen abest, ut id ejus auctoritati aliquid deroget, ut eandem potius stabiliat, cum in *Codice Pergameno*, scripto ante medium seculi 14 reperiatur, inde enim patet, eam tunc tanti æstimatam fuisse, ut inter constitutiones, vim legis habentes, collocaretur.

3) Tertium de hujus Perioches authenticæ testimonium fert antiquus Codex dictus *Bokar Bot* (teste Doctiss. *Pavlo Widalino*, nobis enim eundem Librum videre non contigit) qui eam sic adfert. "Dagur skal fyrr koma enn Nótt
"alls mitzerestals *Islendíks*.", Quod eodem fere recidit, nisi quod vocula *Islendíks* cum excitare potest scrupulum, quod renovatio hujus legis tum temporis facta & opposita fuisse videatur innovatoribus quibusdam, qui contrarium aliquod introducere allaborarunt, quod apprime quadrat

quadrat in Monachos seculi 13 & 14, qui notem diei præferre voluerunt. Cumque hanc Periocham tot codicibus juridicis inscriptam fuisse constet, manifestum est, eam non supposititiam esse, sed genuinum antiquitatis monumentum.

§. XCI.

Objiciunt hic contrariæ sententiæ fautores, abrogatam esse antiquam hanc & humanam legem, sub gentilismo latam, per alias divinas leges multo recentiores, a magistratibus Christianis, Sancto nempe Olavo Norvegiæ Rege Anno 1019 & Episcopis *Thorlako* & *Ketillo* jussu *Adzeri* Archiepiscopi 1123 promulgatas, & publice receptas, concorditer jubentes, *ut quisvis dies festus a pridiana hora 3 pomerid. inchoetur*, quæ multo majorem habeant auctoritatem, cum sint divinæ, hæc autem humana, sæpius enim publice conclusum esse, ut leges humanæ semper & ubique cedant divinis.

Quibus respondetur. Vera hæc esse, si leges divinæ & humanæ contraria statuunt & jubent, quæ simul consistere nequeunt; sed de diversis rebus licet diversa & contraria statuunt, præsertim cum illa contradictio non sit realis, sed apparens tantum, ita ut utraqve lex satis commode consistere possit, & destinatum edere effectum, humana lex non statim refigenda, ut hic fuit; nam

nam divina illa lex agit tantum de Cæremoniis
 sacris, & cessatione a consuetis laboribus, pridia-
 no vespere inchoanda, quod diei naturalis con-
 suetum initium nullo modo lædit; sed lex hu-
 mana agit tantum de diei naturalis initio, a pri-
 mo mane inchoando, quod legem Cæremonia-
 lem nihil tangit, de quo plus simplici vice insti-
 tuta examina optime testantur; nam cum Olaus
 Crassus circa annum 1019 suum Jus Ecclesiasti-
 cum Islandis obtruderet, in quo hic articulus
 non inter ultimos fuit, ut festivitates sacre ab
 hora 3 pomerid. inchoarentur, mandavit ille
 simul aut consuluit, ut omnia, quæ in antiquis
 legibus his contraria exstarent, eliminarentur,
 quod viri sui seculi celeberrimi, *Skaptius Thor-*
oddi, Islandorum Nomophylax, juris peritis-
 simus, & *Hialtius Skeggonis*, vir sapientissimus,
 circa annum 1020 fecisse perhibentur. Deinde
 circa annum 1054 facta & in leges relata est
 hæc constitutio, ut *leges humanæ* 3: politicæ
semper & *ubique cederent divinis* 3: Ecclesiasti-
 cis, cum simul utraqve consistere non possent,
 quod plebiscitum sæpius ad quamvis legum re-
 formationem aut innovationem repetitum fuit:
 ejus itaque vi & auctoritate Anno 1117 per
 Bergthorum Nomophylacem & delegatos viros
 quosdam sapientissimos, nova instituta fuit le-
 gum reformatio, cujus in *Schedis Ariani* mentio
 injicitur. Tandem in leges relato Codice *Juris*
Ecclesiastici Thorlako-Ketilliano, horum Præsulum
 auctoritate nova a *Gudmundo* Nomophylace, &
 utrius-

utriusque ordinis ad id denominatis viris sapientissimis instituta est antiqui legum Codicis reformatio, cujus idem ac priorum scopus fuit, ut omnia, quæ in antiquis legibus humanis reperirentur, cum divinis legibus pugnantia, prorsus inde ejicerentur, quod circa aut paulo ante annum 1130 factum esse perhibetur, ex qua reformatione natus esse videtur antiquus legum Codex, communiter *Grágas* vocatus, qualis nunc est, & ad nos pervenit, in quo hic articulus adhuc legitur, “Dagur skal fyrr koma enn Nótt” “alls Misseres skiptis,” ita ut omnia hæc examina illæsus pertulerit. Unde argumentamur: quicumque antiquissimarum legum humanarum articulus severissima examina ac reformationes instinctu Episcoporum & Cleri, illisque si non Præsidibus, certe operis inspectores agentibus, hunc in finem factas, ut omne id ex illis expungeretur, quod legi divinæ ullo modo adversabatur, sub præsidio juris consultissimorum Nomophylæum *Skaptii Thoroddæ*, *Bergthori Rafnæ*, & *Gudmundi Thorgeiræ*, adscitis ex utroque ordine viris lectissimis, ita pertulit & superavit, ut ex antiquo legum Codice non expunctus fuerit, sed post exantlata hæc examina perinde ac ante suam sedem ibi retinuit, & vim legis habuit, ille nihil legibus divinis (c: Ecclesiasticis), contrarium continuit, sed cum illis apprimè conciliari potuit: atqui articulus ille de dici præ nocte prærogativa in omni tem-

porum computatione ita; ergo &c. Ipsa propositio probatur. unanimi historicorum & annalium consensu, sed subsumtio experientia, quam nemo negare potest, cum ille articulus adhuc in Codicibus Gragasianis supersit. Unde liquido constat, leges illas Ecclesiasticas nihil primo intendisse nisi festivitatum a pridiana vespera inchoationem, cum lex civilis de vero & naturali cujusvis diei initio statuerit, quod illa non tetigit.

§. XCII.

Alterum, nostram sententiam probans, argumentum dant nobilissimi historiarum conditores, qui seculis 13 & 14 sua concinnarunt opera, in quibus, cum de talibus scribendi occasio se offerret, plerumque simpliciter cum vulgo loquentes, animi sensa proferunt, unde differenter valde pro rerum & temporum varietate de hac re verba faciunt; cujus causæ & rationes scitu tam necessariae sunt, ut absque illarum observatione recte intelligi nequeant, unde eas in antecessum & imo in loco producere necessarium ducimus, ut quævis fere gnoma ex historicis a nobis adducenda ad propriam sibi regulam reduci, & ex ea dijudicari queat.

1) Viri politici ordinis nulla superstitione infecti, nulloque ducti partium studio, plerumque de rebus mere politicis scribentes, inaffectate,

Etatè; & prout vulgus communiter loqvebatur & sentivit, diem nocti simpliciter præferunt, ut fit §. XCIII. sq.

2) Quando tales auctores de gentilium festis, commistationibus, solennibus sacrificiis, & talibus scribunt: "hit fyrsta Kvöld veitslunnar," non ita accipiendum est, aesi noctis prærogativam indicare velint, sed quia hospites, sub vesperam advenientes, laute statim excipiendi sunt.

3) Viri Ecclesiastici & alii, cleri placita adulantes, accedente ratione quadam ceremoniali & ecclesiastica, cum de sui temporis festis, sabbatis & vigiliis aliquid notandum esset, plerumque ambigue loquuntur "*Drottensnótt*," hujus vel illius sancti *vöku*, *vökudag* & id genus alia, cujus causa non est noctis præ die prærogativa, sed quod præceptum de sabbati sanctificatione apud veteres summæ necessitatis habebatur, quam non a solis occasu ut Judæi, sed ab hora pomerid. 3 inchoabant, ideoque de rebus, ad dies festos & ceremonias Ecclesiasticas pertinentibus, quandoque ita stylum dirigunt, ut noctem diei præferre videantur, summum enim periculum imo piaculum fuit, ab Ecclesiasticorum more & placitis vel latum ungvem in hac re secedere. Alii contra de rebus mere civilibus & Oeconomicis, nullam ad Ceremonias Ecclesiasticas respectum habentibus, antiquo popularium more loquentes diem nocti prætulerunt, ut ex dicendis patebit; quæ regulæ in hujus

ætatis scriptorum explicatione necessario observanda sunt.

4) In legibus tam politicis quam ecclesiasticis noctes quidem numerantur, ad indicandum, quanto intervallo festa & alia tempora ab invicem distant, & ad devitandam ambiguitatem, sed non ad probandam noctis præ die prærogativam, ut ex §. CII. constat.

5) Hic semel monendum est, eos, qui noctis præ die prærogativam statuunt, eandemque ex sola noctium numeratione concludere volunt, siue illa in antiquis legibus, siue historicis aut alibi occurrat, necessario sub noctis nomine integrum nyctemeron intelligere tenentur, cum nox nominata, ut prior & potior hemeronyctii pars, diem ducat, & is in illius nomine includi debeat, alias enim, seu si dies excluditur, ita ut nullam cum nocte conjunctionem aut relationem habeat, tota eorum argumentorum vis penitus perit, nam ex solo noctis nomine, nullo ad diem habito respectu, nihil de harum partium prærogativa concludi potest. Omnes itaque veterum sententiæ & dicta, quæ ad probandam suam thesin adducunt, ita se habere debent, ut integrum hemeronyction in cuiusvis noctis nomine involutum sit, & inveniri queat, alias enim claudicant & nihil probant.

6) De omnibus hisce & aliis obscurioribus loquendi modis id notandum est, quod non semper id significant, quod primo aspectu notare

tare videntur; quare semper cum omnibus suis circumstantiis expendenda sunt, cum parallelis conferenda, & non ex æque obscuris, sed clarioribus locis explicanda sunt, nec ultra extendenda quam ipsa verba, materiæ qualitas, rerum circumstantiæ, & auctoris scopus permittit; quæ regulæ & rationes in antiquorum scriptorum lectione & explicatione necessario observandæ & adhibendæ sunt, hic autem necessario monendæ & lectoribus in memoriam revocandæ videbantur, cum ad earum ductum & amussim antiquorum auctorum loca, ab utraque parte producenda, dijudicari debeant.

§. XCIII.

Primum itaque ex nostra parte produci-
mus testem Historicorum Corypheum, *Snorronem Sturlæum*, de hac re ita scribentem: "Fyrsta
"dag veitslunnar, áður Sveirn Kongur stigi í
"hálfati sitt, streingdi hann heit — — Joms-
"víkinga höfðingium var skeinkt hin stærsta
"horn, oc hin sterkasti dryckur er þar var. „
3: *Primo convivii die Rex Sventus votum nuncu-*
pavit, antequam solium ascendit. — — Jomsvi-
kenstum principibus maxima cornua potusque for-
tissimus, cujus tum copia fuit, oblata fuerunt.
Quod *Jomsvikinga-Saga* de Celeberrimo convi-
vio, quod instruerunt Sveno Daniæ Rex, Sig-
valldus Jomsvikensium Dux, & Bui Crassus,

cum hæreditates, sibi a patribus Haraldo Rege, Strutharaldo Comite, & Veseto Bui patre reli-
ctas, adirent, verba faciens, ita effert. “*Þeir*
“*dreeka ákaflega Jomsvíkingar, oc hit fyrsta*
“*kvölld fær á þá miög.*”, *o: Avide biberunt Jo-*
menses, ita ut prima vespera valde inebriaren-
tur. Idem ergo ambo dicunt, nisi quod Snorri
diem nominans, pro vespere & nocte, quæ
vota facta sunt, tacite indicat, vesperam & no-
ctem hanc fuisse partes præteriti, non verò
subsequentis diei: hinc etiam paulò post, cum
convivium in multam noctem protractum esset,
omnesque melioris notæ hospites vota nuncu-
passent, addit Snorro. “*drucku menn þann*
“*dag erfit.*”, *o: illum diem* (cum magna noctis
parte) *parentationi insumserunt*, quibus verbis
denuò mentem suam clariùs aperit, noctem ad
priorem, non verò posteriorem diem perti-
nuisse, mox enim sequens caput a proximi diei
historia orditur, dicens: “*at morgni þá tekir*
“*var til dryckiu.*”, *o: crastino mane vel altero*
die, cum ad potandum congregarentur.

§. XCIV.

Alter, quem hic nuncupamus, testis sit no-
tissimæ eruditionis vir *Sturla Thordi*, qui ex-
pressis verbis, quid sibi hac de re mentis sit,
clare docet, *Sturlunga-Sagæ* Lib. VII. Cap. 41.
de pugna inter Brandum Kolbeini & Thordum

Kakali, diē Jovis commissa, ita loquens, “hann
 “var á Söndafelli Midvikunóttina er þeir börduft
 “Fimmtudaginn eftir.,” 3: *Söndafelli noctem diē
 Mercurii egit; cum postridie diē Jovis pugna-*
rent; qvō qvīd clarius dici possit, non video;
 cum auctor, dies Mercurii & Jovis nominans,
 expresse præcedenti, non subsequenti diē no-
 ctem intermediam tribuit, vocans eam *Midvi-*
kunótt, non vero *Fimmtótt*, qvōd omnino fa-
 cere debuisset, si putasset, nocti præ die præro-
 gativam competere. Simili plane modo idem
 auctor mentem suam prodit Lib. IX. Cap. 8.
 hoc modo scribens. “Gissur reid með Flock
 “sinn yfir yxnadalshéidi Laugarnóttina fyrir
 “Þálsmessu, enn hún var Sunnudaginn eftir.,”
 3: *Gissurus cum sua cohorte tesqva Oxnadalsensia*
transiit nocte Saturni ante festum conversionis
Pauli; qvōd in sequentem diē dominicam incidit.
 Moxqve qvīd eadem nocte & sequenti diē festo
 gesserit, persequitur; scil. qvōd paulopost con-
 cubium Backam venerit, & herum ipsum Jonam
 de Backa occiderit, hinc Eynarem de yxnahóli
 letho dederit. Unde Modruvallas usque pro-
 gressus, ibidem & in vicinia qvōsdam incendia-
 rios occiderit, sed illucescente diē ipsius festi,
 Modruvallis discedens, in Ejafjardum recta
 Hrafnagilum & inde Modruvallas tetenderit,
 ubi Kolbeinum Groni vita privavit. Illum au-
 tem 25. Januarii seu ipso Conversionis Pauli
 festo occisum fuisse, præter hunc locum testatur

Necrologium Hist. Eccl. Isl. Tom. I. affixum: hic autem hæc gesta tam graphice depingere ac accurate persequi visum est, ut ex concordantia temporis & locorum manifeste perspiceretur, Sturlam hic noctem, quæ diem Saturni sequebatur, ipsi, sed non subsequenti diei solis tribuere, unde sequitur, eundem esse sensum tam proxime allati exempli, quam aliorum, ubi auctores eodem modo verba faciunt.

§. XCV.

Et ne quis putet, auctori hæc incogitanter & incaute ex calamo fluxisse, adjiciamus tertium locum ejusdem Codicis Lib. IX. Cap. 2. sat superque testantem, eundem hæc & alia ejusmodi scientem & volentem scripsisse; ibidem enim historiam incendii Flugumirensis texens, postquam retulerat, Asgrimum Thorsteini die Saturni Videmiri in Toparchia Skagafjordenfi Rafnum Oddi convenisse, ei que indicasse, fratrem suum Ejolfum statim post nuptias Gissurum ex improvviso ferro flammisque adoriri, & cum universa familia extinguere constituisse, Asgrimumque mox iter ad Ejolfum, Modruvalis in Ejafjörd sedentem, persecutum fuisse, quo non pervenire potuit, per 12 aut 13 miliaria tempore brumali priusquam sub noctem d. solis. Cap. 3. dicit, Ejolfum *die Lunæ* copias collegisse, & inter alios Hranum Cödrani, in
Fla-

Flateja intra Toparchiam Thingejensem agensem, vocasse, qui sub vesperam die lunæ nuncium accipiens, se cum suis itineri statim accinxit, de quo *Sturla* hoc modo loquitur: “hann fór
“ur Flatey ádra nótt vikunnar, hann kom á
“ Mödruvelli í dagan, og þeir sio samann —
“ þeir ridu þridiudaginn, þar til þeir komu til
“ yxnadals heidar. „ 3: *Hænus secunda hebdomæ nocte ex Flateya discesfit, sed Modruvallas illucescente die pervenerunt — Die Martis ad tesqua Oxnadalenfja iter instituerunt.* Ubi nox, diem lunæ subsequens, expresse dicitur secunda nox hebdomæ, ideoque non ad diem tertium, sed diem lunæ pertinens, is enim est secundus septimanæ dies; prima itaque septimanæ nox diem solis sequitur, sed non præcedit, secunda secundum, tertia tertium, & sic de cæteris.

Eodem modo dierum numerationem persequitur *Sturla* Cap. 2. de Thorleifo Hreimo verba faciens, “ Þórleifur reid burt þridiudaginn, enn Isleifur var ei buenn hid þridia
“ kvöldid. „ Ubi vesper die Martis, eadem de causa vocatur *tertia hebdomæ vespera*, ac ipse dies vocatur *tertia dies*, & consequenter *tertia hæ vespera* cum subsequente nocte, cujus pars fuit, ad priorem, non vero posteriorem diem pertinuit. Conf. *Vitam Sværreri Regis* Cap. 87.
“ Hann fór þridiu Nótt viku og kom aptur til
“ Kongs midvikudaginn. „ 3: *tertia hebdomadis nocte discesfit, sed die Mercurii ad Regem rediit.*

§. XCVI.

Pari modo etiam Lib. IX. Cap. 9. verba facit de noctibus, dies Jovis & Veneris subsequen-
 tib; “Rafn reid Skirdagsnótt og Langa-
 “friadagsnótt um fioll fyrir öfann bygdir, og
 “kom at Páskum veltar í Dali.,” *S: Rafnus no-
 ctibus Viridium & Soteriorum per montana iter
 fecit, & sub festum Paschatis in Dalas venit.*
 Sensus autem est: Rafnus magnopere festinans,
 & forte sibi a Gissuro male fido, & verbo ran-
 tum conciliato, insidias structas timens, ejus pro-
 vinciam noctibus per montana transiit, die au-
 tem Veneris hominum occurfus vitans, aut quie-
 vit, aut delituit; sed die Saturni, in suam per-
 veniens provinciam, omnibus palam iter fecit,
 usque dum vespere die Saturni, ineunte festi-
 vitate Paschatis, donum veniret. Similiter
 etiam scribit Lib. 7. Cap. 10. “Þórdur reid af
 “Þingvelli Fimtudaginn, — — enn kom til
 “helgafells Friadagsnótt þá stiarina var í Austri.,”
*S: Thordus Thingvallis discescit die Jovis, sed
 Helgafellum venit nocte die Veneris, cum Pleja-
 des in oriente essent: quid autem intermedio
 tempore, die scil. Jovis, eumque sequente nocte,
 & die Veneris egerit, tam minute & clare enu-
 merat, ut hic eum de nocte, diem Veneris sub-
 sequente, loqui, nullum super sit dubium; cum
 quo plane consentit, & apodicticum adfert ar-
 gumentum Auctor Vita Nialiana, scriptor*
 haud

haud contemnendus, vir quippe antiquitatum patriarum solidam cognitionem præferens, qui seculo 14 hoc opus concinnasse videtur, quod hic observasse magni interest, cum inde cognoscatur, etiam eo tempore hunc cogitandi, scribendi & loquendi morem viguisse; tam clare enim suam mentem exprimit, ut ne minimæ æquivocationi aut dubitationi ullus supersit locus, dicit enim Cap. 122, "Faustunótt skylldu
"domar útfara.", 3: *nocte die Veneris judicia
exertenda suere.* Sed quid per *Faustunótt* &
ipse intelligat, & alii intelligere debeant, mox
exprimit dicens, "Nú kemur at því sem domar
"skylldu útfara. Faustukvöldit geck allur þing-
"heimur til dóma.", 3: *Cumque tempus iudicio-
rum adesset, vespéra die Veneris universa multi-
tudo se ad judicia contulit.* Ubi manifeste ve-
sper, diem Veneris sequens, & hunc subsequens
nox, non sequenti diei Saturni, sed præterito
diei Veneris adscribuntur, noxque diem sequi
indigitatur.

§. XCVII.

Politicis hisce Triumviris, historicorum fa-
cile primis, qui clavis verbis suam dixerunt sen-
tentiam, aliam æque celebrem ecclesiasticam
trigam a sacere collocabimus. *Brandum* Teſt.
Episcopum, *Oddum* & *Gunnlaugum* Monachos:
Brandum, de amico suo & affine *Gudmundi* Dyri

Sturl.

Sturl. Lib. III. Cap. 30. ita loquentem. "Einn
 "Dróttensdag var Guðmundur í kyrkiu og
 "nóttina með sem vani hans var, þá heirdi
 "hann ridid ei allfaum hestum yfer ána., 3:
 diem quandam dominicam Guðmundus in templo
 peregit, unacum nocte, ut solitus fuit: tunc audivit,
 non paucos equos annem (prope fluentem) per-
 vadere, unde collegit, adesse hostes, quorum
 metu se in templo continuit. Non totus tantum
 contextus ostendit, auctorem hic loqui de nocte,
 diem dominicam sequente, eamque pariter ac
 diem dominicam insignire, sed etiam loca pa-
 rallela passim obvia idem svadent, ex quibus
 hæc verba omnino explicanda sunt, secundum
 regulam hermeneuticam datam supra §. XCII.
 n. 3. Et hunc esse hujus loci sensum, omnem
 nobis adimit dubitationem luculenta totius septi-
 manæ noctium enumeratio & digestio, apud au-
 ctiores primæ classis occurrens, quæ noctem se-
 qui, diem autem præcedere eos putasse, clare
 docet ex. gr. önnur nótt viku sequitur diem lunæ
Sturlunga-Saga Lib. IX. Cap. 3. Tertia nox
 diem Martis ibid. Cap. 3. Quarta seu midviku-
 nótt diem Mercurii. ibid. Lib. IIX. Cap. 11.
Skirdagsnótt og Friadagsnótt nominat *Sturlun-
 ga-Saga* Lib. IX. Cap. 9: noctes, dies hos se-
 quentes, ut ex contextu patet. Sexta seu *Fria-
 dagsnótt* diem Veneris sequitur. Conf. *Njáls-S.*
 Cap. 122. & *Sturlunga-Saga* plus simplici vice.
 Septima seu *Laugarnótt* diem Saturni sequi-
 tur.

rum: *Sturlunga-Saga* Lib. IX. Cap. 8. Confr. Lib. 5. Cap. 39. ubi nox, Festum Pentecostes præcedens, expresse vocatur *Laugarnótt*, quo quid clarius esse possit, non video: sed antiquas hæc noctium a diebus, quos sequuntur, denominationes Clerus mutatum ivit, ut paulo inferius docebimus.

§. XCVIII.

Celeberrimum autem Monachorum par, *Oddus & Gunnlaugus*, mentem suam alio modo sed clare produnt; sermones enim de noctu & sub ipsum diluculum factos referentes, præteritam vesperam & præsentem noctem ut priores diei partes respiciunt, sed mox sequens mane *crastinum* vocant, non *hodiernum*, quod omnino facere debuissent, si diem naturalem a vespera pridiana, nedum ab hesternâ hora 3 inchoassent.

a) *Oddus Monachus* in *Vita Olai Triggonis* edit. Holm. 1691. pag. 2. ubi inducit Thorsteinem cum Astrida Olai matre paulo ante diluculum ita loquentem. "Per skulud vera í hólmenum á morgun, og bíðid þar minnar komu.", 3: in insula usque in crastinum vos continete, & meum adventum ibidem expectate. Et deinde pag. 74. introducit Finnum quendam cum Olao Rege intempesta nocte colloquentem, ubi expresse vocat sequentem diem *eras* (á morgun)

morgun) quod non facere debuit, si dies jam non modo inchoatus, sed dimidiatus fuisset.

b) Idem facit *Gunnlaugus*. Edit. Schalh. licet in aliis multis ab Holmieni differat, illa enim pag. 218. introducit Finnum hunc, & præter eum duos Regis patruces vocantes sequentem diem crastinum, & tribuentes proximam vesperam & noctem præterito sed non sequenti diei. Nec non de insidiis Thoreri Klack ita scribit pag. 227. seqv. "Eins dags at kvölldi
"komu þeir vid agdanes, — enn er nættadi,
"og menn voru aller sofnader. — Jósteinn
"sagdi: I kvölld er þórir hafði spurt af Landi
"di — ætlar hann á morgun snema at heim-
"ta þig á land — Snema um Morgunum kom
"þórir á skip Ólafs. „ 2: Sub vesperam die quodam ad Agdanes appulerunt — Concubina autem nocte cum omnes dormirent, — Dixit Jósteinnus: cum hoc vespere Thorerus famam vocantem audivisset. — Consilium cepit te crastino die, in terram evocare. — Mane itaque alterius diei Thorerus in Olai navem venit.

Quibus unum ex multis talibus, quæ ad manus sunt, addemus loquendi modum Brana, dictum ad Halfdanum, cum intempesta nocte in lecto cubantes colloquerentur. "á morgun er
"sumardagur fyrsti. „ 3: Crastinum inquit mane est primus solatis dies, in vita Halfdani Brana. *Alumni* Cap. 12. Si enim omnia, quæ ejusmodi habemus, huc transferberemus, & longa & tediosa

diosa fieret hæc farrago; ex talibus autem loquendi modis, intempesta nocte imo sub ipsam diluculum prolatis, qui expresse nominant sequentem diem non *hodie* (*i dag*) quod omnino facere debuissent, si is jam non modo inchoatus sed dimidiatus fuisset, utpote ab hora 3. prid. initium habens, sed *cras* (*á morgun*), discimus, nec personas colloquentes, nec ipsos historicos noctem, quæ hæc gerebantur, pro prioris sequentis diei, sed pro præteriti posteriore parte agnovisse.

§. XCIX.

Tertii generis testes nobis sunt *Codices Juris Ecclesiastici*, qui assatim huc pertinentia continent, sed cum contraria pars iisdem etiam ad suæ sententiæ probationem utatur, hic ea adducere superfedemus, cum, quando ad eorum argumenta ventum erit, examinanda sint. Hic autem meminisse juvat, non de nihilo esse, quod in nullis legibus antiquis aut novis, nec in ullis Oeconomicis, civilibus & ecclesiasticis constitutionibus quicquam præcepti reperitur, quod conceptis verbis nocti præ die ullam dat, mandat, aut stabilit prærogativam, cum contra in legibus Ecclesiasticis, & Episcoporum huc pertinentibus scriptis multa occurrant, quæ, licet primo aspectu videantur tale quid continere, quod nocti primas det, sub severius tamen exam-

men

men vocata, & propius inspecta, aut nihil probant, aut quod contrarium est asserunt, quorum hic unum tantummodo tangam. In *Codice Thorlako-Ketilliano* Cap. 20. sub gravi pænarum comminatione carniū esus per totum tempus quadragesimale prohibetur, sed ipso Paschatis festo, quam primum solis radii in montium cacuminibus conspiciuntur, permissus fuit, unde patet, noctem, festum Sabbati antecedentem, non huic festo, sed quadragesimæ adnumeratam fuisse, & consequenter fuisse posteriorem die Saturni, sed non priorem partem diei solis. Idem Codex Cap. 13. dicit, *quamvis noctem, quodvis festum sequentem, pari gaudere sanctitate ac ipsum festum*, quam sanctitatem, cum a profesto subsequente die mutuari nequiret, a præcedente eandem habuisse, necesse est, quod supponit, eam illius, sed non sequentis diei, partem fuisse; præcedens vero festum nox sua quidem gaudebat sanctitate, sed quam ut pars essentialis prioris diei, jure vigiliæ, Paraschevis, aut profesti ab ipso festo, cujus hoc tantum nomine pars æstimata fuit, mutuabat. De festis & noctium numero inter ea incidentium, quæ in *Codice Thorlaciano* Cap. 15. & *Arnæano* Cap. 25. occurrunt, §. LXXXVIII. aliquid actum est, & demonstratum, quod ibidem non adhibeatur ad probandam noctis prærogativam, sed tantum ad vitandam ambiguitatem, & verum festorum tempus determinandum.

§. C.

Haud contemnendum argumentum dant etiam ipsæ illæ antiquissimarum legum formulæ loquendi, quibus ad impugnandam hanc thesin utuntur contrariæ sententiæ fautores. " *sið, siðr, tan nóttum fyrer vetur, fyrer sumar, fyrer Fardaga, fyrer þing* " &c. *ð: 7 vel 14 nóttibus ante hyemem, æstatem, tempus mutandi habitacula* &c. Si enim in his nox diem anteit, & proxima nox *æl vetur, Sumar, Fardaga, þing*, ut eorum initium pertinet, sed non inter nudius tertius & pridie *Fardaga, vetur, Sumar*, ultima est in numero illo *7 vel 14* noctium, tunc pridie omnino vacuus, & superfluous, quod valde est absurdum. Si vero secus se res habet, scil. quod proxima nox ante hyemem, æstatem, ultima est ex numero *7 vel 14* noctium, tunc quod nox diem sequatur, fatendum est, quod etiam in hoc casu verissimum. Et quocunque tandem te vertis, certe nunquam ex his loquendi modis at *þriggia vel sið naða fressi ð: post 3 aut 7 nóttir*, vel etiam *3 aut 7 nóttibus ante hunc vel illum diem*, apodictice probabis, antiquos noctem dici prætulisse, idem enim notat, ac si dixeris; *exactis 3 vel 7 abhinc hemeronyctiis*.

§. CI.

His, ut fere ad superfluitatem nostram assertionem probemus, unam aut alteram ex per-
 multis, quas habet antiquissimus Legum Codex
Gragas, pericopis, noctes pro integris heme-
 ronyctiis numerantibus, addere libet, ut ex illis
 eordatus lector, quo sensu antiquæ leges no-
 ctium numero usæ sint, judicare queat, scil. non
 ut earum præ diebus stabiliant prærogativam,
 (ut sæpius declaravimus) sed ad tollendam & evi-
 tandam omnem ex dierum numero proventu-
 ram ambiguitatem; unde unam septimanam per
 7 noctes, & eas iterum per 7 dies naturales
 exprimit, non a vespere aut noctu, nec a me-
 ridie sed a matutino tempore oriundos, eadem
 enim hæcce lex antea sanciverat, & inter leges
 proposuerat, ut dies ante noctem in omni tem-
 porum computo numeraretur, secundum quam
 regulam, sed non contra eam ipsius verba ex-
 plicanda esse, nemo non videt; quæ autem hac
 vice ex innumeris ejus dictis, huc pertinentibus,
 adferre licet, sunt sequentiâ. “*Ëf madur vill*
“ oska landa skiptis, þá skal hann fara til hei-
“ milis þess mans er í móti á, þann finta dag
“ viku, þá vika er til sumars, og stefna honum
“ at hann skule heima vera at síö náttu fresti.,
3: qui territorii divisionem optat, adeat domici-
lium possessoris reliquæ partis die Jovis, cum
una hyemis septimana restat, eique diem scribat,
 ut

ut domi suæ sit, elapsis 7 noctibus, 3: die Jovis, quo ætas inchoatur. Et in Cap. de executionibus. " Feránsdomar efter sekann mann " skulu vera þá XIV. nætur eru lidnar frá þín- " ge, er hann var sekur giör. A midvikudag " skulu feránsdomar vera efter vorþing hvört, " því er á midvikudegi var þingid laust. „ 3: Judicium executionis erit 14 noctibus, postquam reus exilio mulctatus fuit. Die Mercurii judicium executionis perficienda sunt, quæ in foro vernali indicantur, cum die Mercurii forum solutum fuerit. Item: " Feránsdomur skal vera XIV. " nottum efter vopnatak, enn þar heiter vopna- " tak er alþida manna ridur af þingi. „ 3: Ju- " dicitum executionis erit 14 noctibus post vopna- " tak, sed vopnatak vocatur, cum multitudo ex foro discedit. Hic perinde ac in Jure Ecclesiastico noctes numerantur. α) Inter duos dies Jovis. β) Inter judicium in foro pronuntiatum, & ejus executionem. γ) Inter duos dies Mercurii. δ) Inter vopnatak seu fori finem, & judicium executionis. Unde ut puto nemo colligere potest, noctem diei præferendam esse. Simile itaque hic de similibus ferendum est judicium, præsertim cum eadem lex ibidem, & eodem tempore valeret.

§. CII.

A cujus parte veritas hic stet, & quænam harum hypothesium probabilior & minus fucata sit, docebit periochæ ejusdam noctes numerantis, quam utraqve pars ad suæ sententiæ probationem adducere solet, per evidens Schema delineata enodatio, ad hermeneuticam noctis prærogativæ patronorum fundamentalem regulam & hypothesin instituta, quod quævis nox, hoc modo in legibus & historiis nominata & numerata, integrum Nychthemeron significet, & sequentem diem ut posteriorem Nychthemerii partem includat, cum ex contrario ex solius noctis nomine per se, & nullum ad diem habentis respectum aut relationem, nihil de noctis prærogativâ concludi possit, quod contraria pars non modo concedit, sed etiam postulat. Periocha autem hoc modo omnium sibi similium loco hac vice examinanda sit illa quam in proximo §. ex *Grægas* adduximus, *septem noctes*, id est tot hemonychia, inter duos dies Jovis numerans; posito itaque, quod prior dies Jovis in diem 18 posterior vero in 25 Aprilis incidērit, calculus talis eveniet.

Primum Nychthemeron incepit in vespera die Jovis, qui est 18 Aprilis.

Secundum d. Veneris 19 Aprilis.

Tertium d. Saturni 20 Aprilis.

Quartum d. Solis 21 Aprilis.

Quintum d. Lunæ 22 Aprilis.

Sextum d. Martis 23 Aprilis.

du-

Primum ex his 7 hemeronychiis incipit

d. Jovis 18 Aprilis a matutino tempore.

Secundum a mane d. Veneris 19 Aprilis.

Tertium d. Saturni 20 Aprilis.

Quartum d. Solis 21 Aprilis.

Quintum d. Lunæ 22 Aprilis.

Sextum d. Martis 23 Aprilis.

Septimum incipit d. Mercurii 24 Aprilis

& finem habuit cum hyeme & septima nocte in initio æstatis, quæ tempore matutino d. Jovis, d. 25 Aprilis incipit, juxta mox allegata legis verba; cumque hic 7 quæ requiruntur noctes, & omnia ad amussim tam cum ipsa lege, quam regulis hermeneuticis quadrent, apparet.

a) Hunc computandi modum verum & genuinum esse.

β) Omnes tales Periochas, siue in legibus Ecclesiasticis siue politicis, siue etiam in historiis aut aliis monumentis occurrant, eodem modo explicandas esse, modo nulla singularis ratio obliet.

γ) Nullam in talibus Periochis inveniri sufficientem rationem, quæ diei prærogativam præ nocte denegat.

δ) Quod differentia illa, quam intulerunt Ecclesiastici, non fuerit realis, sed verbalis tantum atque apparens, ad vigiliarum & profestorum honorem, & stabilimentum excogitata, quæ superstitiosæ plebi primo indita, paulatim sub religionis larva ad plures transiit. Possem, si

tædio-

tædiosam prolixitatem evitare non statuissem, hic multo plura ex antiquis legibus ac monumentis congerere ex. gr. *Fimtarstefna*, ubi, tam in antiquis quam recentioribus legibus Islandicis pariter ac Norvegicis, quinque noctium interventus observari jubetur, ibidem autem noctis nomen pro integro hemeronyctio usurpari, in professo est; quis autem inde colligere potest, nocti præ die prærogativam deberi?

§. CIII.

Licet omnes nostras assertiones antiquorum auctorum testimoniis abunde probaverimus; jam tamen universam hanc argumentorum seriem claudere libet verbis Auctoris libri celeberrimi *Rimbegla*, utpote tam allatorum probationi, quam accuratiori hujus dogmatis notioni æque inservientibus, pag. 516. §. 115. sic scribentis. “I sumti telium ver Fimtadag “fystann, og í þeim mánaudum svo laungum “sem þeir verda, enn þvottadag efttann, og “nóttina eptir, og skal þat vita hver madur “Kristinn, at sú nótt skal fylgia dege hvörium “at helgihalldi er fyrirfer degenum sialfum.”

3. Diem Jovis æstatis initialem putamus, Et mensum illorum quanti sunt trium (æstivorum); sed diem saturni cum nocte sequenti finalem, Et qui, vis Christianus cognoverit, cuilibet festo in celebratione noctem præcedentem conjungendam esse.

esse. In quibus imprimis notanda veniunt.

1) Persona loquens, scilicet vir doctus, & patriæ antiquitatum apprime gnarus, qui quod scripsit optime novit; præterea aut ordini Monastico addictus, aut officio quodam ecclesiastico fungens, cum tali libro, ut est *Rimbeglas*, licet suos etiam haud paucos habeat naves, scribendo pares; præter viros Ecclesiasticos, ea tempestate non facile invenirentur.

2) Materia seu scopus descriptionis, & contentum libri est computus Ecclesiasticus, qui tum temporis inter summæ necessitatis articulos habebatur, & quæstio de noctis præ die prærogativa, nec statui Ecclesiastico, nec cuivis Christiano indifferens, ut ipse auctor dicit, unde tantum virum tali libro, in manus vulgi venturo, quicquam minus conducibile inseruisse, haudquam credibile est.

3) Tempus descriptionis fuit seculum XIV. ad finem vergens, ut ex ipsius auctoris verbis colligitur pag. 96. & 322. ubi enumerat Episcopos & Abbates, qui ad id tempus vixerunt, quorum ultimus fatis cecidit Anno 1390. ea autem tempestate dogma de noctis præ die prærogativa firmas quidem fixerat radices, sed non ad tantam maturitatem pervenerat, ut seculo 15 natum est.

4) Quantum ipsum, de quo hic agitur, argumentum attinet, dicit, diem Jovis esse æstatis initia-

initialem, non vero noctem cum præcedentem, hanc enim excludit, & ut ultimam partem præteritæ hyemis considerat.

5) Idem statuit de sequentibus æstatis mensibus, scil. quod cum die non vero vespere initium habeant.

6) In hac §. auctor semel, sed §. 113. ter dicit, noctem quævis mensem claudere, eandemque semper ut ultimam cujusvis mensis particulam considerat, nullamque ei præ die arrogat prærogativam.

7) Ne autem vigiliarum, profestorum & noctium, dies sacros præcedentium, honorem penitus prodar, addit, noctem, quodvis festum præeuntem, pari sanctitate gaudere ac diem sequentem, ubi probe notandum, quod nocti parcum cum die sanctitatem & celebritatem, sed nullam naturalem prærogativam assignat.

8) Tandem autem innuit, quanti sit hæc sanctitas præteriti ac momenti, scil. quod cuius Christiano festu sit digna & necessaria, & absque salutis periculo ignorari nequeat.

Hic, ut patet, habemus genuinam hujus articuli ideam, ac veram theoriam, quæ mentes nostratum circa annum 1400 occupaverat. illisque firmiter insedit, scil. quod omnes docti eordatiqve viri, & patriæ legum, ac antiqui moris amantes, diei adhuc perinde ac eorum majores & atavi, præ nocte naturalem tribuerint Prærogativam, eumque non a vespere,

nec media nocte, sed a matutino tempore inchoarint, noctesque a diebus duci putarint, ut ex auctoris verbis patet, noctibus enim, sabbata ordinaria & festa præcedentibus, nullam naturalem prærogativam, sed tantum sanctitatem sequenti diei parem, assignarunt. Hæc tantum de viris doctis, aliisque, quorum ex meliore luto finxit præcordia Titan, intelligenda sunt, non autem de universo Monachorum & cleri grege, nec de vulgo novitatum avido, qui huius heterodoxia horologicæ femina, quæ statim cum initio seculi 13 spargi coeperunt, avide accipiebat, fovebatque, in quorum etiam numero fuerunt superstitiosi quidam & avari, sed minus docti alienigenæ Episcopi, Islandiæ morum, antiquitatum, & legum ignari, ut & Abbates, Monachi, aliique Clerici, quorum, ut & stultæ ac imperuosæ plebis metu, boni quandoque historici, ne male audirent, loquendi modis, huc spectantibus, uti consultum duxerunt; ut non semel monuimus; ad tantam autem maturitatem hoc dogma pervenit seculo 15, ut ne unus tantum in Islandia reperiretur, qui suos majores contrariam quondam fuisse sententiam sciret, aut credere posset, quæ opinio ad nostra usque tempora duravit.

§. CIV.

Sed audita una parte, audienda etiam altera, ejusque rationes æqua lance perpendenda,
quæ

quæ tam varii sunt generis & argumenti, & fere undiquaque conquisita, ut nec omnia hic enumerari, nec ad certas classes referri possint, nec necessum sit; sancte autem spondemus, nos nihil, quod talium innouit, & alicujus momenti esse videtur, omisso fore, sed bona fide recensuros, qualia sunt.

1) *Edda* effatum Fab. 8. §. LXXXI. ubi nox præire, dies sequi videtur, de quo l. c. nostram diximus sententiam, cui, quia Islandos attingit, addi potest, quod *Edda* nunquam fuit lex aut regula, ad quam Islandi suas actiones formarent, nec ea quicquam de eorum constitutionibus continet, ideoque hic frustra allegatur.

2) Omnes causæ & casus §. LXXXVI. enumerati, in quibus noctes pro toto die sumuntur, sed quantum id argumentum valeat, ex ibidem allatis argumentis discerni potest.

3) Antiquum illud Apophthegma *fyrer þridiú sol*, (scilicet ex eorum mente) ante solis occasum, cum quo tertium diem finiri, & quartum inchoari statuunt, parum stringit; nam nullum ad diei naturalis initium aut finem respectum habet, sed est tantum terminus legalis, qui certis rebus & personis ponitur, incertumque penitus, utrum ortus an occasus solis intelligatur, an eadem tertia die solis in eodem horizontis puncto statio, perinde ac hodie dicimus intra 24 horas, vel *inden tredie Ætmaal*, scilicet intra 3 solem, vel tertii solis in eundem horizontis punctum adventum.

4) An-

4) Antiqua consuetudo, festa & omnes festiuitates a pridiana vespere inchoandi, quod argumentum magnam habet veritatis speciem, sed habet etiam alias causas, cur ita fieret, inter quas non ultima fuit, quod multis hospitem & invitatorum longum sæpe iter ad festa & sacrificia faciendum fuit, qui ut & in tempore adessent, & ad festum ipsum debito modo se præparare possent, vespere pridiano adfuerunt, talesque mox convivio excipienda fuerunt, quæ primæ vespere commissatio vulgo vocabatur *Velkomandi*, id est gratulatio adventus, vide præter multos alios *Sturlunga-Sagam* Lib. IX. Cap. 2. sed festum ipsum, sacrificium, nuptiæ, parentalia, aut principalis solennitas postridie fiebat, ut ex historiis, quæ talia describunt, satis patet, quæ consuetudo etiam hodie apud nos in usu est.

5) Constitutio *Landnanna-Sagæ* Part. IV. cap. 10. existens, mulieribus in Islandia lares polituris præscripta, ut tantum territorium illis cederet, quantum ab uno solis occasu ad alterum binulam vaccam circumducere possent, unde certum esse dicunt, quod tum temporis dies a vespere inceperit. Hoc etsi non omni verisimilitudinis specie destituatur, minime tamen rem conficit, nam licet talis temporis terminus præscriptus esset territorium occupantibus, nihil tamen de vera diei inchoatione dixit. Cui merito opponi potest lex ab Haraldo Rege terræ occupatoribus præscripta *Landn.* Part. V. Cap. I.

Cap. 1. diem huic actioni ab oriente ad occasum destinans. Revera autem neutra harum constitutionum ullum ad initium dici naturalis respectum habet. Speciem itaque verisimilitudinis habent hæc argumenta, sed nihil perfecte probant. Quæ speciositas id effecit, ut priora secula, præeuntibus Monachis & Clero, quorum magni interfuit, ut vigilias suas quavis ratione confirmarent, in hanc sententiam irent, & sine debito examine approbarent.

§. CV.

Dierum Dominicalium uterque Codex Juris Ecclesiastici Islandorum, ut & festorum initium collocat ad horam 3 pridianam, ita enim Codex Antiquior Cap. 13. hæc de re expressè loquitur. "Vid skulum hallda þvottdag hinn "siöunda hvorn helgann ad Noni,, 3: ab hora 3 quivis dies Saturni nobis festus sit. Similiter Recentior Cap. 24. ubi probe notanda sunt.

a) Antiquitas, Codex enim prior publice in leges relatus est 1123 posterior 1275.

b) Auctoritas, prior ab universa Republ. libera approbatus, & admissus fuit; posterior vero a Regibus Norvegiæ 1277 & 1336 confirmatus fuit.

c) Duratio prioris annis 152 posterioris vero 260.

d) Hu-

d) Hujus legis severitas & strictissima observatio per annorum 400 & quod excedit decursum, quæ omnia hujus legis auctoritatem magnopere stabiliunt.

Respond. Hæc omnia nec veritate nec speciositate destituuntur, sed parum faciunt ad rem, de qua hic disquiritur; nam id tantum probant, quod dierum dominicalium & festorum sanctificationes initium habuerint, vi harum legum per annos plus 400. ab hora 3 prid. sed de initio diei naturalis ne verbum quidem habent, nec sequitur, quod ipse dies festus, quatenus est dies naturalis, unacum Cæremoniis & festivitatibus coeperit. (Vide supra §. LXII.) Tandem non est mandatum, nec sequitur, quod omnes dies profesti ab hora 3 inceperint, licet id de sanctitate festorum constitutum esset.

Candide itaque fatendum est, nullum habuisse hoc præceptum influxum in verum ejus, & multo minus reliquorum dierum, initium, sed ut sæpius diximus, pomeridianum hocce tempus vi harum Constitutionum mutatum esse in Parascheven, & profestum (ut tunc loquebantur) festorum & dierum dominicalium. Quid de valde sollicita noctium, inter festa incidentium, enumeratione, quam uterque Episcoporum, prior Cap. 15. posterior vero Cap. 25. adhibet, sentiendum sit, supra §. LXXXVIII. nostram sententiam diximus: quod autem hæc noctium numeratio eorum thesin prorsus nihil stabiliat,

biliat, sed eandem potius penitus evertat, exscriptis inde duobus tantum exemplis demonstratum ibimus. Inter Clementis & Cecilie festa d. 2 & 3. Novembr. est una nox, ubi nullomodo duo hemeronychia inveniuntur, quæ ad constituendum duo integra festa requiruntur; unde una illa intermedia nox aut ad utrumque aut ad neutrum respectum habet, quod sensu hypotheseos consistere non potest, sed sensu legis verissimum, cum hæc tantum ut limes & interstitium festorum, sed neutrius pars constituetur, quæ ratio ad omnia hæc exempla adduci debet, quotquot tandem noctes id interstitium contineat, nam magis & minus hic non variant speciem. Similiter inter festa Sti Nicolai d. 6 Decembris & Conceptionem Mariæ d. 8 Decembris sunt duæ noctes, quarum altera ex hac hypothese tribuenda sit Nicolao, illa nempe, quæ eum sequitur, altera autem Mariæ, quæ diem præcedit, intermedius vero dies, Agathonio sacer, ea de causa, quod non singulariter in Islandia colebatur, nullam noctem habet, quæ omnia quam anomala sint, nemo non videt. Conf. §. LXXXVIII.

§. CVI.

Non leviter urgent, ipsam vocem *Jolanótt* noctem nativitatis Domini & totum festum natalitiorum, indubie a vespera initium habuisse, & ad

& ad ejus exemplum, omnes alios dies formari debere. Festum enim Salvatoris nostri & antiquissimæ esse institutionis, & semper a vespera inchoatum fuisse, neminem negare, & idem de gentiliū festo Jolensi optimæ notæ historias affirmare, quod id vespera pridiana celebrari coeptum fuerit, quod evidens sit argumentum, non modo Ecclesiam primitivam, sed & majores nostros primo gentiles, & inde ad Christianam conversos religionem antiquissimo more, a patribus recepto, diem a vespera inchoasse; ad quod responderi potest.

Festum Theophanias seu natiuitatis Domini primitivæ Ecclesiæ ignotum, & non celebratum fuisse priusquam Seculo IV. a quibusdam ad 25 Decembris, ab aliis vero 6 Januarii, nulla tum noctis præcedentis, ut singulari sanctitate beatæ, mentione facta; sed eum communis esset sententia, Dominum nostrum media nocte natum fuisse, crescente paulatim superstitione, externis caeremoniis, & operis operati reverentia, in leges relatum fuit, ut etiam ipsa nox natiuitatis præ aliis sancta haberetur, & pluribus quam alia festa honoraretur Missis, unde hac nocte Romæ tres Missæ celebratæ fuerunt, prima ante diem, quæ significabatur tempus, eum nondum plenam Dei cognitionem habuimus; secunda cum die scit, significans tempus in lege; tertia in diē, significans tempus gratiæ, cum jam plena Dei cognitio haberetur, unde versus.

Quartum

*Quarum prima tibi tempus, quo lege carebant,
Altera dat Mosen, designat tertia Christum.*

Ad horum imitationem etiam majores nostri 3. Missas hac nocte celebrabant, primam statim in principio noctis hora circiter 6. dictam communiter *Aftansaung* 3: officium vespertinum; Alteram media nocte hora 12. dictam *Nattneffu* officium nocturnum; tertiam vero, dum diesceret, circa horam 8. dictam *hameffu*, officium matutinum. Hinc est, quod in *jure Ecclesiastico Thorlako-Ketilliano* Cap. 10. & *Arnarano* Cap. 44. tantummodo hac nocte & die plures celebrare Missas quam alias permissum sit, cum reliquis festis non nisi unam celebrare liceret. Ad audiendas omnes hasce Missas populus frequens vespere Parascheves confluebat, & hæc fuit primaria causa hujus festi a vespera inchoationis, sed non quod hic mos a Noachidis seu remotissimis atavis ad nos pervenerit, in ejus memoriam, quod nox die prior fuerit; quod autem inchoationem festi Jolensis gentium a pridiana vespera attinet, supra §. LXXXVI-XCII. & in seqv. discussimus, quo Lectorem remittimus.

§. CVII.

Præter hæc nobis opponunt sanctissimi Norvegorum Regis *Olai Crassi Jus Ecclesiasticum*, vocans noctem inter diem Solis & diem

O

Lunæ

Lunæ *Mananótt*; "þat er nú því nærst at hinn
 "síðunda dag er heilagur, og kollum ver hann
 "Sunudag, því at dagur fyrer skal heilagur at
 "Noni, þá er þridiungur lifer dags, og mána
 "nótt til hanaottu.," & *Proxime sequitur, ut
 septimum quemque diem, quem diem Solis vocamus,
 sanctificemus, sed dies anteq deus sanctus erit a
 Nona, cum tertia pars diei supersit; Et nox
 Lunæ usque ad gallicinium.* Unde omnino se-
 quitur, noctem præcedentem ad sequentem diem
 pertinere, & ejus esse partem priorem.

Respond. Verum quidem est, quod *Ma-
 nanótt* habeat Lex Ecclesiastica, dicta commu-
 niter Olai & Magni, sed revera incertæ aucto-
 ritatis. Ubi observandum, auctorem ejus esse
 Grimkelum, qui equidem jussu Regis scripsit,
 sed quod ipsi placuit, cum Rex Olaus esset Vir
 illiteratus, papisticis deditus nanijs, quas ei
 Monachi in Gallia & Anglia, cum quibus diu
 fuerat conversatus, ut Legem divinam instilla-
 verant. Episcoporum autem & cleri magni in-
 terfuit, ut vigiliæ & feriarum longitudo suam
 retinerent honorem, quique hujus heterodoxiæ
 horologicæ, quod dies nocte prior esset, summi
 fuerunt fautores & promotores, non mirum,
 eos hoc modo suum dogma stabilire voluisse,
 talis enim loquendi modus, ab hoc Episcopo
 usurpatus, tantam præsertim in Cleri & rudio-
 rum animis impressionem fecit, ut eum imi-
 tari, plurimis in religionem abiret. Et quidni
 tam

tam utile ac lucrosum, & ideo etiam necessarium ac sanctum institutum, ut fuerunt festa, vigiliæ, & omnia, quæ ad eorum honorem & emolumentum aliquid faciebant, qualis fuit noctium sanctificatio, & in sanctitatis testimonium nominis immutatio, ambabus apprehenderent manibus, & mordicus retinerent, cum alia ejusdem farinae, ex quibus præter multam transgressionis, nulla lucri spes fuit, ut fundamentalem religionis articulum acciperent, qualis fuit mutatio nomenclaturæ dierum profestorum; Jonæ enim Ogmundi filio Holanæ Dioeceseos primo Episcopo tribuitur, quod suis Dioecælianis auctor fuerit, ut nomina dierum mutatum irent, indignum enim esse Christianis, ut appellationes Deastrorum gentilium diebus applicarent; hinc loco *Tyrsdag*, *Odinsdag*, *Pórsdag*, *Freysdag*, substituerunt *Pridiudag*, *Midvikudag*, *Fimtudag*, & *Föstudag*, quæ constitutio apud nos in usu est; num vero ipse, an alius quidam, cum imitans, eorum dierum nomina mutaverit, qui a planetis denominabantur, tam incertum est, quam id certum, quod mutationem passa sint, nam loco antiqui *Sunnur* seu *solar dagur*, diei solis, substitutum fuit *Drottinsdagur*, quo nomine in plerisque documentis seculo 12 & 13 gaudet; loco *Manndagur* seu dies lunæ, *annar dagur viku*, sed loco dies Saturni, ultimus septimanæ dies vocatus fuit *Þvottdagur*, dies lavationis, quod no-

men etiam hodie retinet; reliqua autem iterum abolita; antiqua vero *Sunn-* & *Maundagur* restituta sunt. Hæc autem hic inserere placuit ad ostendendum, quantum mutationem Clerus Catholicus in nomina dierum intulerit. Unde non mirum videri debet, quod noctes festis propinqvas hoc modo tractaverint, præsertim cum id institutum & sanctitatis larva palliari posset, & ex eo haud spernenda lucri spes affulgeret.

§. CVIII.

Porro opponunt *Constitutionem Magni Episcopi Schalholtenfis Juris Eccl. Thorlaco-Kettill* Cap. 44. “*Þat var nymæli giort þá, er*
“Magnus Gissurarson var Biskup ordinn, at
“nú er lögskyllt at fasta nætur þær atta er
“adur voru ei lögskylldar, ein er Jolaniótt,
“önnur Paskanótt, þridia fyri Uppstigningar-
“dag, fiorda fyrer hvítasunnu, oc midviku
“nætur fiorar um langafostu, þær adur voru ei
“lögteknar.” 3: *Magno Gissuri Episcopo facto;*
hæc novella rogata est, qua jubetur, ut noctes 8
antea non observandæ jejunio posthac transigan-
tur. Prima harum est nox natalitiorum; Se-
cunda nox Paschatis, tertia ante diem ascensionis
Domini, quarta ante Dominicam Pentecostes,
noctes quatuor, quæ dies hebdomadarum media-
rum in septuagesima præcedunt, Et antea legibus
receptis

receptæ non fuerunt. Qvibus responde-
tur.

a) Attendendum est, qvod Constitutio facta
sit Seculo XIII, nam Magnus Cathedram Schalh-
tensem ascendit 1216, labante valde antiquo
more & consuetudinibus, sed ingruente crassis-
simo Papismo & superstitionibus, inter qvas vi-
giliarum observatio & jejunia, non diurna tan-
tum, sed etiam nocturna, & sanctorum cultus
non ultima fuerunt, qvorum gratia Papicolæ
omnia miscere non dubitarunt.

b) Incertum est, qvantam vim habuerit hæc
constitutio, & qvamdü duraverit; certum enim
est, Magnum Anno 1226, a Petro Archiepiscopo
Nidarosiensi ob innovationes qvasdam, in Is-
landia factas, ab officio remotum fuisse, & licet
id Anno 1232 a Sigurdo Archiepiscopo ei re-
stitutum fuerit, dubium tamen est, qvud de ejus
constitutionibus conclusum fuerit. *Conf. Hist.*
Eccl. Isl. Tom. I. pag. 309. seqv.

c) Licet omnia hæc, antiquas scil. consue-
tudines morales abrogandi, sed novas introdu-
cendi potestatem Magno Episcopo fuisse conce-
damus, ut & qvod illæ non modo ab incolis
receptæ fuerint, sed etiam ætatem tulerint, re-
stat tamen probare, qvod is aliique Episcopi &
Monachi antiquitatum mutatores, potestatem
habuerint vocibus novam notionem dare. Certe
Snorro Sturlæus, Sturla Thordi, Auctor Nia-
læ, aliique boni historici ea parum curarunt, ut
ex allatis supra exemplis patet. d) Sed

d) Sed utcunque se omnia hæc habeant, id tandem certum est, quod idem ille *Codex Juris Ecclesiastici*, qui hanc Constitutionem Magni Episcopi suppeditat, idem etiam nobis conservavit, eadem equidem pagina ac folio, antiquissimam illam Constitutionem de Computo semestrium, quæ non noctes diebus, sed dies noctibus præfert, & ut generaliter, ita expresse jubet ac constituit: dies in omni computatione semestrium prior esto nocte. Unde pater, hos loquendi modos, *Jolanótt*, *Paskanótt*, *Mananótt*, *Midviconótt*, quatenus nocti prærogativam concedere videntur, nihil aliud esse quam Episcoporum & Cleri vanas & ad suam thesin de festivitatum initio stabiliendam seculo tandem 13 in Islandiam introductas innovationes, ad diem naturalem & civilem plane nihil pertinentes.

e) Tandem etiam id observandum est, quod licet res & materia hujus constitutionis tantæ sit antiquitatis, ut præ se fert, & eatenus sit Magni Episcopi, scriptionem tamen, verba & sensum recentiora esse, & foetum hunc eatenus Seculo XIV. natum esse, nullus dubito; omnia enim, quæ hoc Documentum continet, auctor ut historicus refert, quædamque eorum vocat antiquas leges, quas sua ætate iterum abrogatas esse fatetur, unde quæ nostrum scopum & materiam attinet, nihil aliud agit, quam restatur, eam sua ætate invaluisse opinionem, quod nox diem præcedere debeat, quæ cogitandi

tandi methodus Seculis 14 & 15 propria fuit,
& consequenter nostræ thesi nihil officit.

§. CVIX.

Sed urgent porro objiciuntque, non Episcopos tantummodo & Clerum, sed etiam historicos optimæ notæ, & suæ ætatis viros doctissimos, *Snorronem Sturlæum*, & *Sturlam Thordi* iisdem uti loqvendi modis, scil. quod noctem, quæ diem Solis præcedit, vocant *Drottensnótt*, noctem domini, & illam, quæ eundem sequitur, *Mananótt*, noctem lunæ. Sic enim *Sturlæus* habet in Vita *Haraldi Gilli*, Cap. 9. "Þat barst at í Kongahellu Drottins; nóttena epter Paskaviku.," 3: *Factum est Kongahellæ nocte dominica post septimanam Paschatis.* Et *Sturla Thordi* in *Sturlunga-Saga* Lib. VII. Cap. 17. "Rida þeir um kvolldit, og komu fram drottens nóttena í Fliotsstungu, enn Dróttensdaginn um kvolldit ridu þeir á arnarvatnsheidi.," 3: *Vespere (3: diei Saturni) iter fecerunt, Et nocte dominica Fliototungam pervenerunt, sed vespere diei dominicæ tesqua Arnarvatnensia intrarunt.* Et eodem Libro Cap. 53. *Sturla* noctem, quæ diem solis sequitur, expresse vocat *Mananótt*. Unde sequi volunt, viros hocce doctissimos, antiquitatum patriarum peritissimos, & prisicæ lingvæ puritatis studiosissimos, has phrales ex remotissima antiquitate petiisse,

quæ apodictice probent, antiquis noctem cujusvis diei priorem partem fuisse, sed falli fallereque hos, nimisque rigide argumentari, putamus.

1) Quia, ut ipsæ voculæ *Drottensdagur* & *Drottensnótt* suam produnt novitatem, quod post acceptam a nostratibus religionem Christianam hæc nomina nata sint, ita etiam Olao Sancto & Grimkelo Episcopo tribuitur, quod noctem inter dies Solis & Lunæ *Mananótt* appellaverint.

2) Uterque horum auctorum alibi in suis scriptis, (ut supra probavimus) satis clare suam mentem produnt, quod diem præcedere, & noctem sequi, id est noctem esse posteriorem non vero priorem diei naturalis partem, putaverint.

3) Quod autem hic consuetum scribendi morem mutant, vel inde factum est, quod de rebus, quas scriberent, quam de verbis, quibus eas proferrent, magis sollicitis, hæ phrasæ, quibus Clerus & plebs eorum tempore vulgq utebatur, imprudenter exciderint; doctissimis enim viris sæpius accidit, ut rerum ponderibus intenti, verba minus curent. Vel si consulto ita scripserunt, factum id ideo esse, putari potest, ut iram & offensam Cleri, ut & hæreseos notam aut suspicionem evitarent, quam alias facile incurrere potuissent, quasi minus sanctæ & indecenter de vigiliis & noctium sanctitate cogitarent; nam ab exemplo & imitatione sancti

Olai,

Olai, & ei adhaerentis Cleri perſuaſionibus recedere, magnum peccatum eſſe putabatur; his autem phraſibus, licet ſemel tantum uſurpatis, ſe non penitus ab hac Eccleſiæ perſuaſione abhor-
rere, probare potuerunt. Cf. §. XCII. n. 3.

§. CX.

Apud permultos etiam optimæ notæ hiſtoricos tales occurrunt loquendi formulæ, quæ indicant, eorum ſententiam fuiſſe, feſta & dies dominicales a pridiana vesp̄era initium habuiſſe, unde ſeq̄ui videtur, quod nox diem ducat.

Respond. Id eſt, quod ſupra §. XCII. n. 3. ultro confeſſi ſumus; melioris enim notæ hiſtorici de jejuniis, feſtis, vigiliis, profeſtis, & paraſchevis agentes, triviales quidem uſurpant phraſes, quibus vulgus de iisdem loquens uti ſolitum fuit, ſed tam circumſpecte eas adhibent, ut nec a Clero impietatis & ſchiſmatis inſinulari poſſent, quaſi de hoc (ſaltem eorum iudicio) magno fidei articulo minus recte ſentirent, nec nocti præ diē naturalem quādam prærogativam tribuendo veritatem præderent. *Snorro Sturlaus* in Vita Harald̄i Gilli Cap. 10. duplici vice nominat *Laurentii Vaukudag* pro Laurentii Feſto, non ut indicet, diem pari modo noctem ſeq̄ui, ut feſtum Vigiliam ſeq̄uitur, ſed noſtra ſententia nihil aliud hoc loquendi modo intendit, quam quod Vigilia ipſum feſtum præcedat, id

autem vigiliam sequatur, ut & quod vulgus credidit, Vigiliam ipso festo sanctiorem esse, & festum seu diem subsequenter a vigilia sanctitatem mutuari; nam quantum antiqui vigiliis tribuerint, historiæ passim docent, ex. gr. *Sturla Thordi in Vita Haconis Norvegiæ Regis*, & quidem de ipsa nativitatæ Domini nocte, & ejus profesto seu parascheve loquens. “Um daginn “fyri Jöla aptan,, 3: *die ante vespæram Jölensem; pro pridie festum Jölnse*, & alio loco scribit. “Olafsvauku aptan var á Sunnudag, eun “Messudaginn sialfann voru sungnar tidir um “allann Bænn. ,, 3: *Vigiliæ Olai vespæra incidit in diem dominicam, sed ipso festo sacra per totam urbem celebrabantur.* Et alio adhuc loco. “Jonsvauka aptan atti Kongur þing í Akurey- “um, var þá til Kongs tekinn Junkherra Mag- “nus. Um daginn epter veittæ Magnus Kong- “ur Mönnum sæmiligar gíafir þeim er í bði “hans voru. ,, 3: *Vespere vigiliæ Jóhannis Rex Concionem in Ekurejis habuit, Regioque nomine principem Magnum honoravit. Postridie Rex Magnus omnibus illis opima dedit dona, qui convivio ejus interfuerunt.* In hisce omnibus vir illé doctus & circumspéctus clare distingvit Parascheven a vigilia, & vigiliam ab ipso festo, & licet hæc recto ordine, quo secundum Constitutiones Ecclesiasticas connexa sunt, enumeret, non tamen dicit, noctem ordine naturali diem præcedere. Idem etiam faciunt ipsi viri Eccle-
sia-

fiastici: notum enim est, antiquos in sanctorum ac martyrum memoriam non tantum festa instituisse, sed etiam quibusdam eorum majoris honoris ergo Vigiliis addidisse, perinde ac dies dominicales habuerunt profesta, seu Paraschevas, quorum utraqve perinde ac parascheve dierum dominicalium suum habuerunt initium in pridiana hora 3 pomerid. sed hora 4 $\frac{1}{2}$ ipsius festi terminabantur, quæ vigiliæ scil. profesta & parascheve non tantum tempore sed etiam nomine ac Cæremoniis ab ipsis festis diversa fuerunt; unde etiam in datis diplomatum & Codicillorum, a Regibus, Episcopis, Abbatibus aliisque, subscriptorum, non ut ipsum festum aut ejus essentialis pars, sed tantum ut ejus adjunctum nominantur, quæ, remanente & per se subsistente integro festo, facile tolli & abrogari potuerunt: perperam ideo a nonnullis pro essentiali dierum dominicalium & festorum parte habentur. Testantur hoc clarissime.

a) Data Documentorum, ab ipsis Episcopis, Abbatibus, aliisque Clericis confecta, tales habentia subscriptiones. *Vigilia Johannis, Vigilia Laurentii* &c. & cum festa non haberent vigiliis; *in profesto Sti Euberti, Hilarii, Johannis ante portam Latinam* &c.

β) Leges tam Civiles, vulgo *Joursbók* Tit. *Lauds-L. B. Cap. 31.* clare distinguens Vigiliam Botolphi a festo Botolphi, & Ecclesiasticæ passim distinguunt, "*Þvott dags helgi*," & sanctita-

sanctitatem diei saturni, a “Drottinsdags helgi,” vel *sanctitate diei solis*, unde patet, vel ipsorum Catholicorum iudicio profecta & vigiliæ ad diem vel subsequens festum naturaliter non pertinuisse.

§. CXI.

Maximi momenti argumentum, quod ex historiis proferunt, putant esse verba *Snorronis Sturlæi* in Vita *Haconis Adalsteinii* Cap. 15. ita scribentis. “Enn adur var Jolahalld haft høg-
“gonótt, þat var Midsvetrar nótt og halldinn
“þriggia náttajól. „ 3: *Antea festivitas Jolensis celebrata fuit høggonótt, quæ fuit media hyemis nox, eaque festivitas tres noctes duravit.* In quibus non modo suæ sententiæ ingens præsidium ipsis pendent, eo quod festum Jolense a nocte inchoatum fuerit, sed & quod tres noctes duraverit; & tandem in voce *høggonótt*, a quo festum incepisse dicit, magnum invenisse mysterium sibi videntur, unde ea nobis eo accuratius expendenda sunt. Antiqui quidam Codices pro *høggonótt*, habent *hökonótt*, priorem lectionem in Textu habet Edit. Havn. 1777. Versio Danica *hagenat*, quod Scotice redditur *hokenat*, Latine *hoknat*. Doctiss. noster *Torfaus* Hist. Norv. Tom. 2. in Vita *Haconis Adalsteinii* Cap. 7. habet *haukonótt*, & *hokonótt*, cujus rationem & etymon se ignorare fatetur;

ab *haka*, mentum, est casus secundus *hauko*, vel *höko*, & inde *haukonótt* nox menti; ab *hak* vel *haki* uncus, hamus, rei cujusdam extremitas, formari potest *hakanótt*, sed nullius horumulla verisimilis ratio reddi potest. Cogitare etiam aliquis potest, *höggonótt* derivatum esse a verbo *hagga* vel *haggan*, motio, inclinatio, (teste *Gudmundo Andreae* in Lexic.) ut inde formata sit *höggonótt* nox mediæ hyemis, quasi ea jam ad æstatem se vergere aut inclinare inceperit, quod licet magnam non habeat absurditatem, tanta tamen non gaudet probabilitate, ut approbari queat.

Celeberrimus Svecorum Philologus Dominus *Ihre*, in Lexic. Sveogothico Tit. *hokenat* ita scribit. "Rem ita narrat Dithmarus in Chron. Lib. I. p. 12. Est unus in his partibus locus (De Dania sermo est) caput ipsius regni "Ledorum nomine (hodie Leyri) in pago, qui "Selon dicitur, ubi post 9 annos mense Januario post hoc tempus, quo nos theophaniam "Domini celebramus, omnes conveniunt, & "ibi Diis suis 99 homines & totidem equos "cum canibus & gallis, pro accipitribus oblatis, "immolabant.," Unde ille *höggonótt* vel *hokanótt* vult esse noctem falconum; speciosior certe reliquis est hæc sententia, licet non suis careat difficultatibus, & paradoxis, nam *höggonótt* Norvegis quidem nota & usitata fuit, sed utrum etiam Danis familiaris & usurpata fuerit,

incertum est. Secundum *Dithmarum* falconum cædes in Dania tantum, idque in uno pago Hleiddra, & non nisi nono quovis anno, & tandem sæpissime vicaria in gallis loco falconum fieri debuit. Sed altum de falconum cæde in Norvegia est silentium, licet illa regio hoc avium genere magis abundaret quam Dania. Præterea si a falconibus nox hæc nomen habuisset, sine dubio scriptum fuisset *haukanótt*, id enim tam Orthographia, quam compositionis vocum analogia poscit. Sic in *Heimskringla* *haukur* falco, in Vita Olai Triggonis Cap. 60. & Olai Sancti Cap. 90. Nomen proprium viri in Vita Haraldi Pulchricomi Cap. 42. sic in *Landnama-Saga* sæpe, & alibi multoties, sed nunquam aliter.

§. CXII.

Nos in textu Snorronis potius *höggonótt* quam *hökonótt* legimus, nam *at höggva* proprie de animalium cæde adhibetur, ut in phrasi: "*at höggva* buit," *cædere domestica armenta*. Sic in *Laxdæla-Saga* "*þat haust liet Olafur höggva* Uxann," *hoc autumno Olafus bovem cædituravit*; & *Egils S.* Cap. 29. "*geck hann þá til med Öxena kongsnaur, og hiö yxnenn bædi fenn.*," *Accedens securi, quam Rex ei donaverat, duos uno ictu boves percussit*. De equis adhibetur in *Njáls-Saga* Cap. 65. "*högg þú hestinn.*" *occide equum*, & paulopost: "*Kol-*

“Kolskeggur hió höfud af hestenum. „ 3: *Kolskeggus equo caput amputavit.* De ipsius Snorronis Sturlæi eade usurpatur *Sturlunga-Sagæ* Lib. VI. Cap. 31. “högg þú sagdi Simon. „ 3: *ita feri ut moriatur, högg* Nom. Subst. primo significat quemvis ictum & verber, frequenter autem mortem, ut in loqvendi modo: “var “hann leiddur til höggs. „ *ad mortem abductus fuit.* Et in *Egilr-S.* “Grimur liet þá reka “heim yxn sin til höggs. „ 3: *Grimus boves suas domum ad eadem compelli curavit.* Compositum cum voce *Strand*, vocula *strandhögg* notat.

a) Carnes animalium, ut in phrasi “hann “þottist þurfa strandhöggs. „ 3: *recenti videbatur carne indigere, ad reficiendum milites.* ß) Raptum & prædationem quam pyratæ sæpius, in littora exicendentes, in pecoribus exercebant, ut “ad taka. „ vel “giora strandhögg. „ 3: *damnum inferre, quod in pecorum raptu consisibat.* 7) Lanienam pecorum in littore factam, quo sensu sæpius in *Kringla Snorronis* occurrit, scil. in hac locutione “ad höggva strandhögg. „ 3: *marelare pecora in littore maris.* 8) Maxime autem ad nativum hujus voculæ sensum & verum intellectum conducit observare, quod non unice adhibetur de pecoribus raptis & violenter abactis, sed etiam de licite acquisitis & dono datis, modo ad nautam & militem reficiendum usurparentur, ut apud *Snorronem* in *Vita Magni Nudipedis* Cap. 26. 27. ubi de com meatu ipsi

abituro

abituro a Rege Hybernæ promisso & donatō plus simplici vice adhibetur. De alio autem & communi prædationis genere aliis Auctores loquendi modis utuntur, scil. “at heria, giöra
 “hervirki, drepa menn, brenna, ræna fe og
 “mönnum, reka fe til strandar &c.” Et licet non plane pernegem, vocem *strandhögg* quandoque de communi præda usurpatam inveniri posse, id tamen raro & abusive usurpari puto, cum proprie significet nautarum commeatum ex recentibus solis carnibus constantem.

Tempus autem, quo solennis hæc Jolensis laniena facta est, non fuit nocturnum; impossibile enim fuit tantam eqvorum, boum & pecudum copiam nocturno tempore occidere, dissecare, & rite præparare, unde id interdiu factum esse, statuendum est; prima enim carniū coctio de die incepit, ut & ipsa commissatio, quæ in eodem plerumque coenaculo aut delubro habebatur, quo carnes coquebantur, ut ex Vita Haconis Adalsteinii Cap. 18. concludi potest, illaque sæpius in multam noctem protracta esse videtur, ut ex collatione locorum §. XCIII. & CXV. adductorum patet. Cumque hac tempestate tam varii animalium generis magnam carniū molem plus solito deglutirent, alias enim rustici lacticiiniis, oleribus, pisciculisque vesci solebant, primæ commissationis nocti inde nomen dederunt, vocantes eam per Exochien quandam *höggonött*, perinde ac primam festi
 Jolensis,

Jolensis, Paschalis, hiemis, vocarunt *Jolanótt*, *Paskanótt*, &c. licet hæc aliaque festa plures includerent noctes, quæ itidem sic vocabantur; quo sensu tres illæ noctes, quas continuit festum hoc; sano sensu vocari potuerunt *höggonætur*, perinde ac tres hyemis noctes vocantur *veturnætur*; hujus Synonymum est *slátursnótt*, nox carniū, si ex analogia synonymorum aliquid inferre licet, utrumque verbum at *höggva* & *slá* mactare, occidere, notat, & *slátur* perinde ac *högg*, ut in vocula *strandhögg*, nunc carnes significat, ut *Níðlæ* Cap. 40. "var þá borit inn "slatur,, *carnes appositæ sunt*, nunc ipsum mactandi actum ut *slaturstíð*, *slaturslársl*, nunc corpora mactatorum animalium, ut *Sturlunga-Saga* Lib. III. Cap. 25. ubi de nuper occisorum hominum corporibus dicitur, "med ny slátur "er her at fara.,,

§. CXIII.

Unica, quæ hanc sententiam ferit quidem sed haudquaqvam evertit, objectio, est appa-rens tantum sed non realis anomalia composi-tionis in voce *höggonótt*; nam si a voce *högg*, quæ est Neutr. Gen. composita esset cum *nótt*, deberet secundum consuetam compositionis ana-logiam scribi *högganótt*, non *höggonótt*; sed in promptu est sufficiens ratio, & luculenta respon-sio; nam præter antiquorum licentiam, qui de-

talibus minutiis solliciti non fuerunt, & incuriam scribarum, qui facile pro *högganótt*, potuerunt scribere *höggonótt*, nam inter litteras *a* & *o* parvum est discrimen, & facilis lapsus: Responderi potest: quod vocula *högg*, licet hodie tantum in Neutro genere usitata sit, antiquitus tamen vel heterogenea fuerit, vel *högga* in foeminino pariter usitata, ut permultæ aliæ, ex. gr. *hnoss* cinelium & foem. & Neutr. gen. est, & in foem. *hnossar* tantum in plurali usurpatur, *gotz* hodie Neutr. gen. est: & nesciremus, unquam fuisse foem. gen. nisi id nos doceret *Snorro Sturlaus*, in Magni Regis Erlingidæ Vita Cap. 9. scribens: “ þotti honum Biörgvins “ menn vera makleger ad meðtaka gotzo þá á “ *skipunum* var. „, sic *mugg* neutr. gen. & *mugga* foemin. obscurus aer, *hol* neutr. & *hola* foem. cavitas; *drif* Neutr. & *drifa* foem. nix, procella. *gol* Neutr. & *gola* foem. aura. & permulta alia; & sic pariter recte scribi potuit *högganótt* & *höggonótt*; ast cum omnes, qui exstant, antiqui Codices *o* in *höggo*, *hauko* & *hökonótt*, non verò *a* habeant, illud huic præferendum esse censemus. Sed utcumque hæc sint, ex reliquis tamen patet, *högganótt* satis commode per noctem lanienæ & carniū explicari posse. Hanc noctem auctor dicit fuisse, “ Midsvetrarnott „, æ: mediæ hyemis noctem, sed utrum diem mediæ hyemis præcesserit, an subsequuta fuerit, non dicit; si prius subintelligitur, referendum est ad
id

id, quod diximus §. XCII. CIII. n. 4. & CXV. pridie enim ad talia conveniendum fuit. Conf. *Eigils-S.* Cap. 32. *Sturlunga-Saga* Lib. VII. Cap. 6. aliasque passim. Sin posterius, habemus, quod volumus, accurate cum nostra *Gragas* concordans, dicente, “dagur skal fyrr koma enn nótt alls Misferrestals. „ *id est dies noctem in omni temporum computo præcedere debet.* Quod autem sequitur: “og halldin þriggia náttu jol. „ indicat, hic tria hemeronychia subintelligi, quod facillime fieri potuit; qui enim primam commissionem primo festi die post meridiem inceperant, eamque in multam noctem protraxerant, quarto tandem die, antequam ab invicem discederent, ultima vice immolabant & combibebant, ut festivitas hoc modo triduum, quod idem est ac tres noctes, duraret, in talibus enim non minutissima requireretur temporis observatio. Noctium autem numero Auctor hic utitur, ut alias sæpe, ad vitandam ambiguitatem, ex dierum numero convenientem, cum tempus hoc contineret tres noctes integras, sed duos tantum integros dies, semissesque duas primi & ultimi, quæ tertium efficiebant, sed alias pro duobus accipi potuissent: ex quibus patet, noctis prærogativæ tutores hinc parum lucrari.

§. CXIV.

Alterum ex *Sturlæo* petunt argumentum, loquente de convivio, ab Olao Sancto in initio Anni 1029 celebrato, & donis, ab eo in præfentes magnates & amicos collatis. “*Þat var hinn síöunda dag jola at Kongur geck og faer menn med honum — þeir geingu í hús eitt, þar veru hyrdir dyrgriper Kongs, hann hafdi þá vidurbunad mikenn sem vandi var til, heimti samann dyrgripe sina til þess at gefa vingiafir hit attunda kvölld jola.*”, quod in editione *Peringskiöldiana* ita Latine redditur; *circa feriam solennem septimam, forte paucis comitantibus prodierat Rex — — Armarium tandem ingressi sunt, ubi pretiosa Regis servabantur, utensilia, illuc comportata, ut feria solenni octava, circa novi anni auspicia strenæ loco a Rege distribuerentur; unde inferunt.*

1) Snorronem hic expresse nominare septimum festi diem, & eidem tribuere octavam festi vesperam, unde sequi necessum sit, quod dies & annus tum temporis a dici vespera inceperit: responderetur autem, Snorronem septimum diem & octavam vesperam non conjungere, sed manifeste distingvere; vult enim innuere, ut fuit Rex Olaus vir sanctus, id est in alios morosus, ita & suas res & actiones certo observato ordine ac magna gravitate peregit: hinc jam instante festo novi anni pridie, seu festi Jolensis

lensis die septimò, armarium suum, paucis amicorum intimæ admissionis stipatus, ingressus est, ad dispiciendum, quodnam Cimelium cuiusvis amicorum & magnatum, quos ad se vocaverat, postridie seu die septimo dono daret, ne in ipsa aula inter tantas festivitates, in tot nobilium virorum præsentia, de tali re hæsitare aut consultare opus haberet.

Instant. 2) Non permisisse tempus & commoditates aulæ, ut omnibus prætorianis militibus die festo a Rege stipendia numerarentur, ideoque id pridie factum esse, ut historiæ plus simplici vice docent, Reges & Dynastas solvisse stipendia “at jolum, at attadege, at kyndil-
“messu,, 3: *ante & sub hac festa, vel pridie eorum.*

Respond. Non nego, fieri potuisse, ut stipendia militibus quandoque pridie festorum soluta fuerint, sed ipso festo id etiam factum esse, constat, non quidem ab ipso Rege, sed ejus quæstore, qui satis bene scivit, quantum cuicunque jure debebatur; dona autem & Cimelia ipse Rex distribuebat, idque ipso festo, finito convivio. Vide præter multos alios locum de Magno Rege in CVIII. §. allatum. Præterea “ad
“jolum, at nyarsdege,, &c. non semper notat *sub & ante*, sed sæpissime ipsum nominatum tempus ut “at aptni, at morgni, at veitslunne,,
3: *mane, vespere, in convivio.* Hinc Torfæus Norveg. Tom. III. Lib. 10. Cap. 3. “at kyn-

“dilmessu „ vertit *festo Purificationis*, & Tom. IV. Lib. 4. Cap. 10. “at attadege „ vertit *festo novi anni*: similiter etiam purpuratis & amicis Regiis, sed non gregariis militibus, dabantur, magna autem urgente necessitate ac numerorum penuria, diffringebantur argentea suppellectilia, & aut frustulatim ponderata dividebantur, ut factum est anno 1263, aut cusi ex argento nummi, stipendii loco numerabantur, ut Anno 1240 fieri curavit Rex Hacon Haconides, “og at hinum attunda dege liet Kongur “bríota í fundur oll silfurker ogillt, og giordi “hyrdmönnum god skil. „ sed hic non talis facti seu numerationis stipendii ulla mentio, sed tantum donationis Cimeliorum amicis factæ.

Instant. 3) Sighvatus certe fuit miles prætorianus, cui die septimo ensis a Rege datus fuit. Respond. Sighvatus, qui antea fuerat gregarius miles prætorianus, jam vero Regius poeta & Stallarius factus, & quod omnia hæc superat, amicus intimæ admissionis & fidei, Regi familiarissimus, videns gladios illos pretiosos, fuso ex tempore eleganti carmine, petiit, ut quidam eorum sibi donaretur, quo Rex ita delectatus est, ut ei strenæ loco, postero die tradendæ, statim pretiosissimum enssem dono daret; de strenis enim hic in amicos dividendis agitur, sed non ordinario stipendio militibus solvendo. Sed utut hæc omnia sint, id tamen certum, quod Snorro octavæ huic, quam nominat, vespere

speræ tribuit id, quod revera ad octavi diei festi Jolensis seu primam Januarii vesperam pertinuit, & consequenter hic nocti nulla conceditur prærogativa.

§. CXV.

Communiter etiam utuntur noctis prærogativæ fautores hoc *Gunnlaugi Monachi* dicto in *Vita Olai Tryggvini*, edit. Schalh. Part. II. pag. 147. ut apodictico argumento, “nú kemur
“atti dagur jóla; umm kvolldir geingu III menn
“í höllena, enn kongur sat yfir bordum.,” &c:
cum jam adesset octavus festi Jolensis dies; ves-
spere tres viri aulam intrarunt, cum Rex mensæ
assideret, ubi de initio octavi diei, a vespera sep-
timi diei incipientis, loqui contendunt, quod
tuto negari posse putamus, freri loco plane pa-
rallelo apud eundem auctorem, qui paulopost
in eadem relatione occurrit. “Nú lyður vetur-
“inn og kemur annar átti dagur jóla, og er
“kongur í kyrkiú og menn hans, og hlyða
“messu, þá komu þar III menn; síðann geingur
“Kongur til borda.,” &c: Sequenti hyeme adest
alterius festi Jolensis octavus dies, quo Rex cum
satellitibus suis. in templo Missam audit; tunc
tres viri templum intrant, Rex autem deinde in
triclinium se conferens, ad mensam assedit. Hic
posterior locus priorem ita explicat, ut manife-
stum sit, auctorem non vocare vesperam septimi

diei *attadag*, seu diem octavum, sed priore loco, perinde ac posteriore, loqui de ipso octavo die adulto seu festo circumcisionis Domini; potuerunt enim viri isti in urbem venire circa meridiem, licet non aulam intrarent, & Regem convenirent, priusquam tempus coenandi adesset; nam Auctor posteriore loco expresse de adulto die seu ipso meridie dicit. “*Nú kemur annar attidagur jola, og er Kongur í kyrkio.*”, 3: *Alter octavus dies adest, cum Rex in templo sacris interesset.* Unde clare conspicitur, quam debilia, dubia, & quandoque ipsorum etiam sententiæ contraria sint adversariorum argumenta, ejusmodi sexcenta licet proferre, si non temporis, labori, & lectorum patientiæ parcendum putaremus. Omnia enim aut ad §. XCII. aut seqv. §. pertinent, aut hoc modo explicari debent.

§. CXVI.

Alterum idem auctor illis suppeditat argumentum Part. I. Cap. 44. de Jomsvikingis ita scribens, “*þeir Jomsvikingar drecka akastega, og hit fyrsta kvöld fær á þá miög.*”, 3: *Avide biberunt Jomenses, ita ut prima vespera valde inebriarentur.* Unde hoc modo concludunt: si magnificentissima convivium, quale fuit hocce, a vespera & ineunte nocte inchoata fuerunt, sequitur, diem a vespera inchoatum fuisse, cum

prior

prior & potior dici pars tali festivitati dicata fuit.

Quibus respondetur. a) Quam invalida, torta & hiulca sit hæc consequentia, nemo non videt, quare ejusdem refutationi tempus perdere, & Lectori tedium creare nolumus.

b) Inchoatio conviviorum a vespera omnino referenda est & resolvenda ex supra allatis §. XCII. quo Lectorem remittimus, quæ historiarum testimoniis ad nauseam usque probari possunt, ut sunt *Eigils-S.* Cap. 32. "Þetta kvöld kom Eiríkur Kongur og Gunnhildur Drottning til Atleyar, og hafði Bardur búið þeim veitlu, og skyldi vera disfablót.," 3: *Hoc vespere Rex Ericus & Gunnhilda Atlejam accesserunt. Bardus autem convivium illis paraverat, vocatum Disablót, ubi vespertinus Regis adventus & hospitalitatis leges, seu mos advenas & hospites primo advenientes laute excipere, vespertini convivii causa fuisse videtur, non vero noctis præ die prærogativa, nisi forte natura sacrificii Disablót nocturnum tempus poscerit. Sic Sturlunga-Saga Lib. IX. Cap. 2: "Nú komu menn til veitslunnar Laugarkvöldit.," & alibi*

c) Gunnlaugus hic revera nihil aliud dicit, quam quod vespertinae primo convivii die, cum Jomsvikingi diu strenue bibissent, ita, inebriatos esse, ut quid voverent, parum curarent. Conf. quæ de hac re dicta sunt supra §. XCIII.

§. CXVII.

Cum rerum perplexarum causæ & consequentiæ sæpissime ipsis rebus lucem affundere soleant, harum neutræ hic prætermitti debent, causa enim legislatoris intentionem, consequentia autem fructum & effectum ostendit. Quod itaque causas hujus innovationis attinet, constat, eas fuisse Ecclesiasticas & Cæremoniales, easque iterum aut generales & remotas, aut speciales & proximas.

Generales itaque & Remotiores hujus legis causæ fuerunt.

a) Inanis Judæorum imitatio, quorum simiam Romana Ecclesia sæpe egit.

β) Affectata quædam conformatio cæremoniarum, in Ecclesiis quibusdam orientalibus usitatarum, quibus sufficere non videbatur, ut recepto Christianorum more diem dominicam cultui divino destinarent, sed eidem etiam diem saturni aut ejus partem consecrantes, festivitates ab hora 12 diei Saturni inchoarent.

γ) Sine omni dubio notissimum illud Catholicorum axioma, *bona opera ad salutem esse necessaria*, cumque ea, quæ lex divina facere mandat, perparva & nimis vulgaria viderentur, electitia etiam & supererogationis opera poscebant, quorum superfluitate talium egenis subveniretur, jam vero præceptum de sabbato sanctificando inter summa numerabant, & opera ad
id

ad pertinentia maxime necessaria & summæ sanctitatis esse judicabant. Hinc talem de sabbato fixerunt legem, quæ ei non modo integrum diem naturalem, seu 24 horarum tempus, tribuebat, ut in lege divina factum esse videtur, sed addiderunt præterea 9. præcedentis diei horas, quæ Paraschevis loco essent, ad opera supererogationis præstanda.

δ) Causa autem propior & specialis, ob quam electitium hocce tempus ab hora 3 pridie Sabbatum inchoarunt, & tandem in hora $1\frac{1}{2}$ vel $4\frac{1}{2}$ matut. postridie sabbatum terminarunt, fuit imitatio mortis & quietis Christi in sepulcro; noverunt enim, animam efflavisse circa horam 3. & ideo initium quietis sabbaticæ ad eandem alligarunt; notum etiam illis fuit, cum circa primam auroram die tertio surrexisset, cum circiter 38 horas mortuus fuisset, quas etiam quieti sabbaticæ dandas esse jusserunt, quo pacto & legem impleverunt, & typo Christi satisfecerunt, tandemque haud contemnendum supererogationis opus præstiterunt.

ε) Ultima autem, proxima & efficacissima causa, in cujus gratiam omnes enumeratas in unam confuderunt massam, fuit vigiliarum confirmatio, & profestorum & postfestorum stabilitum. Hæc enim ut clero fuerunt lucrosissima, cum transgressores legis sabbaticæ gravi mulcta punirentur, ita ut illis divinæ institutionis speciem quandam conciliarent, omnem mo-
verunt

verunt lapidem, quod longo post tempore tandem perficere potuerunt.

6. CXVIII.

Post causas observandus est progressus, qualis fuit. Prima hujus consuetudinis vestigia, (id est festivitates a vespera pridiana inchoandi) occurrunt ad annum 997 cum Thangbrandus quidam Germanicæ nationis sacrificulus aut Episcopus, ut a quibusdam insignitur, novam, id est Christianam religionem Islandis annuntiaturus, apud Hallum de Sydu hyemans, festivitatem diei, Archangelo Michaeli dicati, debitam, ad horam 3 pomerid. pridie ipsum festum ordiretur, quod Hallo, patriarum & Norvegicarum antiquitatum callentissimo; ut insolitum quid summæ fuit admirationi. Eundem morem Olaum Crassum Norvegiæ Regem Islandis in-jure Ecclesiastico, quod illis circa annum 1019 transmissit, inculcasse, dubitari non debet. Solennissime autem introductus, & communi nationis consensu in leges publicas relatus fuit Anno 1123, cum Thorlakus & Ketillus Episcopi, instinctu Adzeri Archiepiscopi Lundensis, novum Islandis jus Ecclesiasticum per Sæmundum Multiscium, adstipulante regionis Nomophylace, & reliqua magnatum ac plebis multitudine, præscripserunt, quorum vestigia legit Arnas Thorlaci Schalholtenis Præsul, qui idem Anno 1275,

in

in novo, a se conscripto, jure Ecclesiastico renovavit & constituit, scil. quod festivitates seu præparationes Cæremoniarum, ordinariis diebus dominicis ac festis debitæ, a pridiana hora 3 pomerid. ordirentur, nisi singularis impediret necessitas, in tali enim casu aliæ diei metæ pro re nata præscriptæ fuerunt, ut ex ipsis hisce legibus, & aliis idem præcipientibus edictis ac constitutionibus disci potest; de quibus omnibus & quotquot aliis, quæ aliquid de hac re agunt, legibus ac constitutionibus id notandum, quod tantum de initiis & fine cæremoniarum sacrarum, diebus festis observandis, sat anxie agant, sed de communi ac naturali dierum initio ac fine ne verbum quidem habeant, quod ullam antiqui moris immutationem secum ferat aut intendat.

§. CXIX.

Introducta & in leges relata dierum dominicalium & festorum celebrationem ab hora 3 prid. inchoandi consuetudo, constanter quidem duravit ab Anno 1123 ad 1275, sed valde (ut videtur) varie observata; magna enim Cleri pars & infima plebs, nisi cum a magnatibus, dissolute viventibus, in contrarium traheretur, legibus eatenus observantiam præstitit, ut pridie festorum post horam 3 a necessariis operibus oeconomicis abstineret, sacrorumque administrationi in-

interesset, sed nihilominus ad ludicra & opera minus necessaria hoc tempore abuti non veretur; Magnates autem ipsi, & longinqua fecerunt itinera, cædes patrarunt, prælia commiserunt, & quicquid libuit, peregerunt, præter opera domestica in legibus prohibita, ab illis enim abstinuisse videntur, ut cuivis, hujus temporis historiam legenti, apparebit, nec unquam tamen eapropter ab Episcopis & Clero mulctati, aut pæna quadam affecti, ita ut tota hæc sabbati sanctificatio superficialis, & feriati potius dies, quam veræ feriæ plerumque fuerint. Sed post mutationem regiminis Reipublicæ, & cohibita Magnatum licentia, maxime autem post editum & Anno 1275 in leges relatum jus Ecclesiasticum Arnæanum, accedente simul summa injuria, & subsequens Episcoporum strictissima disciplina Ecclesiastica, hæc rerum facies in scrupulosam festorum observationem mutata est, paulatimque superstitio & ignorantia eo processerunt, ut ipsi tempori inhærentem quandam & naturalem sanctitatem adscriberent, quam superstitionem etiam antea apud quosdam locum habuisse, nemo negare potest, nam ex hoc fonte loquendi modorum varietas, de qua §. LXXXII. egimus, quæ apud Auctores, de festorum initiis scribentes, occurrit, omnino derivanda viderur; ultimis autem ante reformationem Lutheri seculis, licet festorum, ut & vigiliarum, profestorum ac dierum lotionum seu

Saturni sanctitatem in majorem & minorem discernent, omnibus tamen magnam sanctitatem tribuerunt, ita ut qui vigiliis & profestis aliquid detrahere auderet, profanus & impius haberetur; tandemque seculis 15 & 16 huic dogmati, quod quivis dies naturaliter & ex divina constitutione ab hora 3 pridiana inchoari deberet, omnes assenserunt, & ut fundamentalem fidei articulum crediderunt, ac strenue defenderunt, unde de reliquorum dierum naturali principio illis analogo, persuasio nata est, & apud posteros ad nostra usque tempora firmas fixit radices.

§. CXX.

In aprieum hoc modo ductis hujus rei causis & progressu, dispiciendæ etiam sunt consequentiæ, hæc enim tria cujusvis rei & negotii adjuncta optimam de ipso dant ideam, & cognoscendi facultatem. Si itaque verum esset, quod majores nostri ipsum diem a vespera, seu horis, quas festis inchoandis statuit Jus Ecclesiasticum, exorsi fuissent, omnino sequeretur.

1) Multiplex cujusvis dici naturalis initium apud eandem gentem in eadem Republica, nam ut quidam festivitates ab hora 3, quidam a $4\frac{1}{2}$, quidam a 6, & denuo quidam a $7\frac{1}{2}$ inchoare potuerunt, ita etiam diem naturalem, si eas ad regulas Juris Ecclesiastici adaptare licuisset, quod

quod quantæ in una Republica confusionis causa existere potuerit, nemo non videt.

2) Cum negari non possit, ferias sacras ab hora 3 diei Saturni ad horam $1\frac{1}{2}$, vel ut quidam volunt ad 3 vel $4\frac{1}{2}$ antemerid. d. Lunæ durasse. O! quam monstrosi dies naturales existissent, si eodem modulo ac pede dimensi fuissent, tunc enim non 7 dies sed tantum $4\frac{1}{2}$ unam hebdomadam effecissent, aut

3) Si quævis septimana nihilominus suos 7 retinisset dies, illi valde fuissent inæquales, hoc fere modo. Dies dominicus suas retinisset $37\frac{1}{2}$ horas, quinque vero sequentes 24 horas, a $4\frac{1}{2}$ antemerid. ad idem momentum sequentis diei, usque ad horam $4\frac{1}{2}$ antemerid. d. Saturni, cui tum tandem relictæ fuissent $10\frac{1}{2}$ usque ad 3 pomerid. cum dies dominica iterum inciperet.

4) Sed esto! rejiciantur omnia hæc, statuetur 24 horarum dies naturalis simpliciter initium habuisse ad præscriptum Juris Ecclesiastici, hora scil. pomerid. 3. quid inde sequitur, nisi quod Episcopis tanta fuerit potestas, ut hac una constitutione antiquum abrogarent morem, & permultas consuetudines ac constitutiones Oeconomicas & politicas immutarent, ita ut ex eorum nutu dies naturalis initium mutatum fuerit, quod factum esse, §. XC. & seq. probatum est.

5) Cum hæc immutatio haudquaquam Reip. causa fieret, nec ullum ejus honorem aut emolumentum.

lumentum pro fundamento haberet, sed contra ex eadem multa ad publicum redundantes confusiones & incommoda timenda essent, non modo verisimile, sed manifestum est, viros politici ordinis, qui hoc tempore ad gubernacula Reipubl. sedebant, nunquam id fuisse concessuros; imo ipsi Episcopi Thorlacus & Ketillus, ut & Sæmundus Polyhistor, qui in his constituendis utramque fecit paginam, tanto tenebantur Reipubl. amore, ut inanis & nocivæ cæremonix causa, Reipubl. & communis Oeconomix statum turbare nollent; cumque prorsus nihil enumeratorum, quæ hanc mutationem, seu talem dici naturalis formam, qualem ex Juris Ecclesiastici præscripto, emanare necessum fuit, unquam exstiterit, aut auditum sit, totam hanc, quam crepant mutationem, nunquam fuisse veram, realem, aut actualem; sed imaginariam tantum & verbalem, in cessatione a laboribus, in jejuniis, processionibus, & talibus cæremoniis, ad profesta & vigiliis unice pertinentibus, consistentem, manifestum est, etiam præter alia ex Juris Ecclesiastici Cap. 34. de diverso noctis initio, quod carnivori & a carniû esu abstinentes, diversis anni temporibus observare tenebantur, quod plene imaginarium, arbitrium, & mere Cæremoniale fuisse, ipsa diversitas plane ostendit.

Sva skal hann varna vit
"kiötví næturnar þær er logseyllir er at fasta,
"sem um daginn effer. Þá skal nótt vera á
Q "haust

“ haust oc á vetur, er madur má ei sia dag, oc
 “ veri hann þar sem hann mætti síá á haf ut í
 “ leylausu vedri. Þá skal Nótt vera á Sumar
 “ er sol geingur um Norduratt. Þat er Nordur
 “ átt er sol er kominn í beggia átt Nordurs ut-
 “ nordurs, til þess er hún kemur í beggia átt
 “ Nordurs oc Landnordurs. „ 5: *Noctibus, per*
quas jejunandum est, æque ac die insequenti a
carne abstinendum est. Nox autumnō & hyeme
adesse censetur, quando dies conspici non potest,
e loco, unde prospectus in altum aere serenopetet.
Nox æstate adessee censetur, quando sol plagam
borealem affectus est: plaga vero borealis est,
quando sol in plagam utriusque Boreæ & Cori
pervenit, & usque dum in plagam boreæ & me-
sis trausit.

6. CXXI.

Cum demonstratum & evictum sit, antiquos
 Islandiæ incolas diem non a vespera, sed a tem-
 pore matutino inchoasse, dispiciendum tandem
 est, quo præcise temporis matutini momento
 id fecerint; hoc si didacticis argumentis pro-
 bari non potest, ex antiquis tamen legibus, hi-
 storiis, aliisque eo spectantibus documentis val-
 de probabile reddi potest, id factum esse hora
 4½, cum sol punctum Arcticæ occupat: sunt-
 que illa.

1) Antiquus Legum Codex *Jónsbók*, qui Tit. *Landsl. B.* Cap. 16. jubet opilionem tam mane surgere, ut armenta & greges heri sui, quæ nocturno tempore limites transgressa fuerant, ex vicinorum pascuis abegerit, eum sol punctum Orientis attigit 5: hora 6. “*oc heita* “*þat hyrdis Rismál.* „ 5: *hoc tempus* (non quo opus absolverat, sed quo surgendum erat) *vocatur opilionis surgendi tempus.*

2) Secundus noster testis erit *Jus Ecclesiasticum Thorlac-Ketillianum*, quod Cap. 4. de templorum & demortuorum translocatione agens, jubet curiatis, quibus opus id injungitur, adesse & opus aggredi “*á midium morgni* „ 5: *hora 6.* ubi illis una antiquorum hora, sed nostra sesquihora, a diei initio & surgendi tempore, ad præparationem & profectiorem a suo domicilio ad locum, ad initium operis conceditur.

3) Est *Vigaglums-S.* Cap. 25. docens, Glumum citasse hosles suos, ut ad audiendum jusjurandum adessent Storadali, “*á midium morgni* „ 5: *hora matutina 6.* ubi, pariter ac mox allegatæ leges, sesquihoram a comuni surgendi tempore ad præparationem, & iter faciendum attribuisse videtur.

4) Quartum argumentum aut verisimilitudinem ducimus a *Jure Ecclesiast. Thorlaco-Ketilliano* Cap. 20. abstinentiam a carnium esu per totum tempus quadragesimale jubente, sed

eundem permittente primo Paschatis mane, quam primum radiorum reflexio in summis montium cacuminibus conspicitur, quod festo Paschatis in Islandia semper incidit ante horam 6 sæpissime circa horam 5, sed aliquando cum Pascha in 21 Aprilis incidit, qui ejus ultima festus est, hora 4½ accidit. “Enn þá skal ei kiöt eta “á þeim fiö vicon fyrr enn sol rennur á fiöll “Paskadag., 3: *sequentibus vero 7 hebdomadibus carne vesti omnes prohibentur, antequam sol die prima Paschatis montes illuminat.* Hac autem constitutione legislatores carnis voracibus obicem ponere voluisse videntur, ne unquam jejunium quadragesimale carniū esu frangere, & se ipsos tam immani peccato contaminare præoccuparent.

5) Nescio, an huc etiam spectet generale illud legis effatum. “Sol skal rada um sumar enn “dagur um vetur., Id adhibetur de actionibus forensibus, & quibusdam Oeconomicis, omnibus autem applicari non potest, cum tempore brumali dies non multum ultra 10 horas conspiciatur, sed si cum eodem salis grano accipiat, quo alia antiquitatis effata accipi necessum habent, scil. ut per anni quadrantem & quod excedit, de hoc temporis puncto aut ex aliorum syderum motu, aut ex consuetudine & naturali sagacitate iudicium vel conjectura fiat, quod in talibus casibus leges aliquando permittunt, optime in hanc materiam applicari potest.

6) Op-

6) Optimum & fortissimum, quod jam in promptu habemus, argumentum, est finis ultimi noctis trihorii, dicti antiquitus “*efri luti natur*,” 3: *superior noctis tempestas*, sed deinde *Ottā*, cujus finis, optimorum Criticorum & antiquariorum fide, in hoc temporis punctum seu horam 4½ incidit; diem autem ibi incipere, ubi nox definit, apud omnes in professo est; quod alio firmissimo confirmatur argumento, nempe quod medirullium subsequens trihorii in finem horæ 6 incidit, quod ut verum est, & non modo omnium consensu, sed & ipso nomine “*Mid-urmorgun*,” 3: *medium mane* confirmatur, ita etiam verum, quod dies antiquitus ab hora 4½ incepterit, quod clarissime ex Islandorum horologio conspici potest, cujus Sciagraphia ad calcem *Rimbeglae Perill. Suhmii* cura edita est.

7) His licet adjungere plerarumque gentium Europæarum morem, illis quasi innatum, & a majoribus per manus filiis ac nepotibus traditum, quod operarii & artifices, ut sunt sartores, futores, pistores, molitores, cerevisiarii, fabrorum omne genus, & quam plurimi alii, omnes quasi ex edicto diem ab hora 4 seu 4½ inchoare soleant, deses enim inutilis & torpidus apud eos audit, qui non ante horam 5 somnum rumpit, & operi se accingit.

§. CXXII.

Hæc jam proposita sunt utriusque partis potiora argumenta, quæ ideo anxie collegimus, & hic tam luculenter explicavimus, ut ipse Lector de eorum valore judicare queat; habet pars, dici prærogativam præ nocte affirmans, antiquissimi Legum Codicis *Grægas* dicti, qui unacum legibus *Ulfiotianis*, ex quibus desumptus est, supra 300 annos in universa Islandia vim legis habuit, non simplicem relationem, sed generale mandatum, cui toto hoc tempore & forte diutius nemo unquam contradixit, ut dies noctem in omni temporum computo præcedere deberet; habet lectissimorum Civilis historiæ conditorum exempla, qui tali computo utuntur. habet legum Ecclesiasticarum exempla, noctes quidem nominantia & numerantia, sed nihilo secius diei prærogativam cedentia. Habet tandem tales consequentias, ex quibus nihil absurdum sed quod concinnum est, & cum aliis veritatibus facile conciliari potest, emergit. Contrariæ autem partis argumenta, quæ nocti prærogativam tribuunt, quædam sunt particularia, de certis temporibus & rerum circumstantiis agentia, quibus sublatis, nihil probant. Quædam ita ambigua, fucata & colorata, ut detecta ambiguitate, & colore detracto, contrariam sententiam magis firment, quam eruant. Quædam denique magis de suæ thesæos novitate testantur, quam

ejus

ejus antiquitatem stabiliunt; tandemque tales habent consequentias, quæ cum aliis veritatibus conciliari nequeunt, sed varias inferunt absurditates, quod ex supra allatis facile probari potest.

De Islandorum autem Consuetudinibus, ad hanc rem pertinentibus, adeo prolixè egimus, partim quia eorum res & documenta nobis quam aliarum gentium notiora sunt, partim etiam, ut aliis Septentrionis gentibus, ex eodem stemmate oriundis, easdem quondam aut similes habentibus leges & consuetudines, jam vero in eaverfantibus opinione, quod earum majores antiquitus diem naturalem a vespera inchoaverint, exemplum præiremus, suas pariter antiquitates attentius scrutandi: suspicio enim, eaque non prorsus vana ex nostris rebus sic cadentibus nos cepit, vicinos nostros, Norvegos puta, Svecos, Danos, Germanos, forte etiam Gallos & Anglos, eadem in his ac nos fata expertos fuisse; id est: eorum majores noctes quidem in certis casibus; & ad evitandam ambiguitatem numerasse, sed tamen diem naturalem a mane inchoasse, introducta autem religione Christiana, occasione vigiliarum & profestorum, a pridiana hora 3 vel etiam ab ipso meridie inchoandorum, in suspensionem venisse, quod diem a vespera inchoarent, usque dum tandem omnes, Romanorum more, diei a media nocte fixum statuerunt initium.

EPILOGUS

proposita in Compendio exhibens.

§. CXXIII.

Ex hætenus dictis sat superque patet, nec unquam in Sacra Scriptura conceptis verbis dici, diem ante noctem existitisse, nec ullum SSræ locum proferri posse, qui id probet, cum omnia, quæ huc referri, & ad probandam hanc thesin adhiberi soleant, aliam haud minus probabilem tolerant & accipere possint explicationem: nam tenebræ, quæ *Gen. 1. v. 2.* memorantur, nec fuerunt nox proprie sic dicta, nec ullam ad noctem illam *v. 5.* a Deo creatam, & ordinatam, respectum aut relationem, nec ad diem oppositionem habent, cum ex cit. versu manifestum sit, primo diem, & deinde noctem, qualia ab eo tempore mundus ea habuit, creata fuisse; nam ut recondita illa materia, de qua loquuntur SSræ Interpretes, & gentium Chaos, non fuit coelum nec terra, nec sol nec firmamentum, non lux nec stellæ, non homo nec alia animantia, quæ paulopost, Deo jubente, exstiterunt, ita nec tenebræ fuerunt naturales & a Deo creatæ naturalis nox, quæ tandem die primo post lucem creata & constituta fuit. Nec verba *Mosis Gen. 1.* sexies repetita: *Et factus est vespër una dies.*

dies, ullam nocti præ die prærogativam dant, habuit enim facer scriptor causas gravissimas supra memoratas, cur ita scriberet. Taceo, quod in prolixo hoc *Geneseos Libro* ne verbum quidem hac de re occurrit, Annorum 2369 historiam continente, & rerum momenta accurate memorante.

2) Si divino scriptori tanti videbatur interesse, ut primam creationis horam sciremus, ut eam in eodem Capite sexies indicaret, cur ergo nusquam dixit, quo mense & quo anni tempore id factum fuerit?

3) Qvis tandem revelavit, quod quæ *Gen. I. v. 1. 2.* continentur, circa horam 6 vespertinam facta sint, & mox post illorum creationem prima nox exstiterit, sed die postero, qui fuit 26. Octobris, lux & alia, quæ *v. 3. 4. 5.* memorantur, facta fuerint?

4) Taceo denique alias æque incertas opiniones, non diversas modo, sed ita inter se pugnantes, ut quid credas aut ubi pedem tuto figas, invenire non possis; optimum itaque factu videtur, ut nihil certi de ea re statuamus, quam Deo nobis revelare non placuit; omnia enim, quæ hac de re a patribus, Christianisque Commentatoribus scripta sunt, in meras abeunt conjecturas, quod cordate fatetur D. *Lutherus* in *Gen. I. v. 1.* "Wir haben keinen Den wir
" in diesen Auslegungen sicherlich nachgehen und
" folgen könnten, darumb wollen wir einen jeden
Q 5 " seinen

" seinen judicium und gutdünken lassen, und
 " sagen davon was unsere Meinung sey. „
 Sed Rabbīnorum relationibus, quando extra scripturam vagantur, quid tribuendum sit, notius est, quam ut illæ quæquam morari debeant.

§. CXXIV.

Unde ut omnino incertum est, tacente SSra, quæ hora Patriarchæ tam ante quam post diluvium diem naturalem usque ad educationem populi ex Ægypto inchoaverint, ita certum est, Deum per Moſen Israelitis mandasse, ut Paschatos & Expiationis festa a pridiana vespera inciperent, quod illi aut per cultum electitium, aut monente Moſe in præparatione reliquarum festivitatum imitati sunt; plane vero incertum, quod dies profestos seu diem naturalem eodem tempore inchoare jussit, imo certius & verisimilius, quod hoc nunquam mandaverit, certe tale mandatum in Libris Moſaicis non exstat, nec extra controversiam est, quod hoc Judæi communiter fecerint, usque ad captivitatem Babylonicam. Vide §. XXX. sed ex eadem reduces, præsertim sequioribus seculis, non est negandum, mandatum Dei de Sabbati inchoatione etiam ad alios dies extendisse; tunc enim innumeræ superstitiones, præsertim de Sabbato, Vide 1 Macc. 2. & rebus ad externas cæremonias pertinentibus, plus nimio expullularunt, &
 licet

dicet diem naturalem a tempore matutino inciperent, hujus haud spernenda existant documenta, ut aperte fatentur magni nominis Theologi, ut ex §. LXVI. constat; a gentibus tamen ob scrupulositatem circa Sabbati inchoationem & celebrationem adhibitam; imputatum fuit, & creditum, quod omnes dies a vespera inciperent; cum vero quæ ultimis templi posterioris temporibus hac de re statuerint, aut fecerint, parum ad nostram thesin faciat, illis non immoramur.

§. CXXV.

Ut sacri Codicis dicta nihil decisivum pro nostris prærogativa habent, ita multo minus tale quid ex gentium consensu & constanti more, diem a vespera inchoandi, elicias. Quod Judæorum vicini, Arabum scil. magna pars, Ægyptii & Phœnices, eorumque Coloniae per universam fere Africam, magnam Græciæ & Asiæ Minoris partem, dispersæ fuerint, suis locis supra relatum est, sed quotquot eorum diem a vespera inchoarunt, id a Judæis accepisse, valde est probabile, ut expresse nobiscum fatetur *Rezzius*, loco supra ad §. LXVI. citato dicens. “ Ob
“ celebrem Mosis famam multæ gentes orientis
“ suos dies ab occasu solis exortæ sunt, imo multo
“ verisimilius, quam quod a parentibus ad No-
“ chum & Adamum usque, id quasi per manus
“ tradi-

“ traditum fuerit, nam si hanc consuetudinem tam
“ mordicus tenuerunt, cur non plures multo speciosiores & utiliores, tam ad religionem quam
“ Oeconomiam pertinentes, retinebant. „ Taceo, quod antiquissimi scriptores, qui hoc & alia referunt, partim sint suspecti, quod aut sint supposititii aut interpolati, ut *Santhoniaton*, *Orpheus*, aliique, partim recentiores, quam ut de antiquissimis populorum consuetudinibus dijudicare potuerint, ideoque de suo tantum tempore & proximis seculis fide digni, omnes autem vel plures alienigenæ & extranei, quod ab aliis acceperunt, sive verum sive falsum, scripserunt, & posteris propinarunt. Accedit tandem, quod plurimi populorum festivitates a vespera inchoarunt, non quod omnes dies ita inchoandos esse sentirent, sed ne ulla mora in ipso festo celebratis inchoationem tardare posset. Hic autem mos peregrinis sufficientem præbuit cogitandi, divulgandi ac scribendi morem, hanc gentem omnes dies a vespera inchoasse. Desunt tamen probationes, quod hunc morem potius a Noachidis, quam aliis, aut aliis de causis acceperint, quas ut impossibile erit producere, ita multo satius est statuere, Phœnices & Ægyptios aliosque Judæorum vicinos id ab his didicisse, & ad suas colonias propagasse, quod multo est verisimilius, sed unde illum morem habuerint Judæi, supra dictum est.

§. CXXVI.

Quod autem gentes Septentrionis attinet, nos præeunte Celeberr. *Bocharto* Phaleg. Lib. III. Cap. 12. aliisque eruditis, cum magno numero sequentibus, Japheti filiorum Thubal & Mesech posteros statuimus primo in regionibus Asiæ Septentrionalibus inter Mare Caspium & Pontum Euxinum, ut & fluvios Volgam & Tanaim primitus vixisse, ita tamen, ut fixas non semper habuerint radices, sed pastoralis vitæ deditos nunc huc, nunc illuc, prout latiora invenerunt pascua, se vertisse, & procedente tempore, ab aliis subsequenibus cum premerentur, semper in Regionem Aparætiæ ascendisse, usque dum tandem ad Boream versi, fluvium Tanaim transeuntes, in septentrionem habitatoribus vacuum se infunderent, ita ut quædam eorum familiæ per Poloniam & Russiam, antiqvæ *Gardariki*, ad Mare Balthicum pervenirent, ejusque australe littus legentes, tandem in Germaniam, Jutiam, & insulas Danicas pervenirent, unde in Regiones Septentrionis transfusæ, fixas tandem sedes obtinuerunt. Hi per multa Sæcula ab eo tempore, quo primum ex familia Japheti egressi sunt, forte a prima gentium dispersione circa Annum Mundi 1800 facta, toto die huc illuc Nomadum instar, vagantes, nulum certum domicilium habuerunt, præter currus & tentoria, in quibus pernoctaverunt, idque sæpius

sæpius in locis ignotis, quibus ne certum quidem nomen dare sciverunt, quem vivendi modum nos illis tribuere, nemo mirabitur, qui legerit, quod de Germanis sui temporis scribunt *Cæsar* B. Gall. Lib. IV. & *Tacitus* de moribus Germanorum. Hæc autem vivendi ratio id effecisse videtur, ut dierum, quos iter faciendo, venando, piscando, huc illuc in locis ignotis discurrendo, vagandoque transegerunt, oblii, mansiones tantum seu stationes, quas habuerunt, & quot in qualibet earum noctes permanserunt, per lapides in urnam coniectos, aut tale quid numerarint, & memoria tenuerint, tandemque temporis computum instituentes, eum primo per noctes in quavis statione transactas iniverint, illarum autem numero crescente, per septimanas, menses & annos numeraverint, unde factum esse videtur, ut noctem primo pro integro die naturali, in minutissimo illo computo, acceperint, & talem computandi morem ad posteros transmiserint.

§. CXXVII.

Hæc, ut puto, est verisimillima causa, cur antiquissimi Septentrionis, Galliæ scil. Angliæ, Scoriæ, Daniæ, Sveciæ, Norvegiæ incolæ, noctem pro toto die numerarunt & nominarunt, minime quod persuasi fuerint, noctem die priorem fuisse, eamque persuasionem a primis parenti-

rentibus, quasi per manus, ab uno alteri adferros usque nepotes traditam, habuerint, quod, ut nobis videtur, omni caret probabilitate, præsertim cum certum sit, Patriarchas non per noctes, sed per dies, menses, & annos, tempus computasse; & si hanc noctium numerationem a Noachidis habuerunt, cur viri, patriorum institutorum tam tenaces, non plures Noachicæ & Adamiticæ sapientiæ, theologicas, historicas, morales, oeconomicas, physicas &c. reliquias conservarunt, quæ cum apud eos perierint, non aliud de hac re statuendum, putamus. Proecedente autem tempore fixas nocti habitandi sedes, acquisitam ex longa rerum experientia, & cum aliis cultioribus gentibus conversatione, consuetudinem noctes pro integro die numerandi non penitus abjecerunt, sed ita perpoliverunt, & moderarunt, ut illis ad certas tantum res & domestica ac Oeconomica negotia determinanda uterentur, idque tantum cum de breviori temporis spatio ageretur, ad vitandam omnem æquivocationem, & amphiboliarum mæandros, quæ ex dierum numero facillime incurrere potuerunt, quamdiu mensium dies non notaverant; de longiore autem tempore loquentes aut statuentes, per menses, semestria, & annos, calculum instituerunt, perinde ac de Islandis dictum est. Hæc enim methodus ut est nativæ simplicitatis, ita animæ, ex objectis & rerum statu

statu recte ratiocinandi studentis, genuine nota.

Et manum de hac tabula.

Addenda & Corrigenda.

Pag. 13.	Lin. 9.	pro ἔντρον, legendum: ἔντρον.		
— 18.	— 30.	— profecta	— —	profecta.
— 28.	— 23.	— viderue	— —	videtur.
— 59.	— 8.	post verba: exorsos fuisse, addend. Conf. Gen. 19. v. 34. ubi major Lothi filia dixit ad minorem: dor- mivi heri cum patre meo, demus ei bibere vinum etiam hac nocte, ubi expresse vocat proxime elap- sam noctem heri seu hesternam, tribuens eandem priori diei, sed subsequentem vocat hanc noctem, id est, ad hunc diem pertinentem.		
— 59.	— 11.	pro libereft	— —	liberes.
— —	— 12.	— sonasse	— —	sonasset.
— 75.	— 14.	— ali	— —	alii.
— 131.	— 16.	— itagva	— —	itaque.
— 144.	— 17.	— sic delendum.		
— 173.	— 1.	— annuno	— —	annum.
— 224.	— 1.	— donatō	— —	donato.



Pag. 31. 2. 16- potiturq; leg- patiturq;

38.- 3. expung: - non -

50. 14.- ut Jacob. 2.- quod Jacob. non mirum.

77. 23. Adde: Errant itaq; gri 77. 23. 9-1

& πέρειν Matk. 4. v. 15 per Trans
Jordanem exponunt, cum verum
cum sit secundum v ad Jordanem.
Utraq; enim has tribus in Gali-
lea fuit, Cis Jordanem, ut Choro-
graphia offendit.

109.- 16. Post. vide supra S. xxix- adde.

ubi ejusdem auctoris ex eodem
Cap. v. 59. verba hoc modo ad-
feruntur - toto die & tota nocte.
unde suspicio eriri potest prio-
rem locum corruptum esse quam
conjecturam excusatumimus
Leiberr. Glafsu verbus in Philol.
Sacra De Textus Graeci puritate
dicentis - Ut in vivam aqua
rum fontiginem incidens la-
pillus, eam non inquinat, ita nec
Textum Biblicum. tam parva,
mutatio

P. 127. 2. 13. annuente & annuente.
130. — 3. abunde. & abunde.
230. — 5. similiter etiam. & femelia auto







